

NHLAVUTELO WA YESU KRESTE



Ndza ku khensa, swinene ngopfu, Makwerhu Neville.

Mi nga tshama ehansi.

² Ndza pfumela leswaku swi vuriwile kan'we, leswaku, "Ndzi tsakile loko va te ka mina, 'A hi yeni endlwini ya Hosi.'"

³ Sweswi, ha tisola kuva hi ngari na ndhawu, kumbe ndhawu ya vutshamo, eka hinkwavo lava nga kona, nakambe kumbexani hi taya hi andza eka vhiki leri taka, hi vanhu lava nghanaka, hi ku twa hi ta nhlengeletano.

⁴ Kambe xivangelo xa nkarhi lowo hlawuleka a kuri leswaku hi nga... Ehenhla ka mbilu ya mina Moya lowo Kwetsima wu ve kile xitshinyo lexi xa ripfumelo leri tiyek, leswaku, "Kereke eka siku leri yi fanele kuva ni Hungu leri." Hikuva, ndzi pfumela leswaku i Hungu lerinene ngopfu ra Bibele, hikuva ri paluxa Kreste eKerekeni ya Yena eka lowu nkarhi.

⁵ Kutani, ku hava ni un'we loyi a nga tava na ripfumelo kumbe ku tiva leswi va swi endlaka, kumbe laha va yaka kona, ehandle ka loko va ri ni swin'wana, nchumu wun'wana ku tiyisisa mianakanyo ya vona ni ripfumelo ehenhla ka rona. Hikokwalaho, loko Matsalwa ya paluxile Kreste eka hina emasikwini lawa ya makumu, ni xiymo xa nkarhi, swi nga hi endla hi ku lulama ku-ku Ri lavisisa ni ku kuma laha hi nga kona.

⁶ Sweswi, ha ti—ha ti sola kuva kereke ya hina yi nga ri leyikulu, siku rin'wana hi navela leswaku hi va na yona.

⁷ Kutani eka mune wa masiku lawa yo hetelela, ngopfu-
ngopfu, ku hlayela leswi ehenhla ka xiphemu xa matimu ya—ya
Buku ya Nhlavutelo, ndzi tsutsumele eka swilo leswi a ndzi nga
ehleketa leswaku swi nga humelela. Nakona swi tisile eka mina
matitwelo ya—ya leswaku, endzhaku ka *Tinguva Ta Nkombo Ta*
Kereke leti, ndzi hetile hi tetu, ndzi nga navela leswaku ndzi va
na yin'wana yo landzelelana ku kotisa ya leyo yo tisa "Kereke
ya—ya ntiyiso na kereke ya vunwa," kun'we, nakambe ntsena ku
ya hi matimu na Matsalwa. Tani hi nkarhi wun'wana ndzi nga
tirha hi matimba, eka nchumayelo, hi ku teka "Vhinyo ya ntiyiso
na vhinyo ya vunwa," leswi kumekaka eBibeleni. Kutani hi le...

⁸ Hi ta ya ringeta ku kuma switulu swin'wana, loko ndza ha
ehleketa hi vanhu lava ringetaka ku tshamiseka. Nakambe hi ya
eku kumeni, ku ringeta ku kuma, switulu swin'wana swotala, ku
ringeta ku tata kamara kusuka endzhaku lahaya, na le handle,
ni swin'wana swotala hinkwako, leswaku hi ta kota ku tshamisa
vanhu votala nyana hi nkarhi wa swikhongelo.

⁹ Sweswi, eka leswi, a ndzi ta vutisa un'wana ni un'wana wa n'wina lava hakunene mi khumbhekaka hi swilo leswi, mi nga—mi nga ta nkarhi hinkwawo lowu hi nga ta—ta kumeka hi Ri hlamusela. Nakona a ndzi nga ta sungula, kumbe ndzi kala ndzi ehleketa hi ndzexe . . . [Xivati lexi nga riki na nchumu eka thepi—Muhleri.] . . . ku sungula ku . . . [Xivati lexi nga riki na nchumu eka thepi.] . . . Buku leyi leyikulu ya Nhlavutelo wa . . . [Xivati lexi nga riki na nchumu eka thepi.] . . . Tinguva Ta Nkombo Ta Kereke. Kambe ndzi tshembhele hi xichavo eka Xikwembu, kuva—kuva swi paluxiwa eka mina ntsena tani hiloko ndzi ta eka swona.

¹⁰ Matimu xa ntumbuluko, lexi ku nga xi . . . xi tekiweke eka vativi va matimu va ntoloveloo lava ndzi va tivaka. Ndzi ti vekile ekamareni ya mina yo hlayela eka yona, kona sweswi, kwalomu ka ntlanhu kumbe ntsevu wa tikhomentari, Hislop's *Two Babylons, Foxe's Book Of The Martyrs*, na tin'wana tibuku letikulu; tani hi Pre-Nicene Council, kwalomu ka mune wa tibuku eka teto, kwalomu ka mune wa madzana wa mapheji eka buku yin'wana na yin'wana. Nakambe kwalahaya ku na Nicene Council, na hinkwawo matimu lawa hi nga ya kotaka. Hikuva, endzhaku ka leswi, kusuka eka thepi ya maginetiki, hi ya eku tsaleni ka khomentari hi Tinguva Ta Nkombo Ta Kereke, ku yi rhumela eka misava hinkwayo, leyi hi nga yi kotaka, hikuva hi le masikwini ya makumu. Hi le nkarhini wa makumu.

¹¹ A swi kalanga swi tikombisa embilwini ya mina hi xitalo swonghasi kufikela ku—ku hlawula ko hetelela, kutani ndzi vonile laha a hi ri kona. Kutani Moya lowo Kwetsima wu sungula ku ndzi paluxela, ku—ku tshinya vanhu, ni ku veka leswi. Nakona a ndzi nge swi endli e—e kerekenei yo tani hi leyi, hi ku hetiseka. Kutani loko ndzi tshama ehansi nakambe ntsena ndzi tsala buku . . . ndzi twa ingaku loko a ndzi fike a phulphitini, nakona nhlohloteloo wa Moya lowo Kwetsima exikarhi ka Vakreste wu te ehenhla ka mina, ku ndzi pfuna, kutani a ndzi tava loyi a ringanelaka ku tsala buku, endzhaku ka loko ndzi yi susile eka thepi, hikuva lahaya a hi ta kuma nhlonhlotelo wa yona. Tibuku, hakunene, ti tava hi muxaka wa ku lulamisiwa swintsongo, hikuva, endzeni lahwani, hi hoxa swilo leswi a hi nga ta swi hoxa ebukwini. Kutani swingaleswi hi . . . Nakona hi teka nkarhi wo tala wa kuva hi tivuyelerisa, kumbe ndza swi endla. Kutani swingaleswi, ebukwini, swi tava swi lulamisiwile hinkwaswo. Kambe hi ya eku ringetenka ku swikuma hinkwaswo, hilaha hi nga kotaka hakona, eka tithepi.

¹² Sweswi, tithepi, madyambu man'wana ni man'wana, tibuku na swin'wana, vafana va tava na swona ehandle ka muako lahaya.

¹³ Sweswi, swi nga endleka ndzi nga swikota madyambu man'wana ni man'wana, tani hi leswi hi ti tekeleke ehenhla ka hina vinyi ku ringetela ku kwetsima ka Xikwembu, ku—ku tisa

Mahungu ya nkombo ya kereke, kumbe Tinguva Ta Nkombo Ta Kereke, eka madyambu ya nkombo; ku teka madyambu man'wana ni man'wana, hi nguva. Tani hi, madyambu ya Musumbunuku, Efesa; madyambu ya Wavumbirhi, Smirna; madyambu ya Wavunharhu, Pergamo; madyambu ya Wavumune, Tiatira; madyambu ya Wavuntlhanu, Sarda; ni madyambu ya Muqgivela, Filadelfia; kutani mixo wa Sonto ni madyambu ya Sonto, Laodikiya, nguva ya kereke leyi hi hanyaka eka yona. Hi nyika matimu ya kereke yo sungula, nakambe—nakambe na vatsari na va matimu, na tintsumi ta nguva yaleyo, na—na mahungu, na ku tsutsuma ka kereke, tani hi leswi yi yeke ehansi ku fikela nkarhi lowu.

¹⁴ Nakona swa hlamarisa ku vona hilaha ku vhumba hinkwako ka Matsalwa ku tiyeke na matimu, ntsena hi ku hetiseka, eka ku anakanya ka kona. Swi tlhele swi ndzi hlamarisa ngopfu, kufikela, tolo, ndzi hlayile ku fikela laha mahlo ya mina a ma pfimbele ehandle. Nakona ndzi humile kutani ndzi ku eka nsati wa mina, “A ndzi kalanga ndzi swi lorha kuva hi ndlela yaleyo.” Wa vona? Hilaha a swi ri kahle hakona!

¹⁵ Kutani sweswi, nkarhi wun’wana, ndzi nga tsandzeka ku swi heta hinkwaswo eka madyambu man’we, kereke, hungu eka kereke. Nakona loko ndzi nga tsandzeka ku swi heta, ni madyambu, kutani mixo lowu landzelaka hi awara ya khume. Ku ta tivisiwa madyambu man’wana ni man’wana, eka lava tsakelaka ku ta va ta yingisela eka swona hinkwaswo, hikuva hi le kuyeni, ku ringeta, ku swi nghenisa eka thepi. Ndzi tava na swikhongelo endzhaku kusukela hi awara ya khume, ni mixo, ku kondza kuva nhlikanhi, exikarhi ka siku, ku ringeta ku swi humesela ehandle, hungu hinkwaro ka rona, hikuva va nga ri kuma eka thepi. Ku ngari . . .

¹⁶ Hi tivisiile leswaku a ku ngavi ni swikhongelo swo horisa, hikuva hi le ku ringetenku tshama eka rito ra vuprofeta bya Bibele. Kutani, hi vile na xikhongelo xo horisa ku ngari khale kwalahawani. Kutani endzhaku ka loko swikhongelo leswi swi herile, kutani hi tava na swikhongelo swo horisa nakambe endhawini.

¹⁷ Kambe sweswi ndzi—ndzi lava ku veka leswi erivaleni, leswaku un’wana na un’wana a ta swi tsundzuka, leswaku sweswi, kona kwalahawani, swi nga tsema ni ku koka, ni ku hi nyika ku ninginika lokukulu. Kambe ndzi na vutihlamuleri, kungari lebyi byinga—nga riki bya nchumu handle ko chumayela Rito. Leswaku, sweswo hi swona hinkwaswo. Ntsena—ntsena khomelela kahle eRitweni. Nakona minkarhi yo tala swi nga endleka, eka tinguva leta kereke, ti nga kongomisa eka dinominexini ya munhu un’wana. Nakona loko swi ngava tano, a swi vuli hi ku kariha. Ntsena swi—swi kombisa leswi Matsalwa ya swi vuleke, na nhlavutelo wa Wona lowu ndzi nga na wona. Nakona loko mi ehleketa leswaku ndza hoxisa eka swona,

kutani mi nga swi khomi mi lwisana na mina ha swona, ntsena ndzi khongeletano leswaku Xikwembu xi ta ndzi kombeta leswi lulameke, hikuva kunene-nene ndzi lava kuva loyi a lulameke.

¹⁸ Kutani nchumu wun'wana, hi ku lemuka leswaku vutihlamuleri lebyi ndzi nga na byona, eka—eka muxaka wa nhlengeletano yo kota leyi, leswaku ku dyondzisa vanhu, leswaku Moya lowo Kwetsima wu ta ndzi vekela vutihlamuleri eka marito lama ndzi ma vulaka eka phulphiti leyi. Kutani ma vona hilaha hi tshinelakala leswi hi xichavo. Sweswi, ta hina . . .

¹⁹ A ndzi tava ndzi vile na swona leswi kun'wana kokarhi. Kambe, tani hi kuva kuri ku dyondzisa, kutani eka ta hina . . . Ehandle eka swikhongelo swa xiehangeli, un'wana na un'wana wa hina u na ku anakanya kumbe—kumbe ku vonisisa, kumbe tani hilaha swiveke hakona ku ya hi nguva, nakona hi na tikereke ta hina, kutani na leswi tikereke ta hina ti hi dyondzisaka swona, na leswi hi swi pfumelaka. Hina . . . A ndzi tsakeli kuya ekerekeni ya munhu un'wana, kumbe exikarhi ka vanhu vo kotisa valava, kutani ndzi ya vula nchumu lowu hambaneke na leswi vanhu va dyondzisiweke swona. Hikuva, endzhaku ka hinkwaswo, ndzi ringetile ku veka erivaleni switatimendhe swa mina leswaku . . .

²⁰ Loko munhu a ri Mukhatholiki, nakona a tshembhele eka Kereke ya Khatholiki kuva a ponisiwa, u lahlekile. Loko a ri Mubaptist, a tshembhele eka Kereke ya Baptist, u lahlekile. Kumbe Mupertekostal, a tshembhele eka Kereke ya Pentekostal kuva yi n'wi ponisa, u lahlekile. Kambe, kereke yin'wana na yin'wana! Kambe loko munhu yaloye a ri eku wiseni hi xichavo ehenhla ka ripfumelo eka mintirho leyi hetisiweke ya Kreste eXihambanweni, u ponisiwile, a ndzi na mhaka na leswaku u nghena kereke yihi. Hikuva, "Hikuva hi ripfumelo u ponisiwile, kutani sweswo hi tintswalo."

²¹ Sweswi, nkarhi wun'wana, hi ku endla leswi, kutani ndzi nga ehleketa, endzeni ka muako wa mina lowuntsongo lowu hi wu sunguleke malembe yo hlaya lawa hundzeke, ntsena hi nhulu ya switina swa khale swa khokhireti, nakona i muxaka wa xivandla xo hlawuleka eka hina. Ha wu venga, ntsena hi venga ku vona wu cinciwile, hi ndlela yin'wana, hikuva hilaha Xikwembu xi sunguleke ku hlangana na hina, loko hi nga se chela na le hansi. Kambe wu—wu fike eka xiyimo lexi sweswi wu vaka wa khale, nakona hi le ka muako—nonganoko wa ku aka lahwani, ku tata ndhawu leyi hi kereke lahwani.

²² Sweswi, ku kondza swi hundza, ndzi twa ingaku loko ndzi vuya kusuka ensin'wini, laha ndzi nga ta ka ndzi nga vavisi vamakwerhu na, kumbe, mahungu na swin'wana, kutani swi ndzi nyika nfanelo yo veka mavonelo ya mina, ehandle—ehandle ka ya mina . . . ehandle ka phulphiti lahwani. Kutani loko u ku, "Ndzi dyondzisiwile ku hambana nyana." A ndzi ta . . .

Kutani sweswi, eka leswi, ntsena hi rhamba munhu un'wana na un'wana loyi a lavaka ku ta. Wa vona? Ku hava na munhu loyi a wu seketelaka, kumbe swin'wana. Kova tabernakele lahawani. Nakona un'wana na un'wana loyi a lavaka ku ta, ntsena u amukelekile ku ta. Ntsena tana. Swingaleswi na mi rhamba leswaku tanani na ti Bibele ta n'wina, eka nhlengeletano yin'wana na yin'wana, nakambe tanani na tipenisele na maphepha.

²³ Kutani sweswi, na hinkwato tikhomentari na swin'wana, a ndzi nga ta kota ku ta na tibuku hinkwato. Kutani ndzi lo tsala ntsena, ndzi tsala ehansi, nkarhi hinkwawo, ephepheni lahawani, tinotsi tintsongo kusuka eka matimu nale ka tikhomentari, na swin'wana, leswaku ndzi ta kota ntsena ku swi hlaya kusuka eka—eka tinotsi lahawani, ematshan'wini yo va na buku na ku pfulapfula mapheji. Hambi swi ri tano, loko swi ta eMatsalweni, hi ta tirhisa Bibele. Kutani eka khomentari, ndzi ta hlamusela; kumbe matimu, loyi muvuri wa matimu loyi a swi vuleke a ri yena, na swin'wana. Kutani eka... Hikuva, eka mhaka ya buku leyi nga kuteni, hikokwalaho ka yini, kutani hi nga yi tsala kahle, ni ku kuma swilo hinkwaswo swi endlive kahle.

²⁴ Sweswi, hi ta endla hinkwaswo leswi hi nga swi kotaka ku sungula ka hari na nkarhi ni ku huma ka hari nkarhi hilaha swikotekaka. Ti tava ta masiku ya nhungu, tinhlengeletano, Sonto kufika Sonto.

²⁵ Mixo lowu ndzi sungula kuavanyisa ka vu1 ka Nhlavutelo, ka Buku ya Nhlavutelo. Nakambe Nhlavutelo yi vekiwe hi swiphemu swinharhu. Nakona ku avanyisa ku nharhu loku ko sungula hi loku hi nga ta tirhana na kona eka masiku lama nhungu. Loko, nguva yin'we ya kereke yi nga hi tekela nhweti. Kambe ntsena hi ta fanela ku ba tindhawu ta le henhla, tani hilaha hi swi vurisaka xiswona. Swingaleswi loko mi kuma buku, swi tava swi tsariwile, hi vunyingi hi vuenti.

²⁶ Sweswi, Nhlavutelo, ku avanyisa ka nharhu ko sungula, ku tirhana na Kereke, kutani Kereke yi nyamalala. Hi nga ha Yi voni nakambe kufikela enkarhini wa makumu. Kusuka eka Nhlavutelo 1 ku fika eka 3, i Kereke; Nhlavutelo 4 kufika eka 19, i Israel, ku nga rixaka; kutani 19 kufika eka 22, i ta ha vumbirhi, kun'we. Nakona makhombo na switshinyo, na swin'wana, emakun'wini! Yi vekiwe hi swiphemu swinharhu. Wa vona? Kutani hi teka ku avanyisa ka nharhu loko sungula, mayelana na Kereke, ni nguva ya kereke leyi hi hanyakka eka yona.

²⁷ Sweswi, xo sungula, swi nga tikomba swi omile hikuva hi fanele ku tlhelela endzhaku hi ya endla masungulo. Ndzi khongerile ni ku hlaya, ni ku endla hinkwaswo leswi a ndzi ta swi kota, ku ringeta ku—ku kuma matitwelo ya Moya lowo

Kwetsima, leswaku hi yihi ndlela yo veka swilo leswi, leswaku vanhu va ta swi vona, na leswaku mi nga ha, hi ku swi vona, mi ta pfuleka mahlo ni ku mi endla leswaku mi ta ekusuhi na Kreste, hikuva hi le nkarhini wa makumu.

²⁸ Nakona i nchumu lowu hlamarisaka, tani hi leswi a ndzi ri karhi ndzi hlaya matimu, ku kuma hilaha kereke yaleyo yi nga sungurisa xiswona, ni hilaha yi phatluuke hakona, ni leswi humeleleke, ni ku vona Mbewu leyintsongo ya Xikwembu yi hundza eka yin'wana na yin'wana ya tinguva leti; yi humela ehandle hi ku hetiseka, kusuhi ni kuva, endhawini yin'we.

²⁹ Sweswi, mundzuku ni madyambu, hi ta sungula, ni kuva na—kuva na—na chati lahwani; kungari chati, kambe xo tsalela, lexi ndzi lavaka ku endla tani hi ku swi dyondzisa eka xo tsalela. Ndzi pfumela leswaku mudyondzisi wa xikolo xa Sonto, un'wana wa vona, u na xo tsalela kona. Ndza xi vona endzhaku. Ndzi ta ya kuma mulanguteri wa kereke leswaku a xi tisa, a xi veka haleno mahlweni, leswaku ndzi ta dyondzisa swi ri karhi swi suka eka xo tsalela, ni ku swi tsala leswaku mi tava na ntiyiso ha swona. Nakona mi nga ha swi mpfapfarhuta ephepheni ra n'wina, na swin'wana, na ku swi kumela ekusuhi tani hiloko hi ta ri tisa.

³⁰ Kambe ndzi lava ntsena ku vula leswi ndzi nga se sungula. Ku vona masungulo ya nguva ya kereke; ni ku vona hilaha vaapostola, tidyondzo, na swilo leswi a va swi dyondzisa, na milawu ya Bibebe. Kutani ku vona kereke yaleyo, mayelana ni ku vuyelela ka vumbirhi ka vaapostola, hilaha yi sunguleke ku nyamalala; ka xiviri, ku dyondzisa ka ntayiso. Ku vuyelela ka vunharhu, ku nyanya ku yisa ekule. Hi ku vuyelela ka vumune, a yi nyamalele ku ya eka—eka ku kufumela. Kereke yi humese kereke yo kufumela.

³¹ Kutani Kereke leyi tatiweke hi Moya! Leyi, ndzi vula leswi hi ku xixima ka vukwembu eka vukhongeri bya munhu un'wana na un'wana. Kusukela emasunguleni, kufikela nkarhi lowu, ya xiviri, Kereke ya ntayiso yi vile Kereke ya pentekostal. I ntayiso. Xikwembu xi hlayisile Kereke leyi.

³² Swingaleswi ndza tivutisa minkarhi yo tala, loko Yesu a vile na marito, a ku, "U nga chavi, wena ntlhambi nyana, hikuva i ku tsakela ka Tatana wa n'wina ku mi nyika mfumo." Ndzi ti vutisile minkarhi yo tala leswaku sweswo a swivula yini, kambe sweswi ndza swi twisia.

³³ Vhiki leri hundzeke hi vile na nhlengeletano eShreveport, Louisiana, nhlengeletano leyikulu ya ximoya leyi ndzi nga si tshamaka ndzi ya eka yona, evuton'wini bya mina. Shreveport!

³⁴ A ndzi ri... Ndzi vile na masiku nyana ya ku endzela, nakona ndzi yile ehansi eKentucky na Makwerhu Wood lahwani, un'wana wa vadiyakoni va kereke, kumbe vatrasti, kumbexani, ku ya hlota. Hi yile ekhwatini.

³⁵ Ndzi duvurile maxinjani xo sungula. Kutani ndzi ku, "Ndzi ta yima ntsena," hikuva munhu un'wana u tile na timbyana tin'wana. Kutani ndzi ku, "Ndzi ta yima ntsena ku kondza vamaxinjani va humela ehandle ka minkele. Swi tsutsumele ehenhla ka minsinya, eminkeleni, ni ku tumbela sweswi." Ndzi ku, "Loko va humela ehandle... Ndzi ta tshama laha kutani ndzi yima." Hikuva, ka titimela swinene ni kuva na gwitsi, nakona tindleve a ti hisa. Nakambe, ma switiva, mi—mimoya leyo titimela leyi humaka eswinkobyanini. Ndzi ku, "Ndzi ta yima ntsena ku kondza vamaxinjani swi humela ehandle."

³⁶ Kungari ku tlula ku tshama ehansi, ku kondza Moya lowo Kwetsima wu ku, "Yima, kutani u ya ehenhla endhawini leyi u yi vulaka 'xinkobiana xa van'wa-mitlangu.' Ndzi ta vulavula na wena kona."

³⁷ Kutani ndzi yile ehenhla endhawini leyi ndzi nga yi thya "xinkobiani xa van'wa-mitlangu." Hikuva, xivangelo xo va ndzi thyile swinkobiana leswiya, hi vumina, leswaku ndzi ta tiva laha a ndzi ri kona. "Xinkobiana xa van'wa-mitlangu," a kuri hikuva a swi ri na... Ndzi yile kwalahaya kutani ndzi vonile vamaxinjani va khume ntsevu va tshamile ensinyeni wun'we; ndzi duvurile mpimo, ndzi siya leswin'wana hinkwaswo kwalahaya, kutani ndzi famba. Nakona walowo i nthlangu wa kona, nchumu wa ku wu endla. Kutani ndzi yi vitana, "xinkobiana xa van'wa-mitlangu."

³⁸ Nakona Xi ndzi kongomisile, "Ndhawu leyi u yi vitanaka 'xinkobiana xa van'wa-mitlangu.'" Kungari leswaku Xi yi vitana tano, kambe mina a ndzi yi vitanisa sweswo.

³⁹ Kutani ndzi yile ehenhla enhlokweni ya xinkobiana xexo ndzi fika ndzi tshama ehansi ka nsinya wa oak, ni rindzela ku ringana kwalomu ka hafu ya awara, nakona a ku humelelanga nchumu. Ndzi pavalarile ehansi, ndzi badamela ehansi, ndzi ololoxile mavoko ya mina ematlhelo. Kutani Wu vulavurile na mina.

⁴⁰ Ku te loko Xi swi endlile, Marito lawa Xi nga ma kongomisa eka mina, eka rona Tsalwa leri hi yaka eka rona mixo lowu, a ndzi nga se tshama ndzi ri vona, evuton'wini bya mina hinkwabyo.

⁴¹ Swingaleswi loko ndzi fika eShreveport, Louisiana; wansati loyi a nga wansati loyi a nyikiweke, vito ra yena i Manana Shrader.

⁴² Malembe yo tala lawa ya nga hundza, loko Ntsumi ya Hosi yi ta hlangana na mina ehansi laha enambyeni, ro sungula, na kuva yi humelele hi Layiti rero, na Marito lawa Yi ma vuleke kwalahaya; endzhaku ka khume n'we wa malembe, loko ndzi nghena enhlengeletanweni, wansati loyi lontsongo u yimile a vulavula hi tindzimi ni ku tihlamusela. A kuri rito hi rito nchumu lowu fanaka ni leswi vuriweke hi Ntsumi.

⁴³ Nakona yena wansati lontsongo loyi, loko ndzi nghena eka tabernakele e...kumbe ndhawu leyi a hi ri eka yona eShreveport, Life Tabernacle, Moya lowo Kwetsima wu ya eka wansati ya loye ni ku vula rito hi rito ra leswi Yi swi vuleke eka mina le axigangeni. Kutani Moya wu sungula ku famba-famba ni ku nyika nhlamuselo, wu vula leswa ha taka hi nhlavutelo, hi vuprofeta, swilo leswi nga ta humelela enhlengeletanweni madyambu lawa a ma ta landzela, nakona a ku na nkarhi ni wun'we laha swi tsandzekeke.

⁴⁴ Ku nga se va na sweswo, wansati lontsongo u yimile enhlengeletanweni, wansati wa Mubaptist u tile lahaya a nga tivi leswaku u ta swi endla. Nakona a yimile exikarhi ka ntshungu nakona Moya lowo Kwetsima wu wela ehenhla ka yena, kutani a sungula ku vulavula hi tindzimi, wansati wa Mubaptist kusuka eka Kereke yo sungula ya Baptist eShreveport. Kutani a nga switivi leswi a swi endleke. Kutani endzhaku, a nga se vula nchumu, Moya lowo Kwetsima wu nyika nhlamuselo, wu ku, "HI LESWI HOSI YI SWI VULAKA, 'Ku nga se hela tinhweti tinhharhu, kutava na Moya wa Muxé, Eliya, na Kreste, yi tirhaka eka tabernakele leyi.'" Kwalahaya swi humelerile, hi ku hetiseka.

⁴⁵ Wanuna wa Mubaptist kusuka eMeridian, Mississippi, u sungula ku tlhandleka mavoko ya yena ehenhla ka xigwitsirisi xa yena, leswaku a kuma xa nchumu eka xigwitsirisi, hiloko Moya wa Xikwembu wu ta ehenhla ka yena. Kutani u vulavurile hi tindzimi, a ngari ku switiveni ka leswi a ri ku swi endleni. Nakona loko a nga se kuma... a ta twisisa leswi a ri ku swi endleni, Moya lowo Kwetsima wu vulavula wu hlamlula wu ku, "Yana eShreveport, Louisiana. Nandza wa Mina u ta ku byela leswi u faneleke ku swi endla."

⁴⁶ Kutani u fikile kwalahaya, a ku, "A ndzi swi twisisi leswi; a swi se tshama swi humelela." Oho, mina!

Hi hanya emasikwini ya makumu ntsena ku nga se fika ku Vuya ka Hosi.

⁴⁷ Kereke ya leyo leyintsongo minkarhi hinkwayo yi le ka nhlayo leyintsongo, ya mapentekostal. A ndzi vuli Tipentekostal ta tidinominexini. A ndzi vuli tona. Kambe, vanhu lava va nga ni ntokoto wa pentekostal! Pentekosta a hi nhlangoano. Pentekosta i ntokoto lowu wu yaka eka un'wana loyi wu n'wi tsakelaka. Mukhatholiki, Muyuda, Muproselyte, Mamethodist, Mabaptist, "Loyi a swi rhandzaka, n'wi tshikeni a ta." Intokoto lowu munhu hi yexe... Xikwembu a xi tirhi hi dinominexini, hambi kuva Xona xi tirha eka Vamatiko tani hi—hi rixaka kumbe vanhu. Xi tirhana na munhu a ri un'we, "Loyi a swi rhandzaka." A ngava wo basa, wa ntima, wa xitshopani, wa buraweni; Mumethodist, Mubaptist, Muprotestant, Mukhatholiki. Hambi a ngava a ri

wihi, "Yena a ti," un'wana ni un'wana. Ndzi tsakile swinene hikuva Xi swi endle hi ndlela yaleyo. Ndzi . . .

⁴⁸ Tani hilaha nakulorhi a vuleke leswaku, "Swi nga antswa ndzi N'wi twa a vula sweswo kutlula ku vitana vito ra mina, 'Pfumelela William Branham a ta,' hikuva ku nga hava na va William Branham vo tlula un'we. Kambe loko A ku, 'Loyi a swi rhandzaka,' ndza *switiva* sweswo swi ndzi tekile."

Kutani yaleyo i ndlela leyi hinkwerhu hi nga titwisaka swona, "Loyi a swi rhandzaka, a ti na yena."

⁴⁹ Sweswi, ndza *switiva* leswaku ku na vanhu votala lava yimeke ehandle lahaya etihoteleni na timotela, lava teke kusuka emisaveni hinkwayo. Wa vona? Ku na vanhu laha kusuka eIreland na tindhawu to hambana, lava yimeleke ku hlangana loku. Kambe a ndzi swikoti ku swi khoma sweswi. Ndzi lava ku nyikela nkarhi wa mina eka leswi, ma swi twisia.

⁵⁰ Loko ndzi vuya eka marendzo lawa, hi ntolovelo a ndzi ta vuyela ku va—ku va na un'wana loyi ndzi nga ta n'wi chumayilela, hikuva va hlayisa ku hlangana loku. Kambe sweswi hi fanele ku va tshika va famba hikwalaho ka Leswi.

⁵¹ Sweswi, nchumu wun'we ntsena hi nga se sungula eka Buku ley. Ekusunguleni a kuri na Kereke ya Pentekostal. Kereke yaleyo ya Pentekostal yi humele ehandle hi matimba ya Moya ni ku tsala Buku ya Mintirho. Rhengu ra vumbirhi, yi sungule ku tsana, kereke yi va ya ximfumo. Nguva ya vumbirhi ya kereke, a yi ri ya ximfumo hi xiviri, kambe Mbewu ya leyo leyintsongo ya Pentekosta yi yile emahlweni ni ku ta, hi ximoya. Kutani yi yile eka ndhawu ya nguva ya munyama, ya kwalomu ka khume mune wa madzana ya malembe na ya n'wana, ya ku xaniseka ka munyama. Yona nguva ya leyo leyintsongo ya Pentekostal yi yile emahlweni yi hanya eka sweswo. Hilaha yi hanyeke eka swona, mi nga ndzi vutisi. A kuri voko ra Xikwembu, nchumu wun'we lowu nga vaku wu swi endlile.

⁵² Hikuva, va va belele ehansi, etipalen. Kutani va teka vavanuna va va hundzuluxela ehenhla ka—ka xikundu, nakambe va teka timhengu ni ku ti belele emilengeni ya vona, kutani va tshika swiharhi, timbyana, ti va luma hi le ndzhaku, tikoka marhambu ya vona, va nga se fa. Va teka vavasati, va tsema mavele ya vona, hi ku ciputa kukotisa *sweswo*, mavele ya vona ya xinene, kutani ntsena va yima ni ku tshika ngati yi halakela ehandle, ku kondza vutomi bya vona byi huma eka vona. Va teka vana eka vamanana lava a va languterile ni kuva nyikela eka timbyana ni tinguluve leswaku ti dya, loko va va langutile. Swi languteriwa kuva swi ri Vukreste; kambe Bibele yi teri, na Yesu u teri, "Nkarhi wa ta lowu un'wana ni un'wana la nga ta mi dlaya, a nga ta ehleketa leswaku u tirhela Xikwembu." Wa vona?

⁵³ Nakona sweswi nchumu wolowo wu khokhovele ehansi kuya fika eka nguva yin'wana. Kutani eku heteleleni wu humele

ehandle. Kutani ha lemuka loko kereke yi va ehandle eka rhifomexini. Yi kokiwile yi suka ni ku kokiwa yi suka, kusukela nkarhi wolowo, ni kuya ekule na Moya, ku ya ekule na Moya, kuya ehansi ku fika eka nguva leyi yo hetelela laha yi lulameleke ku titiyisa ni ku endla xifaniso xa xivandzani.

⁵⁴ Kambe Moya lowuntsongo wu ta hanya etimbilwini ta vanhu ku kondza Yesu a vuya. Swi fanele kuva tano. Sweswo swi vekeni emiehlekeweni.

⁵⁵ Hi ta swi mpfapfarhutela ehandle emimepeni, hi teka matimu ni hinkwaswo, ni ku mi kombisa leswaku hakunene swi hi ndlela yaleyo. Ku mi pfumelela mi teka matimu, hi n'wexe, mi ma hlaya. Ma swivona leswi Bibele yi swi vuleke, na leswi matimu ya swi vuleke. Vonani hilaha swi hlanganaka hakona hi ndlela yaleyo! Oho!

⁵⁶ Hinkwerhu hi nga swi teki ntsena tani hi dyondzo, kumbe hi xichavo, hi xichavo hi teka switshinyo swa Moya lowo Kwetsima ni ku khongela, nhlikanhi ni vusiku. Mi nga pfumeleli nchumu wu mi sivela ku khongela.

⁵⁷ Hi nghena endzeni, swi ta fukula vutomi bya vavanuna lavakulu endzhaku lahaya, hilaha va tinyikeleke hakona. Mi ta vona hilaha kuntsongo mi endleke hakona. Swi ndzi endla ndzi khomiwa hi tingana nkarhi wun'wana, hilaha hi faneleke kuva na hinkwaswo hi ku olova, nakona va kumile hinkwaswo hi ku tikeriwa. "Va tsendzeleke hinkwako," Paul u teri eka Vaheveru 11, "va ambale madzovo ya tinyimpfu ni ya timbuti, va xanisiwa niku endliwa hi nsele, na ndlala." Xana vumbhoni bya hina byi ta yimisa ku yini kusuhi na bya vona xana? Xana swi tava njhani ehenhla ekusuhi na sweswo? Nakona hi fanele ku va na hinkwaswo swa kahle.

⁵⁸ Sweswi, ntsena hi xichavo, hi nga se pfula Buku, a ndzi ta tsakela eka hina hinkwerhu, lava nga ta swikota, ku yima ntsena eka xinkadyana xa xikhongelo. Sweswi hi ku tshembheka ka mbilu ya wena, hefemula rito ra xikhongelo ra...eka Xikwembu.

⁵⁹ Hosi Xikwembu, Mutumbuluxi wa matilo na misava, Mutsari wa Vutomi lebyi nga Heriki, na Munyiki wa hinkwaswo leswinene na tinyiko to hetiseka. Ha swi kombela Wena, Hosi, xo sungula, i ku hi rivalela eka hinkwako ku honisa ka hina, na vudyoho bya hina ni ku tlula nawu wa Wena, ni le ka un'we eka un'wana na vanakulorhi va hina.

⁶⁰ Leswaku xinkadyana lexi xa ku hlangana kun'we xi ngavi ntsena eka ku antswisa mimoya ya hina, kambe a kuve ku hi dyondzisa hi ndlela ya muxaka wun'wana, ni ku hi hlohlotela, ku kondza hi ya byela van'wana. Leswaku kuva nkarhi wo tinyikela hi vuntshwa, ku hlangana na Miri lowu heleleke wa Kreste na kuva lava tilulamiseleke ku Tlhandluka.

⁶¹ Xikwembu Tatana, kungari hi matitwele ya mina n'winyi, hi ku tiva leswaku nandza wa Wena, ni hinkwawo malandza laman'wana, kuva va nga ringanelanga ntirho lowukulu. Ku lemuka hilaha vavanuna lavakulu, lava hundzeke hakona, va swi vekeke etimbilwini ta vona ku ringeta ku swi paluxa Leswi, kumbe ku nyika mavonele ehenhla ka Nhlavutelo lowukulu; kutani hi lemuka leswaku hi, tlurisa leswi va nga xiswona, ku nga ringanelanga. Kambe Wena u ku ringanelka hina.

⁶² Kutani ndza khongela, Tatana wa le Matilweni, leswaku U ta endla nchumu wo hlawuleka hi nkarhi lowu, leswaku Moya lowo Kwetsima wu tava ni ku hlawuleka embilwini yin'wana ni yin'wana. Yimbisa milomo leyi vulavulaka ni tindleve leti twaka. Kutani loko leswi hinkwaswo swi herile, nakona hi swi kongomisa eka Wena, leswaku loko hi famba kusuka ehansi ka yunavelo bya yindlu leyi, hi ri karhi hi ku, "Swi vile kahle eka hina kuva kwalahaya. Moya lowo Kwetsima wu vulavurile na hina loko hi tshamile kwalahaya. Kutani sweswi hi ti yimiserile ku endla hinkwaswo leswi hi swikotaka loko Mavoni ma ni madyambu ma ha voninga." Hi nyike swona, Hosi.

⁶³ Ingaku, eku fambeni ka nhlengeletano leyi, u nga endla vavanuna ni vavasati leswaku va khomelela, hi vuntshwa. Leswaku U nga ha pfuxa vavulavuri va tindzimi, vahlamuseti va tindzimi. Leswaku U nga ha pfuxa tinyiko ta vuprofeta. Pfuxa vachumayeri, vafundhisi, vaevhangeli, na van'wana, leswaku Kereke yi nga ha antswisiwa. Pfuxa vamixinari kuya ensin'wini lahaya ni ku tisa emahlweni Evhangeli leyo dzuneka. Hinkwako laha Rito ri nga ta ya kona, leswaku Ri nga ha wela emisavemi leyinene, ri veka hi ka dzana, hikuva hi pfumela leswaku hi le maheteleleni ya nguva. Ku hela ku le kusuhi.

⁶⁴ Hi nyike swilo leswi, Tatana. Nakona ehenhla ka swilo leswi hinkwaswo, Hosi, enkarhini lowu, Wena ndzi pfuni, la dingaka. Hikuva ndza swi kombela, loko ndza ha ti nyiketela eka Wena eka swikhongelo leswi, hi Vito ra Yesu Kreste. Amen.

[Makwerhu wa xisati a vulavula hi ririmini rin'wana. Makwerhu wa xinuna a nyika nhlamuselo—Muhleri.]

⁶⁵ Xikwembu xa Matimba, Wena la pfuxeke Yesu eku feni, hi tsakile swinene ku tiva leswaku Moya wa Wena wu tshama exikarhi ka hina. Hi nkarhi hinkwawo U na ntiyiso nakona a wu na rito ra vunwa. Kutani sweswi, Tatana, tiyisisa Rito ra Wena ku yisa emahlweni tani hiloko hi ta hlaya, hikwalaho ka ku kwetsima ka Wena. Leswaku mbilu yin'wana na yin'wana, tani hiloko U virile leswaku, "Tilunghiseleni ni kuva lava ti lulamiseleke, hikuva ku ta humelela swin'wana." Ku ngava leswaku vanhu va ta kuma xitshinyo xa vona xo hetelela ku hundzuka eka swilo leswi va nga eku swi endleni, va ya endleleni yo lulama. Ha Ku khensa, Xikwembu lexi Kwetsimaka, hi Vito ra N'wana wa Wena, Hosi Yesu. Amen.

⁶⁶ Sweswi a hi pfuleni eka Buku ya Nhlavutelo, ku avanyisa ka 1. Sweswi, xo sungula, ndzi lava ku hlaya tindzimana tinhарhu to sungula ta Nhlavutelo.

Ku Hlavutela ka Yesu Kreste, loku a ku nyikiweke hi Xikwembu, a ta tivisa nandza wa yena etimhaka leti fanelaka ku humelela sweswi; leti a ti rhumeke hi ntsumi ya yena a va a tikombisa Yohana nandza wa yena:

La nga tiyisa rito ra Xikwembu, ni vumbhoni bya Yesu Kreste, ni le ka hinkwaswo... swi nga hinkwaswo leswi a swi voneke.

Ku katekile la hlayaka, ni lava yingisaka timhaka ta vuprofeta lebyi, lava hlayisaka leswi tsariweke kona: hikuva nkarhi wu kusushi.

⁶⁷ Tani hiloko ndzi vurile eku sunguleni, sweswi, eka leswi hi ta ringeta ku nyika ku tshovelela kuntsongo ka Buku, hi kuya hi matimu na swin'wana. Nakona nkarhi wun'wana na wun'wana loko mi ndzi vona ndzi kongomissa eka mapheji lawa ndzi ya tsaleke lahwani, i swilo leswi ndzi swi tekeke kusuka eka tikhomentari na swin'wana.

⁶⁸ Sweswi, mutsari wa Buku ley i Yohana, Mukwetsimi Yohana wa matimba ya le henhla, a tsalela rixaka ra nkarhi lowu tako (A). (B) Yi kongomisiwe eka tintsumi ta nkombo ta minkarhi ya nkombo ley i hambaneke ya nguva ya Vukreste, nguva kusuka enguveni ya vaapostola ku fika eku Vuyeni ka Hosi. Kutani... sweswi, tinguva ti humelela hi ku siyerisana, yin'wana na yin'wana, kusuka eku tlhandlukeni ka Hosi ya hina kuya eku Vuyeni ka Yena nakambe. Nguva yin'wana na yin'wana ya kereke yi hlamuseleka hi xiyimo xa yona xa ximoya. (E) Nguva yin'wana na yin'wana ya kereke yi nga ti xiyisisa hi mavulavulelo ya yona ya Matsalwa na swa ximoya. Tani hiloko Moya wu vulavula, nguva yin'wana na yin'wana yi nga ri xiyisisa. Nguva yin'wana na yin'wana yi tswarile Vhinyo ya ntiyiso ya Kreste, ntombhi yo Tlhariha. Nakona nguva yin'wana na yin'wana yi tswarile vhinyo ley i damarhetiweke, ya ntombhi ya xiphukuphuku.

⁶⁹ Vativi va matimu va pfumela leswaku, lebyi i vutomi bya Yohana. Yohana u hanyile malembe ya yena yo hetelela edorobeni ra Efesa ni ku fela kona. A ri exihlaleni xa Patmos, enkarhini lowu a tsaleke Buku ley i, Nhlavutelo. A Yi ngari xitorhi xa vutomi bya yena, kambe xitorhi xa Kreste eka tinguva leti a tiri ekuteni. Wa vona? A Yi ri vuprofeta. Kungari vutomi bya Yohana, kungari vutomi bya Kreste, kambe ku profeta hi nguva ley i yi tata. A yi ngari mimpfumawulo ya vuprofeta bya yena; kambe, ku dzuneka ka Hosi, hi xichavo. A Yi ngari Nhlavutelo wa Mukwetsimi Yohana wa matimba ya le henhla, kambe Nhlavutelo wa Kreste Hosi.

⁷⁰ Hi yona Buku yo hetelela ya Testamente Leyintshwa, hambi swi ri tano yi vulavula hi masungulo na makumu ya ku hoxiwa ka Evhangeli. Hi kuma leswaku vadyondzi va Bibele va pfumelelana na swona.

⁷¹ Mapapila eka tinguva ta nkombo ta kereke ya tsariwile, hi vuprofeta, eka tinguva leti taka. Paul u tsarile hi vutomi ni ku kwetsima ka tikereke ta nkombo leti veke kona enkarhini wa yena. Yohana u tsarile hi vutomi ni ku kwetsima ka tikereke ta nkombo enkarhini lowu taka, sweswo Yohana a rungulela vafundhisi lava nkombo kumbe varhumiwa tani hi ku kongoma Vakreste hinkwavo ehansi ka tintsumi leta nkombo to hambana.

⁷² Sweswi, Buku ya Nhlavutelo, sweswi hi ya aku yi tekeni, tani hiloko hi tshovelela leswi ehansi eka mixo lowu ni madyambu lawa. Nakona hi ta ringeta ku ntshuxeka hi kwalomu ka awara ya khume n'we ni hafu ku bile awara ya khume n'we, swin'wana swo kotisa sweswo, kutani hi sungula nakambe madyambu lawa hi awara ya nkombo.

⁷³ Sweswi vundzeni bya kuavanyisa loku ka 1. Ndzhimana ya 1, yi—yi vulavula hi Yoxe, hikuva i Nhlavutelo wa Yesu Kreste. Ndzhimana ya vu 2, Mukwetsimi Yohana wa matimba ya le henhla i mutsari ni nandza. Ndzhimana ya vu 3, minkateko yi tivisiwa. Ndzhimana ya vu 4 kufika eka ya vu 6, ku losa eka kereke. Ndzhimana ya vu 7, xitiviso. Ndzhimana ya vu 8, Vukwembu bya le henhla bya Yesu Kreste. Ndzhimana ya vu 9 ku fika eka ya vu 20, i xivono xa le Patmos.

⁷⁴ Kutani, na tona, tindzimana ya vu 14 na ya vu 15 ti hlamusela ku kwetsima ka Yena hi ka nkombo ka Vumunhu bya Yena. Oho, swi sasekile loko hi vona Kreste eka vumunhu bya Yena hi ka nkombo eka byakw-...nkombo wa swimunhuhatwa swa vumunhu bya Yena, eku kwetsimeni ka ku pfuka ka Yena.

⁷⁵ Sweswi, nhloko mhaka yi hlamusela ximunhuhatwa.

Nhlavutelo wa Yesu Kreste, ...

⁷⁶ Kungari nhlavutelo wa Mukwetsimi Yohana wa matimba ya le henhla, kambe Nhlavutelo wa Yesu Kreste, N'wana wa Xikwembu.

⁷⁷ Sweswi, rito ra Xigiriki ra *nhlavutelo i apocalypse*, leswi vulaka "ku phurhumuriwa." Nakambe a ndzi ri eku tekeni ka rito rero ni kuri lavisia. Ri vula, apocalypse, i ku... Tani hi muvatli, u endlile xifaniso lexikulu xa ribye, nakona u xi phutserile hi xifunengeto. Kutani wa famba ni kuya handzula xifunengeto lexi ni ku funungula leswi nga endzhaku ka xifunengeto. I ku funungula.

⁷⁸ Nakona Buku leyi a hi ku fununguriwa ka, ngopfu, ka Munhu wa Yesu Kreste. Kambe, hakanene yi vulavula hi Vukwembu bya Yena na vumunhuhatwa bya Yena bya nkombo, nakambe na swilo leswi A nga swona, tani hi Muprista, Hosi,

na kuya emahlweni. Kambe hi yona ku paluxiwa ka mintirho ya Yena ya nkarhi lowu taka eka tinguva ta Yena ta nkombo ta kereke leti nga ekuteni. Yi . . .

⁷⁹ Loko Hosi ya hina ya hari emisaveni, vadyondzisiwa va N'wi vutisile, kutani va ku, "N'wini, xana eka lowu nkarhi u ta tlherisela mfumo wu tlhelela eka Israel xana?"

⁸⁰ Kutani Yesu a ku, "A hi swa n'wina swa ku tiva awara leyi kumbe nkarhi." Nakona ku hava loyi a nga ta swi tiva. A ku, "Hambi a ri N'wana," hambi swi ri tano, "a nga swi tivi."

⁸¹ Kambe endzhaku ka rifu ra Yena, ku lahliwa, na ku pfuka, ni ku tlhandlukela eku Kwetsimeni, U amukerile vumundzuku bya Kereke kusuka eka Xikwembu. Kutani U tlhele a vuyela endzhaku, ku tisa Hungu leri eka Kereke, na rona Hungu lera ku vuya ka Yena ni ra xiyimo xa tikereke ta Yena ehansi kuya hi Nguva.

⁸² A nga ta swi endla ku nga se va na rifu ra Yena, ku lahliwa, na ku pfuka, hikuva A nga se swi tiva. Kambe mikale mi xiyisia hilaha Matsalwa ya hlayekaka hakona lahawani?

Ku hlavutela ka Yesu Kreste, loku a ku nyikiweke hi Xikwembu (Kreste), . . .

⁸³ Hilaha Xikwembu Tatana xi nyikeke Nhlavutelo eka N'wana wa Xona Yesu Kreste. Kutani Xi rhumerile Ntsumi ya Xona eka Yohana, ku twariswa swilo leswi a swi ri kona; leswi a swi ri kona, leswi nga kona, ni leswi nga tava kona. Oho, swi vekiwile ku saseka!

⁸⁴ Sweswi, eka nguva leyikulu leyi taka leyi voniweke hi Yohana! Sweswi, lowu, Nhlavutelo lowu nyikiweke yena, ximfumo, kufunungula xikongomelo mayelana na Kreste, leswi A nga tava swona ni ku kotisa swona, eka nguva yin'wana ni yin'wana. Hi xona xivangelo ndzi vulaka leswaku, mixo lowu, vekani miehleketo ya n'wina eKerekeni ya ntiyiso. Kereke ya ntiyiso yi sungule hi Siku ra Pentekosta.

⁸⁵ A kuna mutivi wa vukhongeri, mudyondzi wa Bibele, kumbe mutivi wa matimu, a nga vulaka leswaku yi sungule emasikwini ya Martin Luther, Wesley, nguva ya Khatholiki, kumbe yin'wana ya tinguva. Yi sungule hi Pentekosta. Sweswo a kuri ku khanguriwa ka Kereke. Sweswo a kuri masungulo. Swingaleswi, hikwalaho, eka nkanerisano na munhu un'wana na un'wana, a yima enyangweni wa Pentekosta, leswaku va nga koti ku ya kun'wana.

⁸⁶ Swi fana no vekela mpfundha ensin'wini. U tiva laha nkele wun'wana na wun'wana wu nga kona, kutani u wu pfalerile. Wu ta fanela ku vuyela endhawini leyi fanaka hilaha wu nga nghena hi kona.

⁸⁷ Hi swona, yaleyo hi yona ndlela, un'wana na un'wana la vulavulaka hi tikereke na tinguva ta kereke, na mintirho ya Moya

lowo Kwetsima, mi ta fanel a ku vuyela endzhaku emasunguleni, ya xiviri. Swi fanele ku vuyela kona lahaya hikuva Xikwembu hi lexi xi ngariki na ku hela, nakona hi lexi Xi nga na matimba hinkwawo. Hikokwalaho, kuva Xona xi ri lexi nga riki na ku hela, a Xi nge endli nchumu *lahawani*, xithhela xi endla leswi hambanaka na wona, kona *lahawani*. Xi fanele ku endla hi nkarhi hinkwawo tani hilaha Xi endleke emasunguleni.

⁸⁸ Tani hilaha Petro a vuleke, hi siku ra...loko Vamatiko va amukerile Moya lowo Kwetsima, u teri, "Xana hi nga alela mati, hi ri karhi hi swi vona leswaku va amukerile Moya lowo Kwetsima kukotisa hina emasunguleni?"

Yesu, loko Yena a hari emisaveni, u vulavurile a ku, "Swi..."

⁸⁹ Un'wana u tile kutani a ku, "Xana swa pfumeleriwa eka hina, ku tshika nsati wa yena hikokwalaho ka mhaka yin'wana na yin'wana xana?"

⁹⁰ Yesu a ku, "Loyi a nga endla wa xinuna, u endlile ni wa xisati. Hikokwalaho wanuna u ta..."

A ku, "Kambe Muxe u hi lerisile ku tsala papila ro thala."

Yesu a ku, "Eku sunguleni a swi ngari tano."

⁹¹ Tlhelelani endzhaku eku sunguleni. Hikwalaho, loko kuri hi leswaku hi ta vulavula hi nguva ya kereke, hi ta fanele ku tlhelela eku sunguleni, hi veka etlhelo mavonelo hinkwawo lawa munhu wihi na wihi a ma vuleke ehansi eka nguva.

⁹² Leyi hi yona Buku ya ximfumo krtlula Buku yin'wana na yin'wana eBibeleni. Leyi hi yona Buku yi ri yoxe leyi Kreste a vekeke xilemo xa Yena kona. Yi sungula hi minkateko yi hetelela hi ndzhukano. "Ku katekile loyi a hlayaka." Nakona, "Ndzhukano wu le ka loyi a hungutaka swin'wana eka Yona."

⁹³ Hi yona Buku yi ri yoxe leyi Kreste a yi tsaleke, hi Yexe, ya Bibele hinkwayo. Milawu ya Khume, U yi tsarile hi rintiho ra Yena. Hi swona. Vayuda va khomelele eka sweswo. Kutani, namunthha, hi yona—yona Nhlavutelo.

⁹⁴ Nakona loko kuri hi leswaku Sathana u venga Buku yin'wana na yin'wana eBibeleni, i Nhlavutelo. Ku na timbirhi... U venga Matsalwa hinkwawo, nakona i xikwekwetsu hinkwaxo xa Matsalwa. Kambe, loko nchumu wun'wana na wun'wana, lowu a wu vengaka ngopfu, i Nhlavutelo na Genesa. Hikuva, Genesa yi vulavula hi masungulo. Nhlavutelo wu paluxa leswi nga ta humelela eka yena hi siku ra makumu. U ta bohiwa gidi ra malembe; kutani yena, na muprefeta wa mavunwa, na xivandzani, va ta hoxiwa, va ri karhi va hanya, eTiveni ra Ndzilo.

⁹⁵ Kutani u ta hlasela Buku ya Genesa kuva yi ri—yi ri ya xiviri. U ta vula, leswaku, "A hi ya xiviri." Nakona u ta pfilungunya miehleketo ya vanhu. Languta laha javulosi a tshameke kona,

Buku ya leyo ya Genesa kumbe Buku ya Nhlavutelo, yo sungula ni yo hetelela.

⁹⁶ Nakona Buku ya Nhlavutelo yi na mimfungho yo tala endzeni ka yona kutlula Tibuku hinkwato leti nga eBibeleni. Yi na mimfungho yo tala hikuva hi yona Buku ya vuprofeta. I Buku ya vuprofeta. Hikwalaho yi fanele ku twisisiwa hi ntlawa wa vuprofeta. Buku leyi a yi endleriwanga munhu un'wana na un'wana. Ku hava loyi a nga yi twisisaka, hi ku tika. Buku leyi yi endleriwe ntlawa wo karhi wa vanhu. Eka Deuteronoma, Yi ri, "Timhaka leti fihliweke i ta—ta—ta Hosi." Sweswo swi lulamile. Nakona Wa swi hlavutelela eka hina, vana va Yena, timhaka leti fihliweke. Kutani a ti fambi...

⁹⁷ Miehleketo ya xinyama yi ngaka yi nga swikoti ku twisia swilo leswikulu swa Matsalwa, hikuva i vuphukuphuku eka vona. Kambe eka lava va nga varhandzi va Rito ra Xikwembu, lava Buku yi nga tsaleriwa vona, eka Kereke. Nhlavutelo wa Yesu Kreste, "Eka kereke ya Efesa, eka kereke ya Smirna, eka kereke, eka tikereke," kuya ehansi. Nhlavutelo wa Yesu Kreste eka Kereke. Ndza swi rhandza sweswo.

⁹⁸ Kutani xiyisisani, nakambe hi yona ku hetiseka ka Matsalwa, ku hetiseka loku heleleke. Nakona kuya hi ntivo-mbango wu vekiwile endhawini leyinene, emakumu ka Bibele. Nhlavutelo wa nchumu hinkwawo wu vekiwile endzhaku lahawani na minkateko eka loyi a Yi hlayaka ni loyi a Yi yingisaka, ni ndzhukano eka lava engetelaka kumbe ku hunguta. I nawu lowu wu heleleke, oho, ku hetiseka. Ku hava lexi nga engeteleriwa eka Yona. Nakona loko munhu a ringeta ku hunguta swin'wana eka Yona, kumbe ku engetela swin'wana eka Yona, Xikwembu xi teri xi ta susa ku averiwa ka yena eBukwini ya Vutomi. Wa vona? Xi ta teka ku averiwa ka yena eBukwini, loko a engetelerile eka Yona.

⁹⁹ Hikwalaho, loko hi vona vunyingi bya Nhlavutelo wa Hosi ya hina, loyi A nga wona, leswi A nga swona, loko munhu un'wana na un'wana a nga engetela swin'wana eka Swona kumbe ku hunguta swin'wana eka Wona, i vuprofeta bya vunwa. Votala va ringetile ku vula leswaku va vile na swokarhi emahlweni ka Sweswo. Kambe Walowo i Nhlavutelo wa Hosi Yesu lowu hetisekeke eka nguva ya kereke ya Yena na le ka Siku ra Yena, Nhlavutelo wa Hosi ya hina.

¹⁰⁰ Sweswi—sweswi, *ku funungula*, rito ra Xigriki, hi swi n'wana leswi nga fihliwa, leswi nga funu... "ku paluxa" Kreste.

Sweswi, ndzimana leyi landzelaka, hi kuma leswaku, eka ndzimana ya vu 2.

¹⁰¹ Ndzimana ya 1 yi funungula Kreste, ku nga Nhlavutelo, kumbe ku phurhumula. Oho! Hilaha nguva yo hetelela ni ku Vuya ka Hosi a ku nga phu... a ku phutseriwile, eka vaapostola! Va vutisile xivutiso, kambe un'we ntsena u hanyele kuva na

Nhlavutelo. Hambi swi ri tano, a nga swi twisisanga, hikuva matimu a ma nga se endliwa.

¹⁰² Sweswi, matimu ya Buku leyi, kumbe mongo wa—wa hungu ra Buku leyi, a ri kongomisiwe eka tikereke ta nkombo eAsia Minor, leti a tiri kona khale. A Ri kongomisiwe eka tikereke leta nkombo. A ti ri kona tikereke to tala kutlula leta nkombo, hi siku lero. Kambe yin'wana na yin'wana ya tikereke leti a yi ri na nkoka, nkoka mayelana na xihlawulekiso ekerekeni yaleyo, lexi a xi ta yi landzela ku rhelela na nguva, xihlawulekiso xa kereke yaleyo. Kukotisa Efesa, a yi ri na xihlawulekiso. Smirna, Pergamo, na kuya ehansi, Filadelfia, yin'wana na yin'wana ya tikereke leti a yi ri na xihlawulekiso eka yona, lexi a xi ta vonakala nakambe eka tinguva leti taka. Oho! Loko ntsena a mi ta...

¹⁰³ Xana munhu un'wana na un'wana a nga vona ku—ku tirhisiwa ka swa ximoya eMatsalweni nakona a nga vula leswaku a swi nga huhuteriwanga? Swendlo swa n'wina, wona nsusumeto, swikongomelo swa vanhu, hikokwalaho ka yini, swi tiyisisa leswaku Matsalwa ya huhuteriwile, ku vona hilaha Xikwembu xi tirhisaka swilo sweswo. Ntsena leswi u swi endlaka, *lahawani*, i muxaka wa swin'wana.

¹⁰⁴ Ku kotisa loko Abraham a nyikela hi Isaka, n'wana wa yena a ri un'we; muxaka wa Xikwembu loko xi nyikela hi N'wana wa Xona, madzana ya malembe endzhaku. Hilaha Yosefa a xavisiweke hakona ni kuva ekhotsweni, a vengiwa hi yamakwavo va yena a rhandza hi tatana wa yena; Yesu, hi ku fananisa. Hilaha Moya wu tirheke hakona hi Yosefa, munhu, nakona hi ku olova u fananisa vutomi bya Kreste, hi ku hetiseka. Hilaha, Davida, N'wana Davida a tshameke entshaveni leyi fanaka. Loko Davida a landzuriwile tani hi hosi ni kuya ehenhla enhlonhlorini, Ntshava ya Mitlhwari, a languta endzhaku, a ri karhi a rila, tani hi hosi leyi landzuriweke; madzana nyana ya malembe endzhaku ka sweswo, N'wana Davida u gonyile xiganga xexiya, tani hi Hosi leyi landzuriweke, yi rila yi rilela Yerusalem. Moya hi ku fananisa na xivumbeko. Oho!

¹⁰⁵ Kutani xana ma yi vona Kereke leyikulu ya pentekosta eka siku lera makumu? Xana ma swi vona hilaha Xikwembu xi yi khanguleke hakona hi Siku ra Pentekosta? Moya walowo wu fanele ku tshama eKerekeni hi tinguva hinkwato.

¹⁰⁶ Va vile na milawu na ku honisa. A va fanele kuva na dinominexini. A va fanele hi ku hlanganisa kereke na tiko kun'we, nakona va hetelela va swikota kutani swi vangile madzana ya malembe ya nxaniseko. Kutani, Rhifomexini, va humile. Nakona lembe rin'wana na rin'wana, a va ri eku tsemeni ku susa eka swa Ximoya kutani va engetelela eka swa ntumbuluko, ku susa eka swa Ximoya na ku engetelela eka swa ntumbuluko, kufikela sweswi va tilulamiseleke ntsena ku swi

endla nakambe. Hi hanya eka leto hetelela, tiawara to pfala, ku herisiwa ka kereke. Hi le ka Filadelfia . . . kumbe Nguva ya Kereke ya Laodekiya.

¹⁰⁷ Sweswi, kuavanyisa ka 1, ndzimana ya 1, a yi ri ku tivisa eka—eka Yohana. Sweswi, xana mutsari i mani? Yohana. Yohana. A ku ngari nhlavutelo wa Yohana, nakona ha swi tiva leswaku a wu ngari tano, hikuva a kuri Nhlavutelo wa Hosi Yesu Kreste. A ri leswi, a hlawuriwe kuva mudyondzisiwa. Kutani Buku hi Yoxe yi paluxa lowu a yi ri wona, Yesu Kreste, eka loyi A n'wi paluxela.

¹⁰⁸ Nakona yi rhumeriwe eka . . . “Leti a ti rhumeke hi ntsumi ya yena a va a tikombisa Yohana.” A hi switivi leswaku ntsumi a ri mani. Bibebe a yi vuli leswaku ntsumi a yi ri mani. Kambe ha switiva leswaku a kuri muprefeta, hikuva eku heteleleni Bibebe yi virile, leswaku, “Mina Yesu ndzi rhumile ntsumi ya mina eku vula vumbhoni bya timhaka leti ti bohekaka ku hatla ti humelela.”

¹⁰⁹ Kutani hi kuma leswaku loko Yohana a sungula ku gandzela ntsumi, ntsumi yi teri, “U nga endlisu sweswo.” Nhlavutelo 22, ndzi pfumela leswaku hi yona. Kutani yi ku, “Hikuva ndzi nakulori entirhweni ni wa vamakwenu va vaprefeta.” A nga hava a ri Eliya. A nga hava a ri un’wana wa va profeta. Yohana a ri muapostola. Kambe muprefeta loyi u rhumeriwhile.

¹¹⁰ Nakambe Yohana, tani hi muapostola, langutani eka ntumbuluko wa vuapostola bya yena, swi tiyisisa leswaku a hi Yohana loyi a yi tsaleke, hikuva a yi ngari na ntumbuluko wo kotisa wa Yohana. Tekani Yohana wo Sungula, Yohana wa Vumbirhi, ku yisa emahlweni, kutani mi yi hlaya. Nakona mi languta ntumbuluko wa sweswo, kutani mi vona ntumbuluko wa leswi. Yohana a ri mutsari na muapostola, kambe lowu i moyo wa muprefeta. I munhu wo hambana, hinkwaswo. Wa vona? A ku nga tsali Yohana. A hi nhlavutelo wa Yohana. A kuri Nhlavutelo wa Xikwembu wa Yesu Kreste eka tikereke. Nakona a yi ri . . . Yohana a ri mutsari ntsena, mutsari, nakona—nakona Buku yi vula leswi fanaka.

¹¹¹ Sweswi, a yi nga kongomisiwanga eka Yohana. A yi kongomisiwe eka Kereke. Hi swona. Yohana, enkarhini wolowo, a ri mufundhisi wa kereke ya le Efesa. Kutani sweswi Buku yi kongomisiwe eka Yohana . . . kumbe eka kereke, kungari eka Yohana.

¹¹² Sweswi eka ndzimana ya vu 3, U tivisa minkateko. Yingiselani leswi.

*Ku katekile la hlakayaka, ni lava yingisaka timhaka ta
vuprefeta lebyi, lava hlakayisaka leswi tsariweke kona:
hikuva nkarhi wu kusuh.*

¹¹³ Xana hi wihi nkarhi lowu nga kusuhi? Nkarhi lowu swilo leswi nga ta humelela, loko Nhlavutelo lowo wa Yesu Kreste wu tava wu hetisekile eka nguva yin'wana na yin'wana.

¹¹⁴ Sweswi xivangelo xa kuva A yi tsale hi ndlela leyi. Loko a tava a teri, "Hi swona, sweswi, A . . ." A va N'wi langutele kuva a; loko a swi paluxiwile, loko A . . . a swi tava swi paluxeriwe Yohana, leswaku A ta vuya hi xihatla loko tikereke leti ti tava ti herile. Hi yona ndlela leyi Yohana a swi ehleketa xiswona. Kambe loko a swi ri tano, tona tikereke, ntsena loko ta ha ku heta, ti ta . . . Loko a swi tivile, loko a paluxeriwe swona a ku tava na tingua ta nkombo ta kereke to leha, magidi ma ngari mangani ya malembe, kumbe madzana-dzana ya malembe, kutani a ku nga tava na xivangelo xo langutela. A va ta siya ntsena nguva ya kereke ya vona ehandle.

¹¹⁵ Hikwalaho, Xikwembu xi swi vurile, nakona a swi nga paluxeriwanga vona. A swi nga paluxeriwanga Martin Luther, swilo leswi John Wesley a swi tiva mayelana na Matsalwa. A swi paluxiwanga eka Mabaptist, leswi Mapentekostal a va swi tiva mayelana na Matsalwa, hikuva swi le ka nguva yo hambana. I nkarhi lowu hambaneke. Nakona Xikwembu xi paluxa swilo swa Xona ntsena enguveni. Oho!

¹¹⁶ Mi ngaka mi nga byali mavele hi ximun'wani mi tlhela mi tshovela hi nkarhi lowu fanaka. Mi byala mbewu kutani yi kula kuya eku vupfeni. Xikwembu xi byala Rito ra Xona nakona Ri kula ri humela ehandle. Kutani hi languta endzhaku hi ku, "Ri lahay." Hikokwalaho ka yini, kunene, hi Ri vona endzhaku ka loko Ri paluxiwile.

¹¹⁷ Sweswi, "Ku katekile," Rito, ku tivisiwa ka minkateko, eka ndzimana ya vu 3, "eka vona lava hlayaka ni ku yingisa swihundla leswi."

¹¹⁸ Endla . . . miehleketo ya xinyama ya swi fularhela, hikuva miehleketo ya xinyama a yi tivi nchumu mayelana na swona. A swi hlamarisi loko miehleketo ya xinyama yi nga swi tivi, hikuva i Sathana endzeni ka miehleketo yaleyo ya xinyama. Nakona Sathana u paluxiwile, nakona Sathana a nga swilavi ku va loyi a paluxiweke.

¹¹⁹ Xana mikale mi swi xiyisisa hilaha swi chavisaka hakona eka Sathana loko a ehleketa leswaku u ya eku paluxiweni? Langutisani eka wun'we wa mintirho ya swikhongelo. Langutani swiendlo swa vanhu. Ti voneleni, etinhlengeletanwini. Ntsena loko Sathana a nga se paluxiwa, ehenhla ka munhu wo karhi, mi ta vona swikandza swa vona swi cinca. Ma swi vona, a va ha switivi leswi va nga swi ehleketa. Xikan'we-kan'we, Moya lowo Kwetsima wu xikela ehansi wu fika wu paluxa javulosi. Oho! U venga muxaka wa nhlengeletano yaleyo. Hi xona xivangelo hi vile na nyimpi yo tano, hikuva Rito

ra Xikwembu ri paluxa javulosi. Wa vona? Ri vula leswi a nga xiswona.

¹²⁰ Tani hiloko u ku, “Wansati loyi a tshameke lahawani,” ehansi ka nsusumeto wa Moya lowo Kwetsima, u ku, “vito ra yena i Miss Jones. U huma *Kokarhi-ni-kokarhi*.” Xana sweswo swi endla yini? Swi tlakusa moya wa yena, swi wu tisa endhawini.

¹²¹ “Xana u ndzi tivisa ku yini? Wanuna luyani a nga ndzi tivi, kutani ku fanele kuri moya wun’wana. Xana i moya wa muxaka muni?”

“I Moya wa Xikwembu.”

“Njhani? Xana ku humelela yini ha mina?”

¹²² “U na vuvabyi bya rifuva, mfukuzani,” hambi byi ngava byihi, “kambe HI LESWI HOSI YI SWI VULAKA . . .”

“Oho!” Oho, hilaha Sathana a swi vengaka sweswo, hikuva Swa n’wi paluxa.

¹²³ Sweswi, miehleketo ya xinyama ya langutisa, yi ku, “Ku hlaya miehleketo, ku vulavula hi miehleketo.” A va swi tivi. I vuphukuphuku eka vona.

¹²⁴ Kambe eka lava va Ri tivaka leswi ri vulaka swona, oho, i nkateko muni! Xana i yini? I nhlavutelo. Nhlavutelo wa mani? Wa wanuna loyi a nga phulphitini? Wa Yesu Kreste eka nguva leyo hetelela ya kereke, a ti paluxaka hi Yexe tani hilaha A tshembhiseke ku swi endla Yena. Wa vona?

¹²⁵ I nhlavutelo, wa vona, nakona Sathana wa wu venga. Mina, hilaha a wu vengaka hakona! U paluxekile, swi paluxa makungu ma yena. Sathana u venga Nhlavutelo na Genesa, ndzi na swona ndzi swi tsarile ehansi lahawani. Hakunene sweswo i ntiyiso.

¹²⁶ Sweswi, hikokwalaho ka yini a venga nhlavutelo? Hikokwalaho ka yini a lwisana na nhlavutelo? Swi hikwalaho ka nawu walowo wa khale wa Rito ra Xikwembu na Kereke ya Xikwembu swi akiwile hi ku tshembheka ehenhla ka nhlavutelo.

¹²⁷ Wu ngaka wu ngavi hi—hi xikolo, swi ngari na mhaka leswaku hi na tiseminari tingani. Va le ndzhaku swinene eka nguva leyi nga riki ni ku vonakala. Bibele na Kereke swi nhlavutelo hakunene.

¹²⁸ A hi pfuleni. Ndzi na Matsalwa lama tsariweke laha hansi, Matewu, kuavanyisa ka—ka vu 16 na ndzimana ya vu 18. A hi languteni nyana—nyana eka Matewu 16:18, ma ku vona laha Matsalwa ya nga kona, laha ya nga nhlavutelo. Ku enhla kusuka entshaveni, ndzimana ya vu 17.

*Yesu a hlamula a ku ka yena, U katekile, Simon n’wana
Yona: hikuva a hi nyama ni ngati leswi ku pfuleteleke
sweswo, kambe i Tatana wa le tilweni.*

Kambe ndzi ri...ka wena,...u Petro, ehenhla ka ribye rero ndzi ta aka kereke ya mina; kutani ttinyangwa ta xivandla xa vafi ti ngaka ti nga yi hluli.

¹²⁹ Sweswi, kereke ya Khatholiki yi ri, "U yi akile ehenhla ka Petro." Hi swona, sweswo, sweswo hakunene i ku ehleketa ka xinyama. A mi nge swikoti ku anakanya miehleketo ya ximoya yi nga twisia nchumu wo tani hi wolowo; tani hi Xikwembu, na N'wana wa Xona N'winyi a yimile lahaya, hambi swi ri tano xi nga aka Kereke ya Xona ehenhla ka wa ntolovelu, wo tolloveleka, wanuna loyi a tswariweke hi vudyoho. Wanuna u swi khorwisile. Yena, hi moya lowu fanaka ehenhla ka yena, u rhukanile Yesu ni ku N'wi landzula exikandzeni xa Yena. A kungari Petro.

¹³⁰ Kumbe, nakona a yi ngari e—e ribye leri tshameke lahaya, tani hilaha tikereke tin'wana ti koxaka swona. A kungari ribye. Hikuva, Petro . . .

¹³¹ Ribye leri A vulavula hi rona lahaya, a ku ngari Petro, nakona a kungari Yena.

¹³² Sweswi, vanhu votala va Maprotestant va ringeta ku vula leswaku, "A kuri Yesu. A kuri Yena loyi A akeke Kereke ehenhla. Yena!" Ee, sweswo swa ha hoxekile. Loko mi nga swi xiyisisa, a ku ngari Yesu, hambi a ri Petro. A ku ri nhlavutelo.

*...a hi nyama ni ngati leswi ku pfuleteleke sweswo,
kambe i Tatana wa le tilweni a endleke nhlavutelo lowu.*

¹³³ Vonani. Ndzi lava ku mi vutisa. Entangeni wa Eden, a ku ngari na Matsalwa lama tsariweke. Kutani majaha lama mbirhi, Kayin na Abel, nakona ha vumbirhi bya vona a va lava ku endla magandzelo ni ku kuma tintswalo eka Xikwembu. Loko va endle tano, Kayin u tile kutani a aka alitari; Abel a aka alitari. Kunene, loko hinkwaswo leswi ku ri swilaveko swa Xikwembu, Xikwembu a xi tava xi nga lulamanga ku avanyisa Kayini. Hi swona. Kutani Kayini u endlile gandzelo; na Abel u endle tano. Ha vumbirhi bya vona va endlile magandzelo. Kayini u dzunisile, na Abel u endle tano. Kayini u endle hinkwaswo leswi Abel a swi endleke.

¹³⁴ Kutani loko kuri leswaku kuya ekerekeni, ku nghena kereke, ku endla magandzelo, na ku khongela, na ku dzunisa Xikwembu, hi swona hinkwaswo swilaveko swa Xikwembu, kutani Xikwembu xi tava xi nga lulamanga kuva xi avanyise Kayini hi ku endla hi ku hetiseka leswi Xi nga te va swi endla.

¹³⁵ Kambe, ma swi vona, Abel, hi nhlavutelo, u swi tivile leswaku a kungari muhandzu lowu wu nga va humesisa entangeni wa Eden, tani hilaha miehleketo yo tala ya xinyama yi ehleketa hakona namuntlha. Abel u tile kutani a ta nyikela muhandzu wa misava, nakona Xikwembu xi wu arile, kambe a swi paluxiwile...ndzi vula leswaku, swi endle hi Kayini, ndzi khomeleni. Kayini u nyikele muhandzu wa misava hikuva a ehleketa leswaku hi wona wu va humeseke entangeni wa

Eden. Langutani nhlavutelo walowo. Langutani ku kanetana ka swona. Langutani hilaha swi vavisaka hakona namunlhla. Kambe a kungari muhandzu lowu va humeseke. Evha a nga kalanga a dya maapula. Hakunene. Xana u swi lemukile njhani leswaku a nga ambalanga nchumu, loko a dyile apula? A swi fambelana na mgingiriko ya swa masangu. A swi fanele kuva tano!

¹³⁶ Sweswi, hi teka sweswo tani hi dyondzo, kutani hi na, hi vuyela endzhaku eka swona. A va na Matsalwa na rin'we.

¹³⁷ Van'wana va vona va ri, "Hi swona, u teri, 'Ndzi kumile jaha ro huma ka Hosi.'" Ina, nkulukumba. Swi tano na hi nghwavava. Xikwembu xi fanele ku endla vutomi hinkwabyo.

¹³⁸ Kambe i vutomi lebyi encenyetiweke. Langutani ntumbuluko wa jaha rero. A ri wa tata wa yena, javulosi; rivengo, nsele, mudlayi. Wa vona?

¹³⁹ Kutani hi laha, Abel, loko va... vatswari va yena va ngava va n'wi byele leswaku—leswaku minsinya a yi ri na mihandzu eka yona, na swin'wana. Kambe, swi paluxiwile eka Abel. Abel u sukile kutani a ya kuma xinyimpfana, hikwalaho ka ngati, leyti nga teka vutomi. Kungari nsinya wa mihandzu, ku tisa maapula na tibana na mapyere. "Kambe Abel, hi nhlavutelo wa ximoya," Vaheveru 11, "u humesele Xikwembu magandzelo lamo saseka swinene. Xikwembu xi mbhoniyerile hi sweswo, hikuva swi paluxiwile ka yena hi ripfumelo."

¹⁴⁰ Kwalaho hilaha Xikwembu xi akeke Kereke ya Xona. "Hikuva a hi nyama na ngati leswi ku pfuleteleke sweswo." A wu kalanga u Swi dyondza eka seminari. Munhu un'wana a nga kalanga a Swi dyondzisa kun'wana. "Kambe Tatana wa mina wa le tilweni hi yena loyi a nga ku paluxela Swona." Kwalahaya, nchumu hinkwawo wu le ka nhlavutelo, Kereke hinkwayo, "Ehenhla ka ribye lera Nhlavutelo wa Yesu Kreste, Ndzi ta aka kereke ya mina."

¹⁴¹ Mi nga ha teka leswi mufundhisi a swi vulaka. Mi nga ha teka leswi seminari yi swi dyondzisaka. Mi nga ha teka leswi kereke yi swi vulaka. Nakona a swi lulamangi, hambi swiri tano. U nga hava u kota ku swi hlamusela hi vuenti. Kambe ku kondza Xikwembu xi swi paluxa eka n'wina leswaku Yesu Kreste i N'wana wa Xona, nakona mi ponisiwile hi Ngati ya Yena; ehenhla ka nhlavutelo wolowo, leswaku, "Hi Yena Muponisi wa mina."

¹⁴² "Ehenhla ka ribye leri Ndzi ta aka kereke ya mina, kutani tinyangwa ta xivandla xa vafi ti ngaka ti nga yi hluli."

¹⁴³ Swingaleswi ma swi vona leswaku hikokwalaho ka yini Sathana a lwisana na Buku ya Nhlavutelo. Nchumu wun'wana na wun'wana lowu paluxiweke, nhlavutelo wa ximoya, Sathana u lwisana na wona. Hikokwalaho a lwsianaka na ministri namunlhla. Hikuva, xana i yini? Ku paluxiwa ka Kreste.

¹⁴⁴ Tshikani kereke yi ya emahlweni na tidinominexini ta yona letikulu na minhlangano, na mahungu ya yona lamantsongo ya swiluva na swin'wana. Va tshikeni va ya emahlweni, Sathana a nga karhatani na sweswo. A va na ku karhateka. Un'wana na un'wana u va bambetela enhlaneni.

¹⁴⁵ Loko ku ta fika nkarhi lowu Xikwembu, hi Moya lowo Kwetsima, xi paluxa Kreste ku tlhelela eKerekene, hi matimba na swikombiso swa ku horisa vavabyi, ni ku endla masingita lawa A nga vula leswaku ma ta landzela vapfumeri, swi humelela, kutani Sathana u ta hundzuluka emubedweni wa yena. A endla swin'wani ha swona. Kufikela nkarhi wolowo, Sathana a nga na mhaka ni leswaku u joyina tikereke tingani. A nga na mhaka ni leswaku i tingani. Kambe loko Kreste a mi paluxela leswaku hi Yena N'wana wa Xikwembu, nakona mintirho leyi A yi endleke ma yi endla na n'wina; kungari mintirho yin'wana, kambe mintirho leyi fanaka.

¹⁴⁶ “Loyi a pfumelaka ka mina . . .” Mukwetsimi Yohana 14:7. “Loyi a pfumelaka ka mina, mintirho leyi Ndzi yi endlaka u ta yi endla na yena. U ta endla mintirho leyi fanaka, u ta endla ni leyi tlulaka leyi.” Hikuva, Kreste a nga ta chumayela hi nkhuvulo wa Moya lowo Kwetsima, leswaku wu tava lowu tlurisaka. A nga ta swi tisa eka vona, hikuva Moya lowo Kwetsima a wu nga se nyikiwa. Kambe loko Yesu a tile ni ku nyiketa Vutomi bya Yena, nakona Moya lowo Kwetsima wu vuyile, kutani a va kota ku avela Vutomi lebyi nga Heriki eka vanhu. Walowo hi wona “lowu kulu.”

¹⁴⁷ Kambe masingita na mahlori, Yesu u swi vula erivaleni, eka Marka 16 leswaku, “Yanani misaveni hinkwayo, mi ya byela swivumbiwa hinkwaswo evhangeli.” Ku fika kwihi? Misava hinkwayo. Swi ngani? Swivumbiwa hinkwaswo. Ntsena loko Evhangeli yi chumayeriwile, masingita lawa ya ta landzela lava pfumelaka. Kutani loko sweswo swi hundzuka nhlavutelo, makwerhu, u le kusuhi na Mfumo kwalaho. “Ehenhla ka ribye leri Ndzi ta aka kereke ya mina, kutani tinyangwa ta xivandla xa vafi ti ngaka ti nga yi hluli ku lwisana na yona.”

¹⁴⁸ Hikuva, wanuna kumbe wansati loyi a tshameke a va emananga lawa ya le ndzhaku a ri yexe, tani hilaha Muxa a ri kona, nakona nhlavutelo wa Xikwembu wu kombisiwa eka yena hi Moya lowo Kwetsima, ku hava leswi swi nga n'wi tsekatsekisaka. Ntsena hi loyi a twalaka niku tiya hilaha swi nga kotekaza.

Sathana u venga Nhlavutelo. A nga yi lavi, hi tindlela hinkwato; yi hlundzukisa makungu ya yena.

¹⁴⁹ Ntumbuluko wa Buku wu kombisa leswaku Yohana a nga yi tsalangi. Hi swona sweswo. Hikuva i swa—swa un'wana . . . I ku tsala ka yena, kambe kungari nhlohlotelo wa yena. I nhlohlotelo wa Xikwembu lowu tsaleke Buku. Hi swona.

¹⁵⁰ A hi languti leswi yi swi vulaka sweswi.

Ku katekile la hlayaka, ni lava yingisaka... timhaka ta vuprofeta lebyi, lava hlayisaka leswi tsariweke kona: hikuva nkarhi wu kusuhi.

¹⁵¹ Sweswi, "Nkarhi wu kusuhi." Yini? Loko Nhlavutelo lowu heleleke wa Yesu Kreste wu tava wu tivisiwile eka tikereke ta Yena. Nakona tani hiloko tinguva ti hundza hakona, swi paluxiwile ntsena eka vona.

¹⁵² Sweswi hi le hansi enkarhini wa makumu, kutani sweswi kunene hi le makumu ka misava. Hi le ku heteni ka matimu ya misava. Nakona loko vhiki leri ri nga se hela, nakona Xikwembu xi ri na hina, xi ri ku hi pfuneni, hi ta khorwisa leswaku hi le ku hetisekeni ka tinguva ta kereke. Hi le ka Filadel-... kumbe Nguva ya Kereke ya Laodekiya, ku hetiseka ka tinguva hinkwato. Hi le ku hetisekeni ka misava ya tipolotiki. Hi le ku hetisekeni ka—ka misava ya ntumbuluko. Hi le ku hetisekeni ka swilo hinkwaswo. Hi le makumu ka nchumu wun'wana na wun'wana wa ntumbuluko, swi lulamele ku nghena endzeni.

¹⁵³ Loko ndzi vuya siku rin'wana, ndzi pfumela leswaku a ndzi ya eShreveport, kumbe ku vuya kun'wana. Ndzi langutisile. Ndzi ku, "Minsinya yi le ku feni. Byanyi byi le ku feni. Swiluva swi le ku feni. Ndzi le ku feni. Misava yi le ku feni. Swilo hinkwaswo swi le ku feni. Swilo hinkwaswo emisaveni leyi swi le ku feni." Hi tshamile laha mixo lowu, hi ri ku feni.

¹⁵⁴ Hakunene ku na misava kun'wana, laha swilo hinkwaswo swi nga feki. Loko kuri na ku n'wana laha swilo hinkwaswo swi nga ku feni, ku fanele kuva na ku n'wana laha swilo hinkwaswo swi nga ku hanyeni. Sweswo hi leswi hi swi navelaka, ku fika endhawini yaleyo laha ku nga na... minsinya yi yima yi nga ha fi. Oho, laha swilo hinkwaswo swi nga feki nakona swi yima eku—eku kwetsimeni ka Xikwembu.

¹⁵⁵ Sweswi, sweswi, tindzimana tinharhu leto sungula leti hi veke na tonu sweswi, ku andlala masungulo. Ya 1, "Nhlavutelo wa Yesu Kreste." Ya vu 2, "Yi nyikiwile Yohana hi ntsumi." Ya vu 3, hi leswaku, "Ku katekile, ku kateka eka lava hlayaka, na," loko mi nga swikoti ku hlaiyi, "ku katekile loyi a yingisaka." A mi swi koti ku hlaya? Mo Ri yingisela kunene ntsena. Hi swona hinkwaswo. "Ku katekile loyi a hlayaka, ni," loko mi nga koti ku hlaya, "ku katekile loyi a yingisaka, hikuva nkarhi wu kusuhi."

¹⁵⁶ Sweswi, anakanyani hilaha nawu wa leswi wu swi vulaka, hi leswaku, Yohana, mutsari lahaya, eku swi tsalen, a ri... *Loyi i Yohana lahawani, a vulaka ntsena "minkateko" na swin'wana.* Sweswi, leswi ndzi ehleketa leswaku a swi ri swona, eka Testamente ya Khale, muprista u yimile na mixo kutani a hlaya Matsalwa. Nhlengeletano yi yingisela. Votala a va nga swi koti ku hlaya. Kutani a ku, "Ku katekile loyi a hlayaka, na loyi a yingisaka." Wa vona? Muhlayi na muyingiseri; loyi a hlayaka,

na ku yingisa, u katekile. Kutani loko ntsena mi tshama ni ku swi yingisela, mi katekile. “Ku katekile loyi a hlayaka, ni loyi a yingisaka, hikuva nkarhi wu kusuhi.”

¹⁵⁷ Sweswi, kusuka eka 4 kuya eka 6 i ku losa Kereke. Sweswi hi lava ku teka eka leya vu 4 na ya vu 6.

¹⁵⁸ Sweswi, hi nga se swi ba, ndzi lava leswaku un'wana na un'wana a ehleketa swinene. Xana i Yini sweswi? I nhlavutelo wa Yesu Kreste, laha Xikwembu xi suseke xifunengeto xa nkarhi. Hi *lowu* nkarhi, lowu Yesu a nga ta wu vona loko A hari laha emisaveni, tinguva ta kereke, leswi a swi ta humelela. Kutani, Xikwembu xi suse xifunengeto, xi xi kokela endzhaku, nakona xi pfumelela Yohana a langutisa endzeni ni ku vona leswi nguva ya kereke yin'wana na yin'wana a yi ta swi endla, kutani a swi tsala ebukwini ni ku swi rhumela eka tikereke ta nkombo.

¹⁵⁹ Xana i yini? Kreste u ti paluxa emasikwini ya ntirho wa Yena—Yena. Yi tele hi mintirho, Buku yi tano. Nakona i—i Buku ya vuprofeta leyi nyikiweke hi Kreste, Xikwembu xi hi nyikile yona hi ntsumi ya Xona, yi tsariwa hi Yohana. Na minkateko eka munhu un'wana na un'wana loyi a nga ta Yi hlaya kumbe ku Yi yingisela loko yi hlayiwa, hikuva—hikuva nkarhi wu kusuhi loko leswi swi hetisekile hinkwaswo.

¹⁶⁰ Ku na ndhawu ya kahle sweswi. Nakambe tsundzukani, hi veka Kereke emiehleketweni. Ehenhla ethelhelwani rin'we, Kereke yi sungula; ehenhla ethelhelwani lerin'wana, kereke yi fika emakumu. Swotala eka yona, Musumbhunuku ni madyambu, loko hi ba tinguva ta kereke.

Yohana eka tikereke ta ntshanu na timbirhi leti nge Asia: Tintswalo, ni ku rhula a swi ve na n'wina, swi huma eka loyi a nga kona, . . . loyi a ri kona, loyi a taka; ni ka Mimoya ya ntshanu na mimbirhi leyi nge mahlwani ka xiluvelo.

¹⁶¹ Sweswi hi nghena eka swa xihundla na swiphemu swo enta swa mimfungho. Swi kongomisiwe eka tikereke ta nkombo leti nga eAsia Minor. A ti ri—a ti ri. . . Tona—tona tinguva, enkarhini wolowo, a ti fanele ti ta enkarhini lowu taka. Kutani u va tlakusile na—na kuva dzunisa hikwalaho ka ntirho wa vona ni leswi va swi endleke. Kambe, sweswi, swi kongomisiwe eka tikereke, tikereke ta nkombo leti nga eAsia Minor.

¹⁶² Sweswi, Asia Minor a yi ngari Asia hinkwayo, tiko ra Asia. A kuri ntsena xiphemu xintsongo. Va koxa leswaku, i ndhawu yo ringana na tiko ra Pennsylvania, wa vona, kumbe swin'wana swo kotisa sweswo, kumbe Indiana; ntsena i ndhawu yintsongo laha tikereke leti ta nkombo a ti tshamile kona. A kuri na tikereke to tlula teto enkarhini wolowo. Nakona, kambe, swi paluxile xihlawulekiso xa vona. Sweswi ndzi le ku hlayeni laha leswi ndzi swi kumeke eku hlayeni ka mina kusuka eka matimu ya tona.

¹⁶³ “Nakona yena u . . . Khombo eka loyi a yingisaka nakona, kumbe, nakona a nga Ri yingisi.”

¹⁶⁴ Kutani—kutani sweswi, swi vuya ehansi eka nkarhi wa ndzimana ya vu 4 laha hi lavaka ku hlamusela swin’wana lahawani. “Swi huma eka Loyi a nga kona, loyi a ri kona, loyi a taka, loyi a nga na Mimoya ya ntlhanu na mimbirhi; kusuka eka Mimoya ya ntlhanu na mimbirhi leyi nga mahlweni ka xiluvelo xa Yena.” Sweswi, “Mimoya,” hi ta nghena eka yona endzhaku.

¹⁶⁵ Sweswi, lahawani swa hlamusela, loko mi nga xiyisia endzeni—endzeni kwalahaya. Nakambe eka ndzimana ya vu 7, kumbe ndzimana ya vu 8, Wa ta nakambe na ku vula, nakambe ku hlamusela. Sweswi langutani. Tikereke ta nkombo ta runguleriwa. “Swi huma eka Loyi a ri kona, loyi a nga kona, loyi a taka. Loyi a ri kona, nkarhi wun’wana; u kwala; loyi a a taka.” Sweswi, Wa hlamusela lahawani vunharhu bya Yena, vunharhu bya Yena bya tivonakarisa ka mintirho ya Yena.

¹⁶⁶ Sweswi loko mi nga teka ndzimana ya vu 8. Hi ta ta eka yona, ntsena hi xinkadyana. Hi ta teka ndzimana ya vu 8.

Hi mina Alfa na Omega, ku sungula ni ku hetelela, ku vula Hosi, loyi a nga kona, . . . loyi a ri kona, loyi a taka, la nga ni Matimba hinkwawo.

¹⁶⁷ Sweswi hi khomile ndzimana ya vu 4 ni ya vu 6 ku ti langutisa, ha vumbirhi bya tona ta fana. Yi n’we, U ri, “Eka Loyi a ri kona, loyi a nga kona, loyi a taka.” Xana U ringeta ku veka yini emahlweni ka Kreste? Vukwembu bya Yena. Namuntlha, vanhu va ringeta ku N’wi endla e—e muprefeta. U tlula muprefeta. Nakona vanhu van’wana va ringeta ku N’wi endla Swikwembu swinharhu. A nga Swikwembu swinharhu. U Xikwembu xin’we lexi hanyeke eka tihofisi tinhарhu, ku ti vonakarisa ku nharhu ka Xikwembu lexi fanaka.

¹⁶⁸ Sweswi, tsundzukani, leyi i Nhavutelo, “Kutani loyi a wu yingisaka nakona a nga hlayisi leswi vulaka hi buku ley, ku averiwa ka yena ku ta susiwa eka buku ya vutomi.” Yesu yena hi Yexe a nga ti paluxi tani hi Swikwembu swinharhu, kambe Xikwembu xin’we na tihofisi tinhарhu. Oho! Swi tava leswi fuweke endzhaku nyana, loko hi nghena eka tinguva ta kereke ni ku bona laha va lahlekeriweke hi sweswo. Swi vangile ku hambana lokukulu eNicene Council. Ha vumbirhi bya bona va yile exidziveni xo enta.

¹⁶⁹ Nakona va endlile swo fana emasikwini lawa ya makumu nakambe, tani hi pre-Nicene Council nakambe, hikuva ku tava na yin’wana. Ntsena tani hiloko ndza ha yimile kwala, kereke ya Khatholiki ni ya Protestant ti ta hlanganisa swin’wana kun’we, kumbe ku pfumelelana kun’we. Vonani mubishopo lonkulu wa Canterbury ehenhla lahaya sweswi. Hinkwaswo ka swona swi le ku ndlandlamukeni kuya ehenhla swin’we. Nakona ku hava

ku dyondzisa hi vunharhu bya Xikwembu eBibeleni. Ku na Xikwembu xin'we.

¹⁷⁰ Nakona swi paluxiwile kwala eBukwini ya Nhlavutelo, leswaku nawu hinkwawo wa Matsalwa wu nga ha tiyisisiwa lahwani, nakona Kreste u vekile xilemo xa Yena ehandle ka swona. Leri hi Rona. Loko un'wana na un'wana a hunguta kumbe ku engetela eka rona, leswi fanaka swi ta susiwa eBukwini ya Vutomi, bya yena. Kutani kongomani leswi kungari na makwanga, kongomani leswi hi mbilu leyi pfulekeke na miehleketo leyi pfulekeke.

¹⁷¹ Sweswi, eka Nicene Council, va fikelele swiboho swimbirhi leswikulu. Eka...Oho, votala va vona emasikwini yalawa ya vatata wa tikereke tale ku sunguleni, va vile na mavonele mambirhi lamakulu. Rin'we ra wona a kuri ra vunharhu bya Xikwembu, vunharhu bya tilo. Nakambe lerin'wana a kuri ra xi-xi Xikwembu xin'we. Kutani ha vumbirhi ya vile lama hanyaka ni ku huma milenge yimbirhi, ehandle ku kotisa *sweswo*. Vunharhu byi vile ndhawu ya munhu wa vukwembu byi nharhu. Oneness yi vile nchumu wun'we, ntsena kuva kule hi ku hoxisa tani hi loyi un'wana. Kutani ha vumbirhi va humile hi milenge, kambe kona *Lahawani* ku paluxa Ntiyiso.

¹⁷² Yesu a nga tava Tatana wa Yena n'winyi. Na swona, loko ku ri hi leswaku U vile na tatana ehandle ka Moya lowo Kwetsima, swivula leswaku hi Yena n'wana wa vuhunguki. Nakona kungari... U xurhile hi Moya lowo Kwetsima, nakona U teri Xikwembu a xi ri Tatana wa Yena. Swingaleswi Moya lowo Kwetsima na Xikwembu... Yaleylo i Matewu 1:18. Loko... Moya lowo Kwetsima na Xikwembu swi fanele hikuva Munhu a ri un'we, kumbe U vile na vapapa vambirhi. Nakona A vitaniwa *Emmanuel*, leswi swi vulaka leswaku, "Xikwembu xi na hina." U koxile, loko A hari lahwani emisaveni, leswaku Yena na Tatana va Un'we.

¹⁷³ Ndzi na Matsalwa hinkwawo lama tsariweke ehandle laha leswaku mi nga ha ma kuma, loko hi ri na xona lexi—lexi xivutiso, kumbe xin'wana.

¹⁷⁴ Sweswi, loko A ti vonakarisile lahwani, tani hi vunharhu bya swiyimo swa Yena, "Loyi a ri kona, Loyi a nga kona, Loyi a taka, wa Matimba hinkwawo," sweswi, ku hava Swikwembu swinharhu lahaya; ku na Xikwembu xin'we.

¹⁷⁵ Kutani eNicene Council, ku endla leswi, hi ku endlela ku endla leswi, a va fanele ku teka vunharhu bya tilo, hikuva ematikweni ya Rhoma a vari na swikwembu swo tala. A va khongela swikwembu swa vona leswi feke. Ndzi na matimu kwalahawani hi nga swi tshahaka. Wa vona? A va khongela swikwembu swa vona leswi nga fa. Hi xona xivangelo xa kuva vari na Mukwetsimi Cecelia, na

Mukwetsimi Marcus, na mukwetsimi, mukwetsimi, mukwetsimi, mukwetsimi, mukwetsimi.

¹⁷⁶ Loko, Muapostola Petro a ku, “Ku hava muhlanganisi un’wana exikarhi ka vanhu na Xikwembu, kambe i Wanuna yaloye Kreste Yesu.” Un’we.

¹⁷⁷ A va fanele kuva na swikwembu swa vunharhu bya tilo. Swingaleswi, va—va vile na Jupiter, Mars, Venus. “Nakona a swi nga lulamanga, va swi veka kun’we hinkwaswo eka Xikwembu xin’we,” kutani ntsena va lo swi hangalasa, na ku endla vunharhu bya swiyimo swa tihofisi ta Xikwembu leswaku tiva Swikwembu swinharhu leswi hambaneke.

¹⁷⁸ Kambe laha U swi veka erivaleni, eka Nhlavutelo, leswi Yena a nga Xiswona. “Hi mina Loyi a ri kona, Loyi a nga kona, na Loyi a taka, loyi a nga na Matimba hinkwawo.” Hi ta Swi kuma endzhaku nyana lahawani, U teri, “Hi Mina Alfa na Omega,” A ku fika eka Z, hinkwawo, maletere yalawa ya Xigriki. “Konwa ya Minkova, Xiluva xa Saroni; Tatana, N’wana, Moya lowo Kwetsima; Loyi a ri kona, loyi a nga kona, loyi a taka; Rimintsu na Swimintswana swa Davida.” Hi Yena Xikwembu, Xikwembu. “Handle- . . .” Timotiya wo Sungula 3:16, “Kungari na ku kanetana, xihundla xa vukhongeri hi lexikulu: Xikwembu xi tivonakarisile nyameni, xi voniwile hi Tintsumi, xi pfumeriwile misaveni, xi tlakusiwile ku Kwetsimeni.” Xikwembu! Kungari munhu wa vunharhu kumbe muprefeta, kambe Xikwembu hi Xoxe, xi tivonakarisile hi xivumbeko xa ximunhu. Sweswi, lowu i nhlavutelo, tsundzukani.

¹⁷⁹ Sweswi, Xikwembu, emasunguleni, a xi ri Yehovah lonkulu loyi a tshama eka Langavi ra Ndzilo, ri lenga-lenga ehenhla ka Israel, ni kuva rhangela. Xexo a xi ri Xikwembu, Ntsumi ya Ntwanano. Yi xikerile ehansi entshaveni; ntshava hinkwayo yi pfurha Ndzilo. Ndzilo wu haha kusuka entshaveni, kutani wu tsala Milawu ya Khume. A vitaniwa “Vutatana bya Xikwembu,” eka vana va Yena, rixaka leri hlawuriweke ra vanhu va Yena, Vayuda.

¹⁸⁰ Kutani Xikwembu lexi fanaka xi tivonakarisile eka miri lowu tswariweke hi wanhwana lowu Xi wu tumbuluxeke endzeni ka xivelekelo xa Maria, nakona wu hanya ni kuva tabernakele ni ku dzima muxaxa wa Xona, tani hilaha swi veke hakona, exikarhi ka vanhu. Kutani Xikwembu lexi fanaka xi ti endle nyama xi tshama exikarhi ka hina. Bibele yi vula tano. “Xikwembu a xiri eka Kreste.” Miri a wu ri Yesu. Yesu, “Eka Yena ku akile ku hetiseka ka miri wa Vukwembu hinkwabyo.” Mi ngaka mi nga N’wi endli vanhu vanharhu, sweswi. Mi nga khuvuli hi Swikwembu swinharhu. Ku na Xikwembu xin’we. Wa vona? Xikwembu xin’we. Sweswi, Xikwembu lexi fanaka xi ti endle nyama.

U teri, “Ndzi huma eka Xikwembu, nakona Ndzi ya eka Xikwembu.”

¹⁸¹ Endzhaku kaloko Yena a nyamalarile emisaveni, hi rifu ra Yena, a lahliwa, ni ku pfuka, ni ku tlhandluka, Paul u hlanganile na Yena endleleni yo ya eDamaska, loko a ha vitaniwa “Saul.” Kutani Rito ri tile, ni ku vula leswaku, “Saul, Saul, u Ndzi xanisela yini?”

U teri, “U mani Wena?”

A ku, “Hi mina Yesu.”

¹⁸² Nakona A ri Langavi ra Ndzilo, Rihat ieri tlunyeke mahlo ya muapostola. U hundzulukele endzhaku. Yesu loyi a fanaka u tlhelele endzhaku eka Xikwembu, loyi a nga Tatana, nakambe. Hi xona xivangelo A vuleke lahwani, “Hi mina wa Matimba hinkwawo,” eka xivumbeko lexi A ri eka xona loko A nga se ti endla nyama; na miri wa Yena lowu A hanya eka wona, wu vuriwe Yesu, Wanuna loyi hi n’wi tivaka, Yesu.

¹⁸³ Sweswi, tani hi vunyingi bya n’wina vanhu va oneness lava rhandzekaka mi khuvula hi, “Vito ra Yesu,” ma hoxisa. Ku na madzana-dzana ya Vayesu emisaveni namuntlha, kambe ku na Hosi Yesu Kreste un’we ntseña. U tswariwile a ri Kreste. Vayesu votala. Ndzi hlanganile na votala va vona. Kambe ku na Hosi Yesu Kreste un’we, Loyi a nga Xikwembu.

¹⁸⁴ Nakona Tatana, N’wana, na Moya lowo Kwetsima a hi *mavito*. I swiyimela vito leswi yaka eka Vito rin’we. Va khuvula, “Hi vito ra ‘Tatana, N’wana, Moya lowo Kwetsima.’” *Tatana* a hi vito, na *N’wana* a hi vito, na *Moya lowo Kwetsima* a hi vito. I xiyimela vito, kukotisa “munhu.” Sweswo hi leswi a nga swona, Moya lowo Kwetsima. Munhu...Kumbe, moya, Moya lowo Kwetsima. Kutani a hi nge, “Hi vito ra ‘Tatana.’” Langutani vatatanā, na majaha ya vana va n’wina. Langutani vanhu lava nga lahwani. Wa vona? “Tatana, N’wana, na Moya lowo Kwetsima” a hi vito. I xiyimela vito lexi yaka eka Vito ra “Hosi Yesu Kreste.”

¹⁸⁵ Hi yona ndlela leyi Kereke ya vaapostola a yi khuvula hi yona, emasunguleni. Nakona ndzi ta kombela un’wana na un’wana ku humesa ndzimana yin’we eMatsalweni, kumbe nkarhi wun’we eka matimu, laha munhu wihi kumbe wihi a nga tshama a khuvuriwa eKerekeni ya Xikreste hi ndlela yin’wana ehandle ka...kambe hi Vito ra “Yesu Kreste” ku kondza kereke ya Khatholiki yi vumbiwa. Nakona va tekelele “Tatana, N’wana, na Moya lowo Kwetsima” tani hi mukhuva. Sweswi tisani matimu ya n’wina, van’wana, vativi va matimu. Ina. Ku hava nchumu wo kotisa walowo. Endzhaku ka 304 A.D., 304, ku tile nkhuvulo wa vunharhu eka vunharhu bya Vukwembu, “Xikwembu Tatana, Xikwembu N’wana, Xikwembu Moya lowo Kwetsima.” I vuheneni.

¹⁸⁶ Loko vhiki leri ri nga se hela, ndzi ta swi hlaya kusuka ebukwini ni ku mi kombisa hi Bibele. Hi le ku vulavuleni mixo lowu hi Nhlavutelo, ni ku kombisa laha swi ngheneke kona, ni hilaha swi sunguleke kuva kona. Vuyela eNtiyisweni, makwerhu! Hi le sikwini ra makumu.

¹⁸⁷ Yimani ku kondza hi kuma kereke ya leyo ya Efesa ni ku yi yakahata ni ya Laodekiya, kutani hi vona leswi humeleleke exikarhi ka tona. Mi ta vona hilaha nchumu wolowo wu kaseke hakona wu nghena. Wu ta eka nguva ya Luther, u teri, “U na vito ra leswaku wa ‘hanya,’ kambe u file.” Rito leriya ra *Sarda* ri vula “lexi feke.” Va ri lahlile eka khume ntlhanu wa madzana wa malembe ya Tinguva ta Munyama. Yin’wana na yin’wana ya tona tikereke yi khomile sweswo ku fikela nkarhi wolowo. Kutani loko va vile na Nicene Council hi 606, kutani va mbindzumuxe Vito rero ni ku endla Swikwembu swinhарhu ehandle ka Rona.

¹⁸⁸ U teri lahawani, “Ndzi Loyi a ri kona, Loyi a nga kona, ni loyi a taka, wa Matimba hinkwawo.” Hakunene.

¹⁸⁹ A ri na Vumunhu byinharhu emisaveni. Loko A ri emisaveni, A ri Vumunhu byinharhu. Emisaveni, A ri Muprefeta. Hambi kuri eMatilweni, i Muprista. Nakona loko A vuyela emisaveni nakambe, U tava Hosi. Muprefeta, Muprista, na Hosi. Loyi a ri kona, loyi a nga kona, ni loyi a taka. “Loyi a ri kona,” a ri Yesu, wa muprefeta. “Loyi a nga kona sweswi,” i Muprista, loyi a endlaka magandzelo ya ximoya, Muprista Lonkulu loyi a nga khumbhiwaka hi ku tsana ka hina, nakona U ti paluxile ni ku khorwisa leswaku U le xikarhi ka hina. Muprefeta, Muprista, ni Hosi, kambe Xikwembu Xin’we.

¹⁹⁰ Loko A ri laha misaveni, A ri Muprefeta, a nga Rito. “Mbhoni ya ku tshembheka,” Bibele yi N’wi vitane tano, endzhaku nyana. Mbhoni yo tshembheka, i muprefeta. A ri Muprista, nakona loko...sweswi Hi yena Muprista, kutani loko A ta, U tava a ri Hosi.

¹⁹¹ Loko mi ngaya emahlwesi, hlayani Nhlavutelo 15:3, mi nga ha vona eka Nhlavutelo 15:3. A hi pfuleni ehenhla laha ni ku vona leswi Yena...loko A tava Hosi, loko A tava Hosi eku vuyeni ka Yena. Sweswi hi ya eka Nhlavutelo, kuavanyisa ka vu 15 na ndzimana ya—ya vu 3.

Va yimbelela risimu ra Muxe nandza wa Xikwembu, ni risimu ra Xinyimpfana, va ku, Hi leyikulu ya hlamarisa mintirho ya wena, Hosi Xikwembu xa Matimba hinkwawo; tindlela ta wena ti lulamile ni ku tshembheka, wena Hosi ya vakwetsimi.

¹⁹² Xana A ri yini emisaveni? Muprefeta. Xana vanhu va swi tivise ku yini leswaku A ri Muprefeta? U endlile singita ra Mesiya, loyi a ri Muprefeta. Oho, a ku dzunisiwe Vito ra Hosi! Xana U va hundzise ku yini? Hikuva a va langutele nchumu

wun'wana. Nakona U endlile singita ra Mesiya, nakambe a va nga ta ri twa. A ri Muprefeta.

¹⁹³ Muxe u te, "Hosi Xikwembu xa n'wina xi ta mi pfuxela Muprefeta loyi a kotisaka mina. Kutani ku ta endleka leswaku un'wana na un'wana loyi a nga taka a nga yingisi Muprefeta yoloyi, u ta susiwa exikarhi ka vanhu."

¹⁹⁴ A ri Muprefeta emisaveni, sweswi, hikuva A ri yini? "Mbhoni leyti tshembhekaka ya Rito ra Xikwembu." Amen. A ri Rito ra Xikwembu leri ti vonakariseke.

¹⁹⁵ Mukwetsimi Yohana, kuavanyissa ka 1.

Eku sunguleni Rito a ri ri kona, Rito a ri ri ni Xikwembu, kutani Rito a xi ri Xikwembu.

Kutani Rito ri endliwile nyama, ri akile exikarhi ka hina, . . .

¹⁹⁶ A ri Yena ntiyiso ni mbhoni leyti tshembhekaka eka Rito leri nga Heriki ra Xikwembu. A ri Rito, a ri Rito ra Xikwembu. Nakona, kuva Rito, A ri Muprefeta. Hikuva Rito ra Xikwembu a ri khulaka eka Yena. A ta vula ntsena Swin'wana. "A Ndzi nge endli nchumu hi Vumina, handle ka leswi Tatana a Ndzi kombaka ku swi endla. A hi Mina loyi a endlanga mintirho leyti ndzi yi tirhaka. Kambe i Tatana loyi a tshamaka eka Mina, hi Yena loyi a tirhaka mintirho leyti ndzi yi tirhaka. Mina na Tatana hi Un'we. Tatana wa Mina u le ndzeni ka Mina," ku vule Yesu, wa Munhu, wa Tabernakele.

¹⁹⁷ Xikwembu xi na swiyimela vito swo tala: Yehovha, Yehovah-Yire,-Rapha,-Manase. Oho, swotala! U na nkombo wa wona, mavito lawa ya kutsulaka. Xi na swiyimela vito swo tala: Xiluva xa Saroni, Konwa wa Minkova, Nyeleti ya Mixo; Tatana, N'wana, Moya lowo Kwetsima. Hinkwaswo sweswo. Kambe U na Vito rin'we ra ximunhu. Xikwembu xi na Vito rin'we ntsena, nakona rero i "Hosi Yesu Kreste."

¹⁹⁸ Loko A tswariwile, Kreste, Hosi. Endzhaku ka masiku ya nhungu, Moya lowo Kwetsima wu vitanile Vito ra Yena leswaku i "Yesu." Manana wa Yena u endlile leswaku A yimbisiwa, kutani A thyiwa "Yesu." U tswariwile a ri Kreste.

¹⁹⁹ Kukotisa loko, ndzi tswariwile ndzi ri Branham. A ndzi ri Branham loko ndzi tswariwa, kutani ndzi nyikiwe vito ra "William."

²⁰⁰ Amen. Nakona U tswariwile a ri Kreste, Muponisi. Kutani loko A ri na nhungu wa masiku, U nyikiwile vito ra "Yesu." Nakona A ri Hosi ya ku Kwetsima, leyti tivonakariseke. Swingaleswi, hi Yena Hosi Yesu Kreste, Xikwembu xa ku Kwetsima lexi tivonakariseke exikarhi ka hina. Oho, U lahay!

²⁰¹ Emisaveni, A ri Muprefeta. Ekukwetsimeni, hi Yena Muprista. Ekuvuyeni, hi Yena Hosi. Oho! Ndza swi rhandza sweswo.

Muprofeta, “Mbhoni leyi tshembhekaka ya Rito.”

Muprista, “Hi Ngati ya Yena N’winyi emahlweni ka Xikwembu.”

Hosi, “Hosi ya vakwetsimi.” Kungari hosi ya misava, sweswi. Hi Yena Hosi ya vakwetsimi. Hi na tihosí ta le misaveni ehenhla ka vanhu. Kambe hi na Hosi leyikulu, na yona, na Mfumo. Hi xona xivangelo hi ri na swendlo leswi hambaneke.

²⁰² Tani hilaha ndzi vuleke kungari khale, mayelana na nsati wa mina, a hi ya evhengeleni ehenhla lahaya nakona hi vonile mahlori, ha kanyingi. A kuri nkarhi wa ximumu, wansati a ambele rhoko. Kutani ndzi ku, “Sweswo swa chavisa.” Ndzi ku, “Loko a ndzi ri na khamera ya mina, a ndzi ta teka xifaniso xa wansati loyi.” Wa vona? Hikuva hi... Yaloye a ri wansati wo sungula loyi hi n’wi voneke a ambale xikete, ma swi tiva, a ambele tani hilaha wansati a faneleke, vavasati hinkwavo.

²⁰³ U teri, “Hi swona, hikokwalaho ka yini leswi, Bill, leswaku vanhu va ka hina va ambala, xana hi leswaku ho—ho lerisiwa?”

²⁰⁴ Ndzi ku, “A hi vanhu va ka hina. I vanhu va Xikwembu. Vanhu va Xikwembu, va laveka vakwetsima.”

A ku, “Hi swona, xana a va yi ekerekeni?”

²⁰⁵ Ndzi ku, “Ku na manana kona *lahaya*, loyi a yimbelelaka ekhwayereni ya kereke yin’wana kwala.”

“Hi swona, kutani, hikokwalaho ka yini sweswo?”

²⁰⁶ Ndzi ku, “Hikuva a nga dyondzisiwanga ku hambana kun’wana.” Sweswo hi swona hakunene.

²⁰⁷ Yaleyó i kereke ya xinyama, hi ta nghena eka swona vhiki leri; Kereke ya ximoya, kereke ya xinyama. Hinkwavo va khulukela endzhaku eka manana wa kereke, tani hilaha Bibele yi vuleke, eka Nhlavutelo 17, va ta swi endla. Va le ku vuyeleni endzhaku sweswi, hinkwavo ka vona, vari na maendlelo yo kotisa ya lawa, yo kondletela. “Kunene, hi va *yokarhi*... Hi tikondletela. Hi *leswi* nakona hi *leswiyani*.” A swingari tano emasunguleni. Ku susa matimba hinkwawo ehandle ka kereke ni ku ma vekela eka mubishopo kumbe muphope. Xikwembu xi le Kerekene ya Xona, exikarhi ka vanhu va Xona, xi tivonakisa hi Xoxe eka vanhu lava nga riki nchumu ekerekeni na hinkwako, sweswi. Kambe esikwini leri...

A ku, “Kunene, xana a hi ma Amerika xana?”

²⁰⁸ Ndzi ku, “Ee. Hi hanya kona, kambe a hi ma Amerika. Hi Vakreste. Mfumo wa hina i wa le Henhla.”

²⁰⁹ Nakona loko vutomi bya hina byi huma ehenhla Lahaya, kutani hi va na maendlelo yalawa. Hikuva, hi huma... Vutomi bya hina byi huma eNdhawini leyi kwetsimaka. Yi languteka ku hambana. Yi ambexa ku hambana. Vavasati le henhla Lahaya va na misisi leyo leha. Nakona a va tikhavisi swikandza. Nakambe—

nakambe a va ambali leswo koma. Va—va ambala swikete, na tinguvu leto leha na tirhoko. Nakona va na misisi leyo leha, na swin'wana. Swingaleswi wu tano ntu—ntu ntumbuluko wa kona, ehenhla Lahaya, wu tikombisa eka hina.

²¹⁰ Vavanuna a va dzahi, a va ncakunhyi, a va hembi, a va yivi. Va huma, mimoya ya vona, yi huma eNdshawini leyo kwetsima, swi va endla va va na maendlelo yo kwetsima, va lemukana hi xivona tani hi vamakwerhu. Ahaa. Hi swona.

²¹¹ Hi va Mfumo, nakona hi na Hosi nkulu. Nakona hi Yena Hosi nkulu ya vakwetsimi. Nakona rito *mukwetsimi* ri huma eka rito “lava kwetsimisiweke.” Kutani loko munhu a kwetsimisiwile, Kreste, Moya lowo Kwetsima wu nghena embilwini wu va Hosi nkulu eka vona. Oho, mina! Valava va fanele kuya ekaya. Oho! Loko xibyi xa Xikwembu lexi kwetsimisiweke... Kreste, Hosi nkulu, la nga Moya lowo Kwetsima, wu nghena endzeni. Nakona U... Hosi nkulu yi na mfumo. Amen. Nakona vuwena hinkwabyo byi fumiwa hi Hosi nkulu ya vakwetsimi. Mfumo! Mfumo wun'wana ni wun'wana emisaveni wu ta ninginisiwa, wu mbundzuxiwa hi matimba ya athomiki. Kambe Bibele yi ri, “Hi amukela Mfumo lowu wu nga ta ka wu nga ninginisiwi.” Amen. U kona lahaya, Hosi nkulu ya vakwetsimi.

²¹² Ndzi lava leswaku mi xiyisisa mimfungho ya Kreste, nakona, eBibeleni na laha misaveni. Emisaveni, A ri Muprofeta. Ma swi pfumela sweswo xana? [Nhlengeletano yi ku, “Amen.”—Muhleri.] Muprofeta i Rito. Ha swi tiva sweswo. Rito *muprofeta* ri vula “mutoloki wa matimba wa Rito.” Rito ra matimba ya le henhla ri tsariwile, nakona muprofeta u na Moya wa matimba ya le henhla ya Xikwembu endzeni ka yena. Kutani, ma swi tiva, muprofeta eka Testamente ya Khale a vitaniwa “xikwembu nyana.” I vangani lava va switivaka sweswo?

²¹³ Yesu u teri, “Loko va va vurile swikwembu nyana.... Xana a ku tsariwanga enawini wa n’wina leswaku, hi vona, ‘Mi swikwembu nyana xana?’ Kungaku loko va vitaniwile ‘swikwembu nyana,’ lava Rito ra Xikwembu ri taka hi vona, va profeta, xana n’wina mi nga Ndzi avanyisa njhani loko Ndzi vula leswaku Ndzi N’wana wa Xikwembu?”

²¹⁴ Hikuva, a vuriwa “xikwembu nyana,” hikuva a rhwele Rito ra Xikwembu endzeni ka yena, LESWI HOSI YI SWI VULAKA. Hikokwalaho, rito *muprofeta* ri vula, “ku toloka ka yena—yena a ku pfanganyisiwanga na nchumu.” Wa vona? Loko Xikwembu... Xi ri, “Loko un’we a ri kona exikarhi ka n’wina, loyi a nga wa ximoya, kumbe muprofeta, Mina Hosi ndzi ta vulavula na yena. Loko leswi a swi vulaka swi humelela, kutani n’wi yingiseni, hikuva Ndzi na yena. Kambe loko swi nga humeleli, mi nga n’wi yingisi; A ndzi n’wi rhumanga.” Yaleyo hi yona ndlela leyi mi swi tivisaka xiswona. Kutani, ma swi

vona, nhlavutelo wa Rito hi matimba ya le henhla wu fanele ku hlangana na nhlavutelo lowo hetelela eka kereke.

²¹⁵ Hi Yena Xikwembu, wa Matimba hinkwawo. Emisaveni, A ri Muprofeta, loyi a nga gama. I vangani va swi tivaka leswaku muprofeta u tekiwa tani hi gama? [Nhlengeletano yi ku, "Amen."—Muhleri.]

²¹⁶ Gama i xinyenyani xo tiya lexi hi nga na xona, xa matimba swinene. Tin'wana ta timpiku ta rona ti tlharhamuleka kwalomu ka tifiti ta khume mune, kusuka emakumu ku fika emakumu. Ri nga suka ni ku hahela ehenhla swinene lero loko xinyenyana xin'wana xi nga ringeta kuri landzela, xi nga hluveka, tinsiva ti nga hlomuka eka rona nakona ri nga tshoveleleka. Hikokwalaho ka yini? Ri vumbiwe hi ku hlawuleka. Nakona swi ri pfuna yini kuya ehenhla hi ndlela yaleyo loko kuri ku ri nge swikoti ku bona leswi ri swi endlaka loko ri ri le henhla? Vulavula hi tihlo ra xikhozana? Mi fanele ku bona tihlo ra gama.

²¹⁷ Xikhozana xa swikota, xi nga ha bona huku. Sweswo hi swona. Xexo hi xona xiphigo hi swin'wana swa swikhozana namunthla. Ahaa. Kambe, ndza mi byela, gama ri haha lero, loko xikhozana xi nga ringeta ku ri landzela, xi nga fa. Xi nga talelwa. Xi ngaka xi nga fiki etindhawini leti gama ri fikaka.

²¹⁸ Nakona ri na tihlo, lero ri nga kota ku bona ekule, loko ri ri le henhla lahaya. Kutani hi xona xivangelo xova Xikwembu xi virile *vaprofeta* va Xona, "magama." U fika le henhla, nakona hi yena gama. U kota ku bona, leswi nga kule.

²¹⁹ Swingaleswi Kreste, emisaveni, a ri Gama. Loko A file, A ri Muprista, kutani sweswo swi N'wi endlile Xinyimpfana. Xana hi swona? [Nhlengeletano yi ku, "Hi swona."—Muhleri.] Kutani loko A vuya nakambe, hi Yena Hosi, swingaleswi U tava Nghala, amen, Nghala ya rixaka ra Yuda. Amen. Hi Yena Gama, Xinyimpfana, na Nghala; amen; Tatana, N'wana, na Moya lowo Kwetsima; Muprofeta, Muprista, na Hosi; Loyi a ri kona, loyi a nga kona, ni loyi a taka; wa Matimba hinkwawo; Alfa na Omega, kusukela emasungulenii ku ya emakumu, Xikwembu hilaha ku nga Heriki.

²²⁰ Ndzi lava ku mi vutisa, van'wana va n'wina vanhu lavo xonga va Makhatholiki, n'wina mi vulaka leswaku, "Vun'wana bya Xikwembu hilaha ku nga Heriki; Xikwembu, vun'wana hilaha ku nga Heriki bya Yesu Kreste na Xikwembu." Xana mi nga ri virisa ku yini rito rero? Leswaku ndzi xiphukuphuku, na dyondzo ya ntangha ntlhanu, kambe ndzi tiva ku antswa ku tlula sweswo. Rito n'wana ri fanele kuva na masungulo. Kutani swi nga endlisa ku yini leswaku A va hilaha ku nga Heriki na kuva a ri n'wana? Nkarhi lowu nga Heriki wu hava masungulo kumbe mahetelolo. Swingaleswi, A ngaka a ngavi n'wana, n'wana hilaha ku nga Heriki, ni kuva na masungulo, hikuva ku hava nchumu wo tani hi n'wana hilaha ku nga Heriki. N'wana u vile na

masungulo, swingaleswi a ngaka a ngavi n'wana hilaha ku nga Heriki.

²²¹ Ma swi vona, hi Yena Xikwembu hilaha ku nga Heriki, kungari n'wana hilaha ku nga Heriki. Wa kwetsima! Wa Matimba hinkwawo, Yehovha-Yire, Yehovharapha, loyi a tivonakariseke enyameni, “Eka Yena ku tshamile ku hetiseka ka miri wa vukwembu bya Xikwembu.”

²²² Nakona hi Siku ra Pentekosta, loko Langavi lero ra Ndzilo ri xikele ehenhla ka vanhu, mi kale mi swi xiysisa, Ri ti avile hi Roxe? Kutani tindzimi ta Ndzilo ti tshama ehenhla ka un'wana na un'wana wa vona. Ndzilo, lowu fanaka na tindzimi, wu tshama ehenhla ka un'wana na un'wana. Xana Xikwembu a xi endla yini? A xi ti ava hi Xoxe xi tiavela Kereke, eka un'wana na un'wana, xi nyika vavasati, vavanuna, na hinkwavo ka vona; a kuri swiave swa Moya wa Xona, xi tiava xona N'winyi xi ti avela Kereke ya Xona.

²²³ Xana munhu a nga tisa ku yini ni ku vula leswaku, “Munhu wo kwetsima i phope. Munhu wo kwetsima i bishopo”? Munhu loyi a Kwetsimaka i Kreste, loyi a nga Moya lowo Kwetsima endzeni ka hina. Xana mi nga vurisa ku yini leswaku munhu ntseña a nga na swo swivila? Un'wana na un'wana wa n'wina u na xo xi vula. Un'wana na un'wana wa n'wina u na ntirho wo wu endla. Un'wana na un'wana wa n'wina u fanele ku rhwala Hungu. Wa Kwetsima!

²²⁴ Moya lowo Kwetsima wu Ti avile hi Siku ra Pentekosta. Xikwembu, xi tiava hi Xoxe. “Hi siku rero mi ta switiva leswaku Ndzi le ka Tatana, na Tatana u le ka Mina; na Mina ndzi le ka n'wina, na n'wina mi le ka Mina.”

²²⁵ “Hi siku rero,” Moya lowo Kwetsima, “ehenhla ka hinkwavo, endzeni ka hinkwavo, eka hinkwavo.” Amen. Hi sweswo kwalano. Moya lowo Kwetsima wu na nfanelo wo famba kun'wana na kun'wana laha Wu ku lavaka, ehenhla ka un'wana na un'wana loyi Wu n'wi lavaka. A mi fanelanga ku teka leswi bishopo un'wana kumbe muprista un'wana a swi vulaka. Hi Yena a ri yexe Muprista wa hina, hi swona, Muprista Lonkulu. Sweswi: Muprofeta, Muprista, na Hosi nkulu.

²²⁶ Sweswi:

*Nakona... Yesu Kreste, mbhoni leyi
tshembhekeke,... ni mativula exikarhi ka vafi,... (Hi
ta nghena eka sweswo.)... ni hosi ya tihosi ta misava.
Eka loyi a hi rhandzeke, loyi a nga hlantswa swidyoho
swa hina hi ngati ya yena,*

²²⁷ Rito *hlantswa* lahaya, kahle-kahle, hi Xigriki, ri vula “ku ntshuxa.” U hi ntshuxile eka... A hi bohiwile na misava, hi swidyoho swa hina. A hi nga koti ku vona, a hi nga koti ku twa, a hi ngari na ku anakanya ka Matilo kumbe nchumu.

Kambe loko Ngati yi xikele ehansi, Yi tsemile ntambhu kutani hi ntshuxiwa. Oho!

²²⁸ Ndzi hlayile xitorhi nkarhi wun'wana, i... xi nga fambelana kahle na lahwani. Murimi u khomile xikunguva a xi boha. Kutani a ku, "Ndzi ta dyondzisa swikunguva leswin'wana dyondzo." Kutani u bohile xikunguva lex a khale, nakona enengeni, hi xintambyani, nakambe nchumu lowa xisiwana wa khale wu sike lero fa. A wu tsanile, a wu nga koti ni ku famba-famba.

²²⁹ Hi leswi, yan'wana ya mavandla na tikereke, swi bohele vanhu ehansi. "Ntsena ndzi ngaka! Hi swona, *lahawani* hilaha mi nga fikaka kona. Masiku ya masingita ya hundzile." Ina. Mi lo bohiwa ntsena. Hi sweswo ntsena. "Ku hava nchumu wo tani hi Moya lowo Kwetsima. A nga ha vulavuli hi tindzimi tani hilaha A endla hakona."

²³⁰ Hi Yena Xikwembu. "Wa hari yena wa tolo, namuntlha, ni hilaha ku nga heriki," Vaheveru 13:8, yi hanya eka tikereke hinkwato. Hi ta nghena eka yona endzhaku ka loko rixile mixo lowu. Wa vona? Hi Yena Xikwembu, lexi hanyaka eka nguva yin'wana na yin'wana ya kereke. U ta hanya eka nguva yin'wana na yin'wana ya kereke, nakona u ta hanya eka vanhu va Yena tani hi... hilaha ku nga Heriki. Hikuva sweswi hi na, endzeni ka hina, Vutomi lebyi nga Heriki.

²³¹ Swingaleswi, dinominexini leyi yi n'wi bohele ehansi, wa vona, "Hi swona, masiku ya masingita ya hundzile. Ku hava nchumu wo tani hi ku horisa ka Matimba ya le henhla." Nakulorhi wa xisiwana loyi wa khale u khinekile ku longoloka na sweswo ku fikela laha a veke xisiwana ku kondza a nga ha koti ku famba.

²³² Kutani siku rin'wana ku tile wanuna wa kahle hi lahaya, nakona u teri, "Wa tiva, xikunguva lexi xa khale xa xisiwana, ndzi xi twela vusiwana. Endzhaku ka hinkwaswo, a nga hava a ri eku kumeni ka mphoho, kambe yaleyo hi yona ndlela yinwe ley i ti hanyisaka hakona. U ta fanele ku kuma xin'wana xo dya. Kutani a nga tivi ku hambana, ntsena u le handle lahaya ku kuma mphoho. Kutani loko..." Kutani u tekile wa yena... ni ku teka mukwana wa yena nakona a tsema a ntshuxa xikunguva lexi xa khale.

²³³ Nakambe ma swi tiva, hiloko ku ta swikunguva leswin'wana, swi ta kusuhi, swi ku, "Tana, Johnny Crow. A hi yi eDzongeni. Maxelo ya xirhami ya le kuteni."

²³⁴ Ma swi tiva kuri i yini? Xikunguva xexo a xi ta famba hilaha a xi ta kota hakona ehandle lahaya. Xi teri, "A ndzi nge swikoti. A hi swona, a hi swa hina eka lowu nkarhi. Ntsena hi—hi ngaka hi nga swikoti." Wa vona? Xi bohiwile nkarhi wo leha, ku kondza xi ehleketa leswaku xa ha bohiwile. Wa vona?

²³⁵ Nakona hi leswi swi nga xiswona na vanhu votala, mi boheriwe ehansi hi mikhuva na tidinominexini, kusuka eka manana wa khale wa muoswi endzhaku lahaya, a mi byela, leswaku, "Yesu Kreste a nga ha fani. Nakona kuhava nchumu wo tani hi ku hanyisiwa. Ku hava nkhuvulo wa Moya lowo Kwetsima. Ku hava nchumu wo tani hi swilo sweswo." A ringeta ku mi byela swona. Mi bohiwile nkarhi wo leha ku kondza mi ehleketa leswaku ma ha bohiwile.

²³⁶ Wanuna lonene, Kreste, u nyikele Ngati ya Yena leswaku A ta hi hlantswa ni ku hi ntshuxa evudyohwени bya hina. Xana xidyoho i yini? Ndzi vutisa munhu un'wana na un'wana leswaku a ndzi byela. Xana xidyoho i yini? *Xidyoho* i "ku ka u nga pfumeli." Hi swona sweswo. "Loyi a nga pfumeriki khale a avanyiseriwile."

²³⁷ Kutani vudyoho bya n'wina hi byona nchumu wu ri woxe lowu mi sivelaka kuva lava ntshuxekeke. Swi hikwalaho ka kuva Xikwembu xi tsemile hi ku mi ntshuxa eka ku pfumala ripfumelo ka n'wina, kambe mi bohiwile hi mikhuva ku kondza mi ehleketa leswaku ma ha bohiwile. Ntsena mi sikela ro fa, wa vona, ku khineka hi ku rhendzeleka, "Ndzi Mupresbyterian. Ndzi Mumethodist. Ndzi Mubaptist. Va ndzi byela leswaku (ndzi wa Church of Christ), 'Masiku ya masingita ya hundzile. Ku hava nchumu wo tani hi walowo.'"

²³⁸ Wena xikunguva xa xisiwana lexi sikeke! Hikokwalaho ka yini u nga ti mixo lowu? Hikokwalaho ka yini u nga hahi u ya ekule? Haleluya! "Pfuka hi timpapa ta ni mixo, kutani u hahela ekule eDyambyini ra ku Lulama, na ku hanyisa etimpapeni ta Rona." Amen. Hi swona sweswo. Hi swona sweswo, boti, sesi. Oho! "Loko N'wana a mi ntshuxa, mi tava mi ntshuxekile hakunene." Ina, nkulukumba!

²³⁹ "Hi swona, mufundhis wa mina . . ." Ku hava nchumu ha sweswo. Bibele yi teri, "U ntshuxekile." Hi swona sweswo. U ntshuxekile.

"Kereke ya mina . . ."

²⁴⁰ Kunene, tsemekani mi chucheka. "U hi hlantswile ni ku hi ntshuxa kusuka eka tidinominexini ta hina, hi Ngati Leyi yi nga ya Yena," kutani a hi endla hi va lava hi ntshuxekeke leswaku hi nga ha tihleketelela, nakona a hi tirhela, ni ku hi vulavulela, ni ku hi endlela.

²⁴¹ "Kunene, loko ndzi nga tlhelela endzhaku ndzi ya byela mufundhis kuri ni lava ku tlhela ni khuvuriwa nakambe, u ta ku . . ."

²⁴² Mi ri yini hi mayelana na, "Kuva u ntshuxekile"? Lowu i nhlavutelo, ma swi tiva. Hi swona. Mi ntshuxiwile.

²⁴³ Loko hi leswaku mi nyunyuteriwile hi munyu nyana tani hi *leswi*, vito ra "Tatana, N'wana, na Moya lowo Kwetsima," hi lexi

xidziva lahawani, xi lulamisiwile mixo lowu, xi na mati endzeni ka xona. Wa vona? Ina, nkulukumba. A swi lulamanga.

²⁴⁴ Swingaleswi, a ma ha bohiwanga nakambe. Mi ntshuxekile, kumbexani a mi switivi. Kambe mi nge ndzi mi byela mixo lowu, Bibele yi teri, “U hi ntshuxile evudyohweni bya hina, ku kala ripfumelo ka hina, leswaku hi ta amukela Nhlavutelo wa Yesu Kreste.” Hi famba, hi ntshuxekile! . . . mi fanele ku teka leswi kereke yin’wana na yin’wana yi swi vulaka mayelana na Rona. Tekani leswi Xikwembu xi swi vulaka mayelana na Rona. Lahawani hi lowu Nhlavutelo wa Yena wu paluxa leswi Yena a nga Xiswona.

²⁴⁵ “Minkarhi hinkwayo a ndzi pfumela leswaku Xikwembu Tatana a xi ri na yo leha, malebvu yo basa, misisi yo basa; nakona N’wana a ri wanuna wa malembe ya le xikarhi; kutani Moya lowo Kwetsima a wu ri jaha ro tisa minkateko.” Makwerhu, sweswo i vuheneni. Sweswo i vuheneni loko u pfumela eka Swikwembu swinharhu.

²⁴⁶ Wona Nawu lowo rhanga, xana hi wihi Nawu lowo rhanga? “Yingisani, Wena Israel: Hi mina HOSI Xikwembu xa wena, Xikwembu xin’we.” Hi swona sweswo.

²⁴⁷ Hi Yena Xikwembu xin’we, ku ngari swikwembu swi nharhu. U hanyile eka tihofisi tinhарhu, u tirhile eka tindhawu tinhарhu. Hi Yena Muprofeta, Muprista, na Hosi. Hi Yena Gama, Xinyimpfana, na—na Nghala. Hi Yena Konwa ya Minkova, Xiluva xa Saroni, Konwa ya Minkova, na Nyeleti ya ni Mixo, Rimintsu na Swimintswana swa Davida. Hi yena kusuka ka A kufika ka Z. Hi Yena Tatana, N’wana, na Moya lowo Kwetsima. Hi Yena hinkwaswo sweswo, kambe hi Yena Un’we. Hi Yena Xikwembu xin’we. Sweswo i swiyimela mavito swa Yena leswi yaka eka Yena, kambe ku na Xikwembu xin’we.

²⁴⁸ A ku kalanga kuva na munhu na un’we, eka pheji yin’wana na yin’wana ya Bibele hambi kuri eka matimu, kufikela laha kereke ya Khatholiki, loyi a nga tshama a khuvuriwa hi ku petiwa ematini hi vito ra “Tatana, N’wana, Moya lowo Kwetsima.”

²⁴⁹ Loko mi nga ndzi komba pheji kumbe xin’wana na xin’wana, laha mi swi tsaleke, swi veki ehenhla laha eka mina, vusiku lebyi, kutani ndzi ta huma ekerekeni leyi, ndzi ri karhi ndzi ku, “Ndzi mukanganyisi; ndzi dyondzisile vanhu leswi hoxekeke.” Loko mi nga ndzi komba ndzimana yin’we ntsena ya Matsalwa, kumbe u ndzi tisela matimu yan’we, matimu ya xiviri, lama nga ta ndzi komba laha vanhu va tshameke va khuvuriwa, eBibeleni, hi vito ra “Tatana, N’wana, Moya lowo Kwetsima.” Kumbexani, ndzi tiseleni Matsa- . . . man’we kumbe, buku yin’we ya matimu, pheji yinwe, ntshaho wun’we eka matimu, laha munhu un’wana na un’wana a tshameke a khuvuriwa hi vito ra “Tatana, N’wana, Moya lowo Kwetsima,” ku fikela laha Nicene Council ya kereke

ya Khatholiki. Tanani, ndzi tiseleni swona; kutani ndzi ta vekela mfungho enhlaneni wa mina ni famba hi Jeffersonville, kutani n'wina mi tava endzhaku na mhalamhala, mi ri karhi mi chaya. Ndzi ta tsala leswaku, "Muprofeta wa mavunwa, u hambukisa vanhu."

²⁵⁰ Nakona, mufundhisi, loko u ri kona mixo lowu, a wu ta swi endla sweswo, u fanele ku ndzi pfumelela ndzi ku endlela swona. Wa vona? Tanani, ndzi kombeni. Kambe ma chava.

²⁵¹ Sweswi, xana i yini? *Lowu* i Nhlavutelo. *Lowu* i Nhlavutelo. Nakambe lowu i Moya lowo Kwetsima, Kreste, a rhumelaka Hungu ra Yena etikerekene. Wu yingiseni. Wu yingiseni. Sweswo hi leswi Bibebe yi swi dyondzisaka.

²⁵² Xana swi nghene hi kwihi? Loko hi leswaku ntsena a wu nge hlundzuki, yana ekule, kwala vhikini, u—u kuma ti Nicene Councils. Kuma Hislop's *Two Babylons*. Kuma . . .

²⁵³ Sweswi, matimu ya Josephus ya kahle, kambe u lo tsala ndzimana yin'we ntsena ya Kreste, a ku, "A kuri na wanuna loyi a vuriwa Yesu loyi a tsutsuma hinkwako, a horisa vanhu. Nakona—nakona u file, hambi, ee, Pilato u n'wi dlayile, nakona—nakona, kumbe Heroda, kumbe u n'wi dlayile. Kutani vadyondzisiwa va yile va ya yiva ntsumbu wa yena, va wu tumbeta. Kutani madyambu yan'wana na yan'wana va yile ni ku ya tsema xiphemu xa yena va xi dya." A ku, "A va ri makhema." Kutani, a va teka xilalelo, wa swi vona. Miehleketo ya xinyama! Josephus a hi loyi a nga yingiseriwaka.

²⁵⁴ Kambe tekani *Foxe's Book Of The Martyrs*. Ku na xiviri lexinene. *Foxe's Book Of The Martyrs*, i vangani lava va nga tshama va yi hlaya? [Nhlengeletano yi ku, "Amen."—Muhleri.] Hakunene. The Pember's *Early Ages*, kumbe—kumbe Hislop's *Two Babylons*, kumbe—kumbe yin'wana leyikulu ya xiviri. Kumbe, leyi—leyi yi kulu swinene hi nga na yona i Nicene Council, pre-Nicene Council na Nicene Council. Nakona wa swi kuma kwalahaya, leswi swo ka swi nga si vuriwa, ku hava vanhu.

²⁵⁵ Tekani Matsalwa lamo Kwetsima mi vona loko hi leswaku ku kale kuva na munhu eBibeleni loyi a nga tshama a khuvuriwa, hi ku tirhisa swiyimela mavito sweswo, vito ra "Tatana, N'wana, na Moya lowo Kwetsima." Swi vula swikwembu swinharhu. I swa ntirho wa vuheneni. Nakona Vukhatholiki a byo va nchumu emisaveni handle ka—ka xivumbeko xa Vukreste bya vuheneni. Nakona kusuka ekerekene ya Khatholiki ku humile Martin Luther, John Wesley, Baptist, Presbyterian, na tin'wana.

²⁵⁶ Kambe emasikwini ya makumu ku na nyangwa lowu vekiweke exikarhi lahaya, lowu pfuleleke Ntiyiso nakambe, leswaku, "Bibebe yi vula tano," na muprofeta lonkulu loyi a nga ta ta emisaveni emasikwini yo hetelela. Nakona hi pfumela leswaku u le kuteni. Langutani. Nakona u tava na Kereke. Sweswi, hi ta swi vona leswi, sweswi.

²⁵⁷ Sweswi, tsundzukani, lowu i Nhlavutelo. Mi ngaka mi nga hunguti eka Wona. Sweswi, i ntlhontlho wa njhani! Kumani munhu un'we eBibeleni, ndhawu yin'we laha va nga kala va khuvula hi vito ra “Tatana, N'wana, Moya lowo Kwetsima,” kumbe laha va nga haxa kunene munhu un'wana na un'wana, swi laveni eBibeleni, eku rivaleriweni ka swidyoho swa vona. A va kalanga. Nakona munhu un'wana na un'wana, swi ngari na mhaka leswaku va khuvurisiwe ku yini, va fanele ku ta va ta khuvuriwa, nakambe, hi Vito ra “Yesu Kreste,” leswaku va kuma Moya lowo Kwetsima.

²⁵⁸ Mintirho 19, “Paul u tsemakanyile tiko ra Efesa hi tlhelo ra le henhla.” A ku, “Vadyondzisiwa.” A vari na nhlengeletano leyikulu. A va landzela wanuna hi vito ra Apollos, loyi a ri gqweta leri hundzukeke; Mubaptist loyi a pfumela eka Yohana Mukhuvuri, nakona a khorwisa hi Matsalwa leswaku Yesu a ri Kreste.

²⁵⁹ Paul u hundzile hi kona a vona Akilas na Priskila, eka kuavanyisa ka vu18 eka Mintirho. Kutani u yile kona kuya va na swakudya swa ni nhlikanhi, kumbe swin'wana, na Akilas na Priskila. Va n'wi byerile hi wanuna loyi lonkulu. Va yile ku ya n'wi yingisela. U n'wi yingiserile vusiku byebyo. A ku, “U kahle swinene. Sweswo swi kahle swinene. Swi kahle sweswo. Kambe,” a ku, “xana mi amukerile Moya lowo Kwetsima siku mi pfumeleke xana?”

²⁶⁰ Mi ri yini n'wina Mabaptist va swisiwana endzhaku kwalaho, ma pfumela leswaku mi amukerile Moya lowo Kwetsima *siku* mi pfumeleka xana?

U teri, “Xana mi amukerile Moya lowo Kwetsima *siku* mi pfumeleka xana?”

Un'wana a ku, “Sweswo a swi nga tsariwanga eka swona.”

²⁶¹ Ndza swiala sweswo. Ndzi na ya Xigriki ya xiviri kona kwalahawani, ya Xiheveru, na yona. Bibele ya swi vula hi Xigriki, ha timbirhi ka tona, Xiheveru, nakambe na hi Xiaramic. Eka hinkwanto ha vunharhu bya tona, ndzi na tona lahawani, leti nge, “Xana mi amukerile Moya lowo Kwetsima *siku* mi pfumeleke xana?” Hi swona sweswo. “Xana mi amukerile Moya lowo Kwetsima *siku* mi pfumeleke xana?”

²⁶² Sweswi, u teri, “A hi si twa leswaku Moya lowo Kwetsima a wuri kona.”

Kutani a ku, “Mi khuvuriwile hi ku khuvula kwihi xana?”

²⁶³ Va ku, “Hi ku khuvula ka wanuna loyi a nga khuvula Hosi Yesu Kreste. Hi khuvuriwile hi ku khuvula ka Yohana,” xihlovo lexi fanaka xa mati, kumbexani, “wanuna loyi a fanaka.”

²⁶⁴ Paul a ku, “Sweswo swi nge tirhi. U khuvurile hi ku khuvula ka ku hundzuka ntsena, kungari ka ku rivaleriwa ka swidyoho.”

²⁶⁵ Sweswi, van'wana va n'wina vanhu va Onenes mi tile mi—mi ta khuvurisa xisweswo, swi hoxekile. Mi khuvurisa sweswo eka, ku ponisiwa. Mati a ma ponisi munhu; i Ngati, ku hundzuka. Ku ngari kuya hi nkhuvulo eka ku tswariwa ra vumbirhi. Ee, nkulukumba. Ku tswariwa ra vumbirhi swi ta hi Moya. Nkhuvulo i—i ku hlamusela ka le handle ka ntirho wa le ndzeni wa ku tswariwa ra vumbirhi loku endliweke. Wa vona? Swi lulamile. Xiyisisani.

²⁶⁶ U teri, “Xana mi amukerile Moya lowo Kwetsima siku mi pfumeleke xana?” Va teri . . .

Va ku, “A hi si twa leswaku Moya lowo Kwetsima a wuri kona.”

A ku, “Mi khuvuriwile hi ku khuvula kwihi xana?”

Va ku, “Hi ku khuvula ka Yohana.”

²⁶⁷ A ku, “Kunene Yohana u khuvurile hi ku khuvula ka ku hundzuka, ka ku hundzuka, a ri karhi a vula leswaku ‘mi fanele ku pfumela eka Yena,’ Xinyimpfana, Gandzelo leri a ri ri ekuteni, eka Hosi Yesu Kreste.” Kute loko va twa Sweswo, va khuvuriwile nakambe hi Vito ra Yesu Kreste. Kute loko Paul a va tlhandlekile mavoko Moya lowo Kwetsima wu ta henhla ka vona, kutani va vulavula hi tindzimi vari karhi va profeta.

²⁶⁸ Ndzi byeleni loko sweswo kungari Matsalwa, nakona ndzi kombeni kun'wana na kun'wana, laha munhu un'wana na un'wana a kaleke a khuvuriwa hi ndlela yin'wana eka Testamente Leyintshwa ehandle ka Vito ra Hosi Yesu Kreste. Ndzi kombeteni.

²⁶⁹ Mukwetsimi Agabus na votala, a kuri na van'wana, lava khuvuriweke ehansi kufikela nkarhi wa—wa—wa Nicene Council, nakona un'wana na un'wana wa vona u khuvuriwile hi Vito ra Yesu Kreste. Vamixinari va rimile masimu hi Vito ra Yesu Kreste.

²⁷⁰ Kambe loko Nicene Council yi ta, a va fanele kuva na swikwembu swinharhu. Va xikisile Paul. . . . kumbe ku xikisa Jupiter, va vekela Paul. Va xikisile Venus, kutani va vekela Maria. A vari na tinxaka hinkwato ta swikwembu, tinxaka hinkwato ta vakwetsimi na swin'wana hinkwaswo, ni ku endla yunharhu bya nkhuvulo ni ku swi byisa eka Maprotestant. Nakona va ha swi mita hi makolo.

²⁷¹ Kambe Mavoni ya ni madyambu ya fikile sweswi. Muprofeta u teri, “Ku tava na Rivoni hi nkarhi wa na madyambu.”

Ku tava—ku tava ni ku Vonakala hi nkarhi wa
ni madyambu,
Ndlela yo ya eVukwetsimeleni hakunene mi ta
yi kuma;

Hi ndlela ya mati, hi kona ku Vonakala namuntlha,
 Lahliwani eVitweni ro hlawuleka ra Yesu.
 Lavantshwa ni lavakulu, hundzukani eswidyohweni swa n'wina hinkwaswo,
 Kunene Moya lowo Kwetsima wu ta nghena endzeni;
 Ku Vonakala ka ni madyambu ku fikile,
 I ntiyiso leswaku Xikwembu na Kreste va Un'we.

²⁷² Ma Ri pfumela xana? [Nhlengeletano yi ku, “Amen.”—Muhleri.] Petro u teri, hi Siku ra Pentekosta, “Hikwalaho swi fanele ku tiveka, eka n'wina, yindlu ya Israel, leswaku Xikwembu xi endle Yesu loyi a fanaka, Loyi mi n'wi vambeke, ha vumbirhi Hosi na Kreste;” ndzimana ya vu 16 eka ku avanyisa ka vu 2. Ina. “Xikwembu xi endle Yesu loyi a fanaka, Loyi mi n'wi vambeke, ha vumbirhi Hosi na Kreste. Yindlu hinkwayo ya Israel yi fanele ku swi tiva, swinene.”

²⁷³ Ndzi vulavurile na Muyuda kungari khale ngopfu, ehenhla kwala eHouse of David, u teri, “N'wina Vamatiko mi ngaka mi nga tsemeleli Xikwembu xi va swiphemu swinharhu mi tlhela mi Xi nyiketa eka Muyuda. Hi tiva ku antswa kutlula sweswo.”

²⁷⁴ Ndzi ku, “Hi swona sweswo, Rabbi. A hi tsemeleli Xikwembu xi va swiphemu swinharhu.” Ndzi ku, “Wa va pfumela vaprofeta xana?”

A ku, “Hakunene.”

Ndzi ku, “Wa yi pfumela Esaya 9:6 xana?”

A ku, “Ina.”

Ndzi ku, “Xana muprofeta a vulavula hi mani?”

“Mesiya.”

Ndzi ku, “Xana Mesiya u tava ni vuxaka muni na Xikwembu?”

A ku, “U tava Xikwembu.”

Ndzi ku, “Hi swona sweswo.” Amen.

Wa vona, kwalaho mi nga kona. Wa vona, mi ngaka mi nga Xi tsemeleli xi va swiphemu swinharhu.

²⁷⁵ Loko n'wina vamixinari lahawani...Un'we wa vona lahawani a ya eka Vayuda, ndza pfumela, wanuna loyi a nga tshama *lahawani*. U nga tshuki u ringeta ku nyika Muyuda “Tatana, N'wana, na Moya lowo Kwetsima.” U ta ku byela hi xihatla, wa swi tiva laha swi humaka kona, “The Nicene Council.” A nge swi yingisi sweswo. Kambe n'wi pfumeleli a vona laha Xikwembu xexo xi endliweke nyama, na leswaku hi Xona Xikwembu xiri xoxe. Xikwembu, xi ti endle nyama hi xivumbeko xa munhu kutani xi hanya exikarhi ka hina, ku

hi kwetsimisa; ku susa, leswaku Xona hi Xoxe xi nga ha ta hi xivumbeko xa Moya lowo Kwetsima. Xikwembu, Tatana, Moya lowo Kwetsima, i Munhu a ri un'we.

²⁷⁶ Bibele yi vurile eka—eka xivongo xa Yesu Kreste, eka ku avanyisa ka 1 ka Matewu, Yi teri, “Abraham a veleke Isak. Isaka a veleke Yakob.” Nakona ku ya ehansi, yi teri, kutani eka... Ni pfumeleli ndzi yi hlaya, kutani sweswi mi ta switiva ntseña leswi ndzi vulavulaka hi swona. Matewu, kuavanyisa ka 1. Nakambe hi ta... Sweswi a hi sunguleni eka ndzimana ya vu 18.

*Ku tswariwa ka Yesu Kreste ku humelerise sweswo:
Loko... mana wa yena Maria a vutiwile hi Yosefa, va
nga si hlangana, a tshuka a xurha nyimba hi...*

²⁷⁷ ““Xikwembu Tatana””? Xana sweswo swi hlaleyka hi ndlela yaleyo? [Nhlengeletano yi ku, “Ee.”—Muhleri.] U kumeke na N’wana na Mani? [“Moya lowo Kwetsima.”] E... [Xivati lexi nga riki na nchumu eka thepi] A ndzi ehleketa leswaku Xikwembu Tatana a ri Tatana wa Yena? Kutani, Xikwembu, Tatana na Moya lowo Kwetsima, i Moya wu n’we, kumbe A ri na vatatana vambirhi.

Kambe Yosefa nuna wa yena, hikuva a ri munhu loyi a lulameke, . . . kambe a nga rhandzanga ku n’wi khomisa tingana, a anakanya . . . ku n’wi tshikela exihundleni.

Kaku loko a anakanya swona, vonani, ntsumi ya Hosi yi ta ka yena hi norho, yi ku, Yosefa, n’wana Davida, u nga chavi . . . ku titekela Maria nsati wa wena: hikuva leswi xurheke hi yena i swa...

²⁷⁸ ““Xikwembu Tatana””? Huu? [Nhlengeletano yi ku, “Ee. ‘Moya lowo Kwetsima.’”—Muhleri.] “Moya lowo Kwetsima.” Kutani xana i mani loyi a ri Tatana wa Yesu Kreste? [“Moya lowo Kwetsima.”] Moya lowo Kwetsima. Xana i Yini leswi nga eka n’wina? [“Moya lowo Kwetsima.”] Hi swona, sweswo i Xikwembu, Tatana, na yena. Xana a hi Swona? [“Amen.”] I ntiyiso.

U ta veleka wandzisanyana, kutani u ta n’wi thya vito ra YESU: . . .

²⁷⁹ *Lahawani i Xikwembu Tatana, lahawani i Xikwembu Moya lowo Kwetsima, nakona lahawani i Xikwembu N’wana, wa vona, sweswo i Swikwembu swinharhu. Bibele a yi swi vulanga. Lavambirhi va fanele kuva lava fanaka, kumbe A ri na vatatana vambirhi. Wa vona? A ngaka a ngavi na vatatana vambirhi. Ma swi tiva sweswo.*

Sweswi, u ta veleka wandzisanyana, kutani va ta n’wi thya vito ra YESU: hikuva hi yena loyi a nga ta ponisa tiko ra yena eku biheni ka rona.

Leswi hinkwaswo swi humelerile, leswaku ku endleka leswi Hosi yi nga swi vula hi muprofeta, loyi a nga te,

...wanhwana u ta tika nyimba, u ta veleka n'wana wa wandzisanyana, vito ra yena u ta thyiwa Emanuel, loko va hlamusela hi leswaku, Xikwembu xi na hina.

²⁸⁰ Yaleylo i kuavanyisa ka 1 eka Matewu.

²⁸¹ Matewu 28:19, laha Yesu a nga teri, “Yanani, mi va khuvula hi vito ra Tatana, N’wana, ni ra Moya lowo Kwetsima.” Xana hi rihi Vito ra Tatana, N’wana, Moya lowo Kwetsima? [Nhlengeletano yi ku, “Yesu Kreste.”—Muhleri.] Yesu Kreste, hakunene.

²⁸² Mi kale mi hlaya hi xitorhi xa rirhandzu, lowu nge, “Yohana na Maria va hanyile hi ku tsaka hilaha ku nga heriki.” Xana Yohana na Maria i va mani? Tlhelelani emasunguleni ya xitorhi, ni ku swi lavisia.

²⁸³ Loko kuri hava nchumu wo tani hi sweswo, ku hava vito ra, “Tatana, N’wana, kumbe Moya lowo Kwetsima,” kutani i Mani, xana i Vito ra Mani? Tlhelelani endzhaku, emasunguleni ya xitorhi, kutani mi vona Loyi a vulavula hi Yena.

²⁸⁴ Petro, hi Siku ra Pentekosta, u teri, “Hundzukani, kutani un’wana na un’wana wa n’wina, kutani mi khuvuriwa hi Vito ra ‘Yesu Kreste’ eku khomeriweni ka swidyoho.” A ri na nhlavutelo.

Yohana a ri na nhlavutelo.

²⁸⁵ Yesu a ri Nhlavutelo, U ti humesile hi Yexe kona kwalahawani Matsalweni, “Hi mina Loyi a ri kona, loyi a nga kona, ni loyi a taka, wa Matimba hinkwawo.” Yhuu! Swi lulamile.

²⁸⁶ Sweswi, a hi kumeni ndzimana ya vu 7, hi ku hatlisa sweswi, hi nga si humela ehandle, ntsena hi ku hatlisa hilaha hi nga kotaka hakona.

...wa Matimba hinkwawo.

...mati-...ku kwetsima ni matimba hi masiku ni masiku. Amen.

A va...a endla tiko ha hina ni vaprista va Xikwembu...Tata wa yena; eka yena a ku ve ku kwetsima ni matimba hi masiku ni masiku. Amen.

²⁸⁷ Xana ma wu vona nhlavutelo wolowo kwalano, hilaha Wu paluxiweke hakona? Hilaha Xikwembu...Vavanuna va tshuva tinhloko ta vona ni ku phuxa misisi ya vona, na swin’wana, va ringeta ku kumisisa leswiku “Tatana, N’wana, Moya lowo Kwetsima” swi nga swona, ku endla swinharhu, eka xin’we.

Mi nga phuxaphuxi misisi ya n’wina ni ku tshuva tinhloko ya n’wina. Ntsena langutani ehenhla. Nhlavutelo wu huma hi le Henhla. Nakona sweswo hi swona. U ta paluxa, a hi “Tatana, N’wana, na Moya lowo Kwetsima.” I tihofisi tinharpku laha Xikwembu xin’we xi hanyeke kona.

²⁸⁸ A xi ri eka hofisi ya, “Moya,” hi Xoxe, hikuva xivumbiwa xa ximunhu xa tikukumuxa. Kutani Xi tiendele miri wa Xona, xi hanya eka wona, leswaku xi humelerisa Ngati ya Xona N’winyi; kungari hi swa masangu, tani hilaha swiveke ha kona entangeni wa Eden, kambe kuri ku humelerisa miri wa vutumbuluxi. Nakona hi miri lowu tswarewihi wanhwana loyi a nga tiviki wanuna, Xi nyikerile hi Ngati leyi hi kwetsimiseka ni ku hi kutsula eku pfumalenka ripfumelo, ku pfumela eka Xona. Kutani, hi endla sweswo, hi Xi amukela endzeni ka timbilu ta hina, xexo i Xikwembu endzeni ka hina; Xikwembu: Tatana, N’wana, na Moya lowo Kwetsima. Wa vona? Ntsena tani hi Muprofeta, Muprista, na Hosi nkulu, sweswo i nchumu lowu fanaka. Hi swona.

²⁸⁹ Sweswi, ndzimana ya vu 7, hi lexi xitiviso. Xitiviso hi leswaku:

Vonani, wa ta hi mapapa; mahlo hinkwawo ma ta n’wi vona, . . . na vona lava n’wi tlhaveke: kutani tinxaka hinkwato ta misava ti ta rila hikwalaho ka yena.

²⁹⁰ Oho! Xana hi saleriwe hi nkarhi muni? Sweswo swi sasekile kwalaho. Xana mi nga hlayisa tin’wana ta makume nharhu- . . . makume mbirhi wa timinetse? [Nhlengeletano yi ku, “Ina.”—Muhleri.] Mi nga swikota? [“Amen.”] Swi lulamile. Sweswi, kutani, mundzuku . . . Vusiku bya namunthla, hi ta ringeta ku fikelela hinkwaswo swa *Xivono Xa Le Patmos*, vusiku bya namunthla. Namunthla, hi ta hetelela eka xitiviso.

²⁹¹ Oho! Mi titwa kahle? [Nhlengeletano yi ku, “Amen.”—Muhleri.] Ma yi rhandza Bibeleya khale? [“Amen.”] Hi yona Nhlavutelo. Yini, xana yi yini? Xikwembu xi fikela ehansi, eBukwini leyi, xi fika xi susa xifunengeto, xi ku, “Hi Lexi lahaya: Muprofeta, Muprista, Hosi; Tatana, N’wana, Moya lowo Kwetsima; Loyer a ri kona, loyer a nga kona, ni loyer a taka. Swilo leswi hinkwaswo, hi Swona Xikwembu.”

²⁹² Sweswi, a hi suseni xifunengeto, ntsena timinetse tintsongo sweswi, Hosi a yi hi pfuni, ku susa xifunengeto ematihlweni ya hina. Ni ku kuma . . .

Vonani, wa ta hi mapapa; . . .

²⁹³ Sweswi, xana U tisa ku yini? “Hi mapapa.” Xana i mapapa ya muxaka muni? Mapapa yo kwetsima. Kungari rin’wana ra mapapa lamo dzindza, papa ra mpfula, kambe mapapa ya ku kwetsima.

²⁹⁴ Mi ta vona leswaku a kuri papa ra muxaka muni leri a ri N’wi funengetile loko Petro na vona va vona xivono xa Yena eNTshaveni ya Nkwetsimo, papa ri N’wi funengeta. Tinguvu ta yena ti hundzuka leto vangama. U funengetiwile hi papa, matimba ya Xikwembu.

²⁹⁵ Oho, hi nghena eka sweswo, kona lahawani eka tinguva ta kereke. Ndza mi byela, ntsena swi—ntsena swi ndzi dikida vundzeni bya mina, ku ehleketa hi swona. Hilaha ku vuya Yena... Ndzi vona siku leri hi hanyaaka eka rona, laha ku nga riki na nchumu, ka ha ri hava ku tshembha handle ka ku Vuya ka Yena.

²⁹⁶ Sweswi hi ta kuma leswi hi ku hatlisa. Sweswi tsundzukani.

...mahlo hinkwawo ma ta n'wi vona,...

²⁹⁷ Sweswi, sweswo a kungari ku Tlhandluka, sweswi. Xana a kuri kona? [Nhlengeletano yi ku, “Ee.”—Muhleri.] Wa vona? A ku ngari ku Tlhandluka. A ku nga ri ku Tlhandluka. Xana A vulavula hi yini? Ku Vuya ra vumbirhi.

*...na vona lava n'wi tlhaveke: kutani tinxaka
hinkwato ta misava ti ta rila hikwalaho ka yena.*

²⁹⁸ Sweswi hi ta tlhelela endzhaku ni kuya kuma matimu nyana. A hi tlheleleni endzhaku eka Zakariya, hi kuma kuavayisa ka vu 12 ka Zakariya. Zakariya. Hi swona.

²⁹⁹ “Nakona siku rin'wana na rin'wana Hosi yi engetela kereke hi vanhu lava ponisiweke.” Hilaha hi khensaka hakona eka nhlavutelo lowunene wa Yesu Kreste! Xana a mi tsakanga hikwalaho ka Yena? [Nhlengeletano yi ku, “Amen.”—Muhleri.] Sweswi, hi ta swi nghenisa swilo leswi eka xivumbeko xa buku hi ku hatlisa hilaha hi nga kotaka hakona, ku ya eka vanhu, leswaku mi nga ha yi kuma, ku yi hlaya hi n'wexe eka kamara leyi yi rhuleke na swin'wana, kutani u yi dyondza, hi wexe. Hi swona.

³⁰⁰ Zakariya, Zakariya, kuavanyisa ka vu 12 ka Zakariya sweswi. Nakona hi lava, ku swi teka hi xikhongelo xa xiviri sweswi. Nakona ndzi lava ku swi kuma leswi leswaku swi va ku kwetsima ka Xikwembu. Sweswi, Zakariya 12, a hi sunguleni hi ndzimana ya vu 9. Yingiselani swinene sweswi. U vulavula hi ku Vuya. Zakariya 12, nakona hi ta sungula eka 9, ndzimana ya vu 9.

Kutani swi ta humelela...

Zakariya, a ri eku profeteni, mune wa madzana na makume nhungu-nkombo wa malembe ku nga si va na ku vuya ka Kreste.

*Kutani swi ta humeleta hi siku rero, ndzi ta tiyisela ku
lovisa hinkwawo... matiko lama hlaselaka Yerusalem.
(Ehleketani hi swona.)*

*Ndzi ta chela ehenhla ka yindlu ya Davida, ni le
henhla ka vaaki va Yerusalem, e moyo wa tintswalo ni
wa mikhongelo: kutani va ta languta ka mina loyi va
n'wi tlhaveke,...*

³⁰¹ Sweswi, xana Evhangeli yi ta tlhelela rini eka Vayuda? Loko siku ra Vamatiko ri herile, Evhangeli yi lulamerile, kuya eka Vayuda. Oho, ndzi nga kota, loko ndzi nga kota

ntsena ku rhanga hi ku mi byela nchumu wuntsongo lowu lavaka ku humelela kona kwalahawani, wa vona, kwalahawani esikwini leri. Ma swi vona? Swi lava ku humelela. Hi swi kuma eka Nguva ya Kereke. Nakona nchumu lowu lowukulu wu tilunghisela ku humelela, wu ta yisa emahlweni eka Nhlavutelo 11 kutani wu tlakula vaprofeta lavambirhi, Eliya na Muxe ni ku tlhelela endzhaku nakambe eka Vayuda. Hi tilulamisele swona. Hinkwaswo swi tshamisekile hi oda, ntsena swi lulamerile. Hungu leri ra Vamatiko, tani hilaha Vayuda va ri tiseka eka Vamatiko, Vamatiko va ta ri tlherisela endzhaku eka Vayuda nakambe. Kutani ku Tlhandluka ku fika.

³⁰² Sweswi tsundzukani, ku ta loku lahawani, endzhaku ka mahlomulo... Kereke a yi ngheni a ku Xanisekeni. Ha swi tiva sweswo. Bibele yi vula tano. Wa vona? Hi swona.

³⁰³ Sweswi, U ta chela ehenhla ka yindlu ya Israel, (yini?) Moya lowo Kwetsima lowu fanaka, wa vona, endzhaku ka loko Kereke ya Vamatiko yi fambile.

...kutani va ta languta ka mina loyi va n'wi tlhaveke,
va ta n'wi rilela, kukota loko va rilela n'wana la nga
tswariwa a ri yexe, va hlomuka ngopfu ehenhla ka yena,
kukotisa loko va hlomukela n'wana wa mativula.

Esikwini rero ku tava ni...swirilo leswikulu
eYerusalem, ...ni swirilo...e—e nkoveni wa Megidon.

Nakona—nakona misava yi ta rila, ku rila tinxaka hinkwato hi rin'we rin'we; rixaka ra yindlu ya Davida hi tlhelo, ni... rixaka ra yindlu ya Natan hi tlhelo, rixaka rin'wana ni rin'wana hi tlhelo; (loko va vona, leswi nga ta humelela, leswi nga ta humelela loko A ta hi mapapa layo vangama, eku vuyenyi ka Yena ra vumbirhi.)

³⁰⁴ Kutani loko Vayuda lava N'wi tlhaveke... Ma swi tiva, Matsalwa man'wana ma vula leswaku va ta N'wi vutisa, leswaku xana U ti kuma kwihi timbanga leti.

U ta ku, “Endlwini ya vanghana va Mina.”

³⁰⁵ Nakona a ku ngavi ntsena nkarhi wa ku rila eka Vayuda lava N'wi aleke, tani hi Mesiya, kambe ku tava nkarhi wa ku rila eka Vamatiko lava saleke endzhaku lahawani, lava amukeleke... lava nga N'wi amukelangiki tani hi Mesiya wa siku leri. Va tava eku rileni na swirilo. Vanhwana lava etteleke va tava eku rileni. Yaleylo i kereke leyi aleke ku kuma Mafurha ya rivoni ra yona. A kuri na vanhwanyana va khume lava humeke va famba, hinkwavo a vari vanhu lavanene, kambe ntlhanu wa vona a vari na Mafurha emavonini ya vona. Lavan'wana va ntlhanu a vari vanhu va kahle, vanhu va kahle, kambe va tsandzekile ku kuma Mafurha ya mavoni ya vona. “Nakona va cukumeteriwe ehandle emunyameni laha kunga na swirilo, na ku rila, na ku getsela ka meno.”

³⁰⁶ Hi leswi lahawani, “Va ta rila.” Bibebe yi vurile lahawani, “Va ta rila, ni kuva lava tshovekeke timbilu, ku kondza hambi . . .”

³⁰⁷ Lahawani, ndzi ta mi nyika yin’wana, Genesa 45, loko mi lava ku nghena eka yona. A hi ngheni eka yona ntsena xinkadyana na ku swi hlaya sweswo eka Genesa, ku . . . ndza pfumela, kuavanyisa ka vu 45 ka Genesa. Ndzi nga tsakela ku kuma leswi lahawani, Yosefa a titivisa eka va ka vona—eka vanhu va ka vona. Nakona hi ta swi kuma leswi, ntsena ku kombisa ntsena swi—swi swifananiso leswi swi nga ta teka ndhawu hi siku lero, kutani hi ta swiboha kun’we.

Kava loko Yosefa a tsandzeka ku tikhoma emahlweni . . . ka hinkwavo lava n’wi rhendzeleke xikarhi; kutani a rila, Vanhu hinkwavo lava nga laha a va hume . . . eka mina.

³⁰⁸ Sweswi tsundzukani, Yosefa, loko a titivisa, u ririle aku, “Vanhu hinkwavo lava nga laha a va hume.”

Kutani a ku vanga na munhu loyi a saleke na yena, loko Yosefa a titivisa eka vamakwavo.

Kava loko a tlakusa rito a rila: Vaegipta ni va yindlu ya Faro yi n’wi twa. (U tava a tlhave mukhos.)

Yosefa a ku ka vamakwavo, hi mina Yosefa; tatana wa ha hanya xana? Kambe vamakwavo va tsandzeka ku n’wi hlamlula; hikuva a va thukisiwa emahlweni ka yena.

Kambe Yosefa a ku ka vamakwavo, Ndzi tshineleleni . . . mina, ndza mi khongela. Va tshinela. A ku, hi mina Yosefa makwenu, loyi . . . loyi mi nga n’wi—loyi mi nga n’wi xavisa e Egupta.

Kambe sweswi mi nga vavisekeni, mi nga vileli, hi leswi mi nga ndzi xavisa ndzi ta haleno: hikuva Xikwembu xi ndzi rhumile ku rhangela n’wina ndzi ta tiva ku mi hanyisa. (Oh, ku saseka ka swona!)

Hikuva malembe mambirhi lava . . . ndlala a yiri kona misaveni: kambe . . . kambe ka ha ta, ku nga tako ku nga rimiwi ni ku tshoveriwa nchumu ha wona.

Xikwembu xi ndzi rhumile mahlweni ka n’wina ku mi ponisa misaveni, ni ku mi hanyisa hi ku pona lokukulu.

³⁰⁹ Ndzi pfumeleleni ndzi teka sweswi ni ku fananisa na Zakariya, kuavanyisa ka vu 12, ntsena xinkadyana. Sweswi, ha swi tiva sweswo, hi ku fananisa. Loko u dyondzisa hi swifananiso, kutani minkarhi hinkwavo u ta swi kuma swi lulamile, ndza ehleketa, hi—hi ku fananisa.

³¹⁰ Sweswi, Yosefa, loko a tava a tswariwile, u vengiwile hi vamakwavo wa yena. A hi swona xana? [Nhlengeletano yi ku, “Amen.”—Muhleri.] Sweswi ndzi lava ku mi kombisa, Yosefa

u yimela Kereke leyi nga tatiwa hi Moya. Yosefa a vengiwa hi vamakwavo wa yena. Hikokwalaho ka yini? Hikuva a ri wa ximoya. Yosefa a nga ta tikhoma hikuva a vona swivono. A nga ta tikhoma hikuva a lorha milorho, wa vona, nakona a kota ku hlamusela milorho. Yena, yaloye hi yena loyi a ri eka yena. A nga ta kombisa nchumu wun'wana handle ka leswi a swi ri endzeni ka yena. Hi swona, kutani, vamakwavo wa yena va n'wi vengile, handle ka xivangelo. Kambe tatana wa yena a n'wi rhandza, hikuva tatana wa yena a ri muprefeta.

³¹¹ Ma swi vona hilaha a swi ri xiswona ha Yesu? Xikwembu xi rhandzile N'wana wa Xona. Kambe vamakwerhu, Vafarisi na Vasaduki, va N'wi vengile, hikuva A kota ku horisa vavabyi, ni ku vula swilo leswi swa ha taka, na ku vona swivono, na ku hlamusela. Ma swi vona leswi ndzi swi vulaka? "Va N'wi vengile, ehandle ka xivangelo."

³¹² Nakona xana va endlile yini ha Yosefa? Va tiendlise tani hiloko a file, nakona va n'wi hoxile a kheleni. Va teka nkhancu lowu totiweke ngati, wa mihlovo ya nkombo, lowu tatana wa yena . . .

³¹³ Ku na mihlovo ya nkombo ntsena eka kwangulatilo. Nakona kwangulatilo, hi tiva hi yini, leswaku hi ta nghena eka wona kungari khale, ndza ehlleketa, madyambu lawa. Kwangulatilo lowu nga ehenhla ka Yena lahawani, Yesu, laha, "A fana ni ribye ra yaspa na ra sardio, na kwangulatilo." Kwangulatilo i ntwanano.

³¹⁴ Nakona wolowo a wuri ntwanano wa Xikwembu eka Yosefa. Nakona va totile ngati enkhancwini wa yena, va wu vuyisela eka tata wa vona. Nakona a fanele kuva a file. Nakona . . .

³¹⁵ Kambe u kokiwile a huma ekheleni a vekiwa eka e—e . . . a xaviseriwa Faro, un'wana a Egipta, nakona e—e ndhuna yi n'wi hlayisile. Kute loko va swi endlile, yena, u weriwile hi khombo, a nghenisiwa ekhotsweni. Kutani kwalahaya u profetile, ni ku byela vavanuna vambirhi laha un'we a nga taya kona ni laha lowun'wana a nga taya kona; mucheli wa wayeni na—na muphameri, mayelani na milorho ya vona.

³¹⁶ Swingaleswi u tlakusiwile kusuka kwalahaya, ku ya evokweni ra xinene ra Faro. Nakona ku hava munhu loyi a ta khumbha Faro, ntsena ha Yosefa. [Xivati lexi nga riki na nchumu eka thepi—Muhleri.]

³¹⁷ Xana i ncini leswi. Sweswi, swi . . . loko Yosefa a tava a xaviseriwe Vaegipta. Kutani, langutani, hinkwaswo leswi a swi endla a swi fananisa Kreste. Langutani mucheli wa wayeni loyi na muphameri loyi endzeni lahaya, nakona ha vumbirhi va vile na milorho. Na Yesu, loko A ri endlwini ya Yena ya khotso. Tsundzukani, Yosefa a ri ekhotsweni. Kutani loko Yesu a ri ekhotsweni ra Yena, (njhani?) a belieriwe exihambanweni, ku vile na un'we loyi a ponisiweke na un'we loyi a lahlekeke.

Yosefa, loko a ri ekhotsweni ra yena, un'we u ponisiwile, un'we a lahleka.

³¹⁸ Nakona xiyisisani, endzhaku ka loko Yesu a susiwile exihambanweni, U vutleriwe eMatilweni, a ya tshama evokweni ra xinene ra Moya lowukulu, Yehovha. “Ku hava munhu loyi a nga taka ka Xikwembu loko kungari ha Mina.” Ku hava va *Twarisiwa Maria*, ku hava mukatekisiwa *loyi* kumbe mukatekisiwa *yaloye*. Kambe, ha Yesu Kreste, “Muhlanganisi a ri un'we ntsena exikarhi ka vanhu na Xikwembu,” miri walowo wo hlawuleka lowu Xikwembu xi veke tabernakele eka wona, exikarhi ka hina, lowu tekeke Vito ra Xikwembu. Kutani Xikwembu xi tekile vito ra ximunhu. Xikwembu xi tekile . . .

³¹⁹ Langutani lahwani. Eku sunguleni, loko Adam . . . ntsena a ndzi koti kusuka eka sweswo. Swi tikomba ingaku un'wana a nga le ku Swi kumeni, kun'wana. Vonani. Eku sunguleni . . . Ndzi pfumeleleni ndzi mi kombisa swin'wana nakambe. Moya lowo Kwetsima wu ndzi tshinyile ku swi endla. Ndzi sukela dyondzo ya mina xinkadyana. Loko mahungu yo sungula ya fika eVukwetsimelweni, leswaku n'wana u lahlekile, Adam, xana Xikwembu xi rhumele Ntsumi? Xana Xi rhumele n'wana? Xana Xi rhumele munhu un'wana xana? Xi tile, hi Xoxe, ku ta kutsula n'wana wa Xona loyi a lahlekile. Haleluya! Xikwembu a xi kalangi xi tshembha un'wana handle ka xona hi Xoxe. Xikwembu xi ti endle nyama kutani xi tshama exikarhi ka hina, kutani xi kutsula munhu, hi Xoxe. Swi hi . . . “Hi ponisiwile,” Bibebe yi teri, “hi Ngati ya Xikwembu.” Leyi faka, Xikwembu a xi ri . . . Xikwembu lexi nga fiki a xi endliwe lexi faka, leswaku xi ta kota ku susa xidyocho, leswaku xi va Xinyimpfana, hi Xoxe; ku nghena eVukwetsimelweni, xi tifunengetile, na Ngati ya Xona N'winyi emahlweni ka Xona, endzhaku ka xifunengeto.

³²⁰ Sweswi, Yosefa, a kongoma ehansi eEgipta. Nakona kwalahaya u tlakusiwile kusuka ekhotsweni ra yena, ku ya evokweni ra xinene ra Faro, kutani u endliwe mulanguteri. Nakona swilo hinkwaswo swi katekisiwile emasikwini ya Yosefa.

³²¹ Sweswi, loko Yesu a vuya, hambi ya ri mananga ya ta rhumbuka ku kotisa xiluva. Hi Yena N'wana wa ku humelela, muxaka wa Yosefa.

³²² Va nghenisile Yosefa . . . Ndhuna yi n'wi vekile endlwini ya yona; hinkwaswo leswi a swi endleke, u katekisiwile. Va n'wi hoxile ekhotsweni, kutani khotsa hinkwaro ri kateka. Hinkwaswo leswi a va swi endla, a kateka. Kute loko a tlakusiwile, a va wa le henhla-henhla, wa Faro, ekusuhi na Faro, swilo hinkwaswo eEgipta a swi katekisiwile kutlula xin'wana na xin'wana emisaveni.

³²³ Loko A ta vuya, yi tava misava ya minkateko. Mananga ya khale ya ta rhumbuka, nakona kutava na swakudya hinkwako.

Kutani hi ta swi kota, un'wana na un'wana, ku tshama ehansi ka nsinya lowu wu nga wa hina wa nkuwa, na ku hleka na ku tsaka, na ku hanya hilaha ku nga heriki eVukoneni bya Yena, loko A ta vuya a ri Hosi.

³²⁴ A ri N'wana wa munhu, Muprofeta. Amen. A ri N'wana wa munhu, Gandzelo, Muprista. Hi Yena N'wana wa munhu, tani hi Hosi, N'wana Davida loyi a tshameke exiluelweni xa vuhoysi bya Yena. N'wana wa munhu, U tivo-...Xikwembu xi tivonakarisile tani hi N'wana wa munhu. Xi tile ehansi ni kuva munhu, ku ta susa swidyoho emisaveni. Xi hundzukile munhu, tani hi Muprofeta. Xi hundzukile munhu, tani hi Muprista. Xi hundzukile munhu, tani hi Hosi; Hosi ya le Tilwени, Hosi ya vakwetsimi, Hosi hilaha ku nga Heriki; u tshama a ri Hosi minkarhi minkarhi hinkwayo, u ta tshama a ri Hosi minkarhi hinkwayo, Hosi hilaha ku nga Heriki.

³²⁵ Sweswi xiyisisani, kutani, Yosefa. Loko Yosefa a nga se ya emahlweni, a va fanele ku ba mhalamhala, ku sungula. Kutani vanhu va huwelela, "Khisamelani Yosefa." Swi ngari na mhaka leswaku munhu a endla yini, a xavisa swin'wana exitarateni, loko mhalamhala ya leyo yi twakala, a nkhisama hi tsolo. Loko munhu a ri kusuhi ni ku tlakusa voko a amukela mali ya yena, a ta nkhinsama hi matsolo, hikuva Yosefa a ri ekuteni. Oho! Mu m-...mu-mu-muencenyeti a tilulamiserile ku endla ntirho wa yena, kutani xana a ta endla yini? A fanele ku yima. "Yosefa wa ta." Mhalamhala yi biwile.

³²⁶ Rin'wana ra masiku lawa, swilo hinkwaswo, hambi wu ri nkarhi, wu ta yima. "Loko mhalamhala ya Xikwembu yi ta twakala, kutani lava feleke ka Kreste va ta pfuka, kutani mixo wu ta humesa laha ku nga Heriki, ku vangama na ntiyiso." Swilo hinkwaswo swi ta nkhisama hi matsolo. "Matsolo hinkwawo ma ta nkhisama emahlweni, na tindzimi hinkwato ti ta Ri vula."

Sungulani sweswi. "Vudyoho bya vanhu van'wana byi ta va rhangela, bya van'wana byi va landza hi le ndzhaku."

³²⁷ Kambe sweswi xiyisisani leswi humeleleke. Ku kwetsima ka swona! Kute loko Yosefa...endzhaku ka loko a tekile wansati wa Vamatiko ni ku kuma ndyangu, Efraim na Manase, vana va yena. Xana mi swi lemukile emakumu? Loko Yosefa...Yakob a sungula ku katekisa Efraim na Manase. Loko a sungula ku tlhandleka mavoko ya yena, u vekerile ra xinene eka Efraim, Manase eka ra ximatsi, ku endla leswaku voko ra xinene ri katekisa lonkulu. Kambe loko a sungula ku khongela, mavoko ma yena ma hambana-nana, kutani a nyika lontsongo minkateko ya voko ra xinene ematshan'wini ya loyi a ri evokweni ra xinene.

³²⁸ Kutani Yosefa a ku, "A hi swona, Tatana." A ku, "U teke minkateko u nyika Manase ematshan'wini ya Efraim."

Kutani a ku, "Xikwembu hi xona xi nga hambanyisa mavoko ya mina."

³²⁹ Yini? Kusuka eka Mayuda, wa khale, ni wo sungula loyi a hlawuleke hi Xikwembu, kusuka eXihambanweni ku ta ku katekisiwa endzhaku ka Vamatiko, ku kuma Mutekiwa. Minkateko yi huma eXihambanweni, kusuka eka Mayuda kuya eka Vamatiko. Va arile, va arile Xihambano, swingaleswi U kume Mutekiwa wa Vamatiko.

³³⁰ Sweswi loko Yosefa, loko leswi swi nga se humelela, loko a ri... a twile hi ta vamakwavo, lava... A va humile eka xinakulobye emalembeni lamo tala, Vayuda.

³³¹ Sweswi langutani. Hi tlhelela endzhaku eka Zakariya sweswi, laha va kololaka, na ku rila na swirlilo. Nakona hambi kuri mindyangu yi ta tiava eka mindyangu yin'wana, yi huma, yi ku, "Xana hi swi endlise ku yini? A hi tava hi swi endlise ku yini?" Loko va ku, "Xana U ti kuma kwihi timbanga, migandlazo leyi nga emavokweni ya Wena?" hambi kuri lava N'wi tlhaveke. "U ta ta hi mapapa. Kutani va ta N'wi vona, hambi lava va N'wi tlhaveke. Kutani yindlu yin'wana na yin'wana yi ta rila, nakona va ta kolola." A va nga ta tiva xo xiendla.

³³² Nakambe loko Yosefa... Ma xi tiva xitorhi xa kona. Loko a vonile vamakwavo va yena, ni ku endla ingaku a nga koti ku vulavula Xiheveru, a kuma mutoloki leswaku a n'wi tolokela. Nakona a nga vulavuli Xiheveru, hi ku ti endlisa; kambe a lava ku kumisisa. Kutani eku heteleleni, siku rin'wana, loko va tisile ndzisana ya yena, xana mi kale mi swi lemuka? A ri Benjamin loyi a vangeke ku pfurha emoyeni wa Yosefa?

³³³ Xana hi swihi, namuntlha, leswi nga ta vanga ku pfurha emoyeni wa Yena, Yosefa wa hina, Yesu? Kereke leyintsongo leyi veke lahaya eIran, leyi hlayiseke milawu ya Xikwembu. Nakona i vanhu lava nga ha ku tswariwa lava hlengeletaneke ePalestina, ni ku tlheriseriwa endzhaku nakambe. Yona Nyeleti ya Davida leya tinhla ta ntsevu, mujeko wa khale ku tlurisa emisaveni, rixaka ri tswariwile eka malembe yantsongo yo hetelela. Hi liyani Israel.

Matiko ya fayealleka, Israel ri le ku pfukeni,
Swikombiso leswi Bibele yi nga swi vula;
Masiku ya Vamatiko ya pimiwile, ku hatlisela
ku wisa;
Tlhelelani, O n'wina lava hangalakeke, eka
n'wina.

Siku ra ku Kutsuriwa ri le kusuhi,
Timbilu ta vanhu ta hluleka hi ku chava; (Swi
languteni ntsena, hinkwavo va hundzukile
matoya.)
Tatiwani hi Moya, mavoni ya n'wina ya
khavisiwa ni ku basa,
Langutani ehenhla, ku kutsuriwa ka n'wina ku
le kusuhi.

Va profeta va vunwa va le ku hembeni, Ntiyiso
 wa Xikwembu va wu tsan'wa,
 Yesu Kreste yaloye i Xikwembu xa hina;
 (Wa kwetsima! Kambe Nhlavutelo wu tile.)
 Swingaleswi hi ta famba laha vaapostola va
 kandziyeke kona, (Endhawini leyi fanaka.)

Hikuva Siku ra ku Kutsuriwa ri le kusuhi,
 Timbilu ta vanhu ta hluleka hi ku chava;
 Tatiwani hi Moya wa Xikwembu, mavoni ya
 n'wina ya khavisiwa ni ku basa,
 Langutani ehenhla, ku kutsuriwa ka n'wina ku
 le kusuhi.

³³⁴ Oho! Oho, Yosefa, loko a vona Benjamin lontsongo a yimile lahaya! Yaloye i ndzisana ya yena. Ma n'wi vona Benjamin lontsongo sweswi ehenhla...?...ehenhla lahaya, a tshamile lahaya? Tinxaka ta—ta misava, ta Vayuda, va tlhelela endzhaku laha ku nga tava na dzana na makume mune-mune wa magidi wa vona va yimile lahaya, ku amukela Kreste loko va N'wi vona a Vuya. Va ta ku, “Vonani, lexi hi xona Xikwembu xa hina lexi A hi xi yimerile.” Kutani va ta vona laha ku tlhaveke...“Xana leswi swi huma kwihi?”

A ku, “Endlwini ya munghana wa Mina.”

³³⁵ Kutani va ta kolola ni ku rila. Nakona ndyangu wun'wana na wun'wana, tinyimba ta vona ta Davida na Naftali na hinkwavo, va ta avana, ndyangu wun'wana na wun'wana, ni ku khulukisa mihloti eka vona vinyi loko va N'wi vona a yimile empfhukeni, loyi va N'wi tlhaveke.

³³⁶ Xana hungu ra Yena ri tava rihi? Vonani leswi vuriweke hi Yosefa. Loko a teri... .

³³⁷ Vonani nchumu wun'wana. Loko Yosefa a tisile vana emahlweni ka yena, u va langutile, a vona Benjamin lontsongo. A vona Efraim, u va vonile hinkwavo ka vona kwalahaya, Gad na hinkwavo ka vona. Na tona tinyimba ta khume mbirhi, a kuri khume nkarhi waluwa, ti yimile emahlweni ka yena. U va vonile hinkwavo va yimile kwalahaya. A swi tiva leswaku a vari vamakwavo wa yena. Kutani u langute Benjamin lontsongo, hi ku kongoma, nkolo wa yena wu sungula ku tala. A swi tiva leswaku i va ka vona. Xana u te yini? “Vanhu hinkwavo lava nga lahwani a va hume.” Xana ku humelele yini hi nsati na vana va yena? Va yile exigotlwani.

³³⁸ Xana Kereke ya Vamatiko yi ta ya kwihi hi nkarhi wa ku Tlhandluka? Exigotlwani. Mutekiwa, Haleluya, Mutekiwa u ta tekiwa a suka emisaveni, eku Tlhandlukeni. Kutani loko A vuya, Mutekiwa wa Yena a nga kona loko A titivisa Yena eka vamakwavo wa Yena, Vayuda, lava N'wi tlhaveke, lava N'wi aleke.

³³⁹ Kambe nsati wa yena na murhandziwa wa yena, vanghana va yena va le kusuhi lahaya, va yena—va yena n'winyi vanakulorhi lava rhumiweke hi Xikwembu lava a vari kona etempeleni. Kutani loko a langutile, u teri a vari...A va nga switivi. Va teri, “Oho, hosana leyi leyikulu!” Va sungule ku vula leswaku, un'wana eka un'wana, oho, mayelani na swilo leswi va swi endleke.

³⁴⁰ Ndzi pfumela leswaku a kuri Efraim, kumbe kungari Efraim, kambe ndzi rivele leswaku a ri mani sweswi, loyi—loyi a nga teri, “Kunene, a hi nga fanelanga hi n'wi dlayile makwenu wa hina, Yosefa.” A ku, “Ma swi vona, hi le ku hakeleni.” Reuben, Reuben u teri, “A hi fanele hi nga n'wi dlayanga makwenu wa hina,” a ku, “hikuva, ma swi vona, hi le ku swi hakeleni leswi hi nga swi endla.”

³⁴¹ Nakona Yosefa a yimile lahaya; a va nga ehleketa leswaku a nga twisia Xiheveru. Kambe a xi tiva.

³⁴² Van'wana va ehleketa leswaku, a nga xi koti ku xi vulavula...ku twisia ku vulavula hi tindzimi, kambe U tiva hinkwaswo mayelani na swona. Ina, Wa swi tiva. Mfumo wa Vamatiko wu te hi ku vulavula hi tindzimi na tinhlamuselo, enhlokweni ya nsuku (nhloko yo sungula) loko yi nga si wa. Xana i yini lexi heriseke ku hangalaka loku ko sungula ka Vamatiko? Ku tsariwa ka tindzimi leti nga tiviwiki ekhumbini, nakona wanuna lahaya a ta swi hlavutela ni ku vula leswi a swi ri swona. Swi huma hi ndlela leyi fanaka. Amen. Swi nghenile endzeni ni ku humela ehandle hi ndlela leyi fanaka.

³⁴³ A va ehleketa leswaku a nge ti twisisi tindzimi leti a va tivulavula, kambe a titiva. Va teri, “Ma swi vona leswi hi nga swi kuma?”

Kutani Yosefa a swi vona leswaku va tisola eka leswi va swi endleke.

³⁴⁴ Sweswi U vona gome ra vona na ku tisola kuva va N'wi arile, sweswi U le ku tlimbekeni enkolweni wa Yena. U ti lulamiserile ku hangalasa Kereke ya Yena kusuka emisaveni, ku Yi yisa eVukwetsimeleni. Kutani a vuya, nakona tinyimba hinkwato ta misava ti ta tlhava mukhosí.

³⁴⁵ Xana va endlile yini? Reuben, na hinkwavo ka vona, va sungula ku rila, va ku, “Oho! Oho!” Va chava ni ku vula leswaku, “Loyi hi yena. Sweswi ha swi tiva leswaku hi le khombyeni. Sweswi u ta hi dlaya. Sweswi u...Ha swi tiva leswaku hi ya eku herisiweni sweswi, hikuva yaloye i Yosefa loyi a veke ekule na hina nkarhi lowo leha. Hi yena Yosefa, makwenu wa hina, hakunene hi le khombyeni.”

³⁴⁶ A ku, “Kambe sweswi mi nga vavisekeni. Xikwembu xi endlile leswi ku hlayisa vutomi.”

³⁴⁷ Xana Xikwembu xi endlile yini? Hikokwalaho ka yini Vayuda va arile Yesu? Leswaku hina Vamatiko, swingaleswi, leswaku, vanhu lava Xi va vitanekе hikwalaho ka Vito ra Xona, Xikwembu xi swi endlele ku hlayisa vutomi bya Kereke ya Vamatiko, Mutekiwa.

³⁴⁸ Tinyimba hinkwato leti N'wi aleke ti ta tlhava mukhosi. Va ta titumbeta emabakwini, na le maribyeni, nale ka swin'wana, va ku, "Hi tumbetenи, hi weleni, tintshava." Va Xi arile, Xona. Tinxaka hinkwato ta misava ti ta rila hikwalaho ka Yena. Nakona ndyangu wun'wana na wun'wana eIsrael wu ta tihlawula. Mindyangu yi ta avana, wun'wana eka wun'wana, ni ku vula leswaku, "Hi swi endlele yini xana? Swi te njhani leswaku hi N'wi ala? Njhani? Hi luya A yimeke lahaya. Hi lexiya Xikwembu lexi hi Xi yimeleke. Nakona hi Lexiya lahaya, na ku gandla ka swipikiri emavokweni ya Yena, nakona hi hina hi nga swi endla."

³⁴⁹ Sweswo hi swona leswi vuriweke hi vamakwavo ehansi lahaya, loko va vuyile ni ku vula leswaku, "Hi luya Yosefa, loyi hi nga n'wi xavisa."

A ku, "Hi mina Yosefa, makwavo wa n'wina, loyi mi n'wi xaviseleke eEgipta."

³⁵⁰ "Oho!" A va tshukile. Nakona a vari eku kalakalenи ni ku rila, ni ku tsutsuma un'wana eka un'wana, "Xana hi nga endla yini?"

³⁵¹ A ku, "Mi nga vavisekeni, hikuva Xikwembu hi xona xi nga endla leswi hinkwaswo. Xikwembu xi ndzi rhumile ku rhangela n'wina."

³⁵² Xikwembu xi tumbuluxile vanhu hinkwavo; vanhu vo basa, vanhu va ntima, vanhu va buraweni, vanhu va xitshopana, munhu un'wana na un'wana. Xikwembu xi tumbuluxile munhu un'wana na un'wana. Xi tumbuluxile Vamatiko, xi tumbuluxile Vayuda. Xi tumbuluxile hinkwavo. Hinkwaswo i swa ku kwetsimisa ka Xona. Kutani Vayuda a va fanele ku ariwa ku endlela ku teka Mutekiwa wa Vamatiko.

³⁵³ Xexo hi xona xivangelo xa kuva tinxaka leti hinkwato ti ri kona. Swingaleswi Mutekiwa wa Vamatiko na vana va Yena lava nga na Yena, yona Kereke leyo kwetsima ya pentekostal va hlantswiwile eNgatini ya Xinyimpfana, na hinkwawo matimba ya ku pfuka lama hanyakа endzeni ka vona, ma ta pfuka un'wana eka Ntlhandluko (hi xinkadyana, hi ku copeta ka tihlo) ku ya eVukoneni bya Yesu, loko A vuyela endzhaku (ni ku hangalasa hinkwaswo) ku Ti tivisa eka vamakwavo va Yena.

³⁵⁴ Langutani leswi Matsalwa ya swi vulaka lahwani, hi ku pfala. Oho!

Vonani, wa ta hi mapapa; mahlo hinkwawo ma ta n'wi vona, (sweswi u vulavula hi ku Vuya ra vumbirhi, kungari ku Tlhandluka), na vona lava n'wi tlhaveke: . . .

³⁵⁵ Kuavanyisa ka vu 7, ndzimana ya 1 . . . Kumbe, ndzimana ya vu 7 ya kuavanyisa ka 1.

. . . mahlo hinkwawo ma ta n'wi vona, na vona lava n'wi tlhaveke; kutani tinxaka hinkwato ta misava ti ta rila hikwalaho ka yena. Hambi swi ri tano, Amen.

³⁵⁶ Kutani U nyika ntshaho walowo lowukulu. Xana i mani Loyi? I mani Loyi va nga ta N'wi lava?

Hi mina Alfa na Omega, Hi mina A na Z, (A na Z hi Xigriki, alfabet ya Xigriki) . . .

³⁵⁷ Mintirho 2:36, a . . . Petro u teri, "A ku na vito rin'wana ehansi ka Tilo leri hi faneleke ku hanyisiwa ha rona." Kumbe, ee, ndzi kombela ku khomeriwa; ku tshaha hi ku hoxisa. U teri, "Yindlu hinkwayo ya Israel yi fanele ku swi tiva swinene, leswaku Xikwembu xi endle Yesu loyi a fanaka, loyi mi n'wi vambeke, ha vumbirhi Hosi na Kreste."

³⁵⁸ Yohana 14:7 na 12, Thomas u teri, "Hosi, hi kombi Tatana, swi tava swi hi ringene."

³⁵⁹ A ku, "Ndzi vile na n'wina nkarhi wo leha, kasi a mi ndzi tivanga?" A ku, "Loyi a Ndzi voneke u vonile Tatana. Hikokwalaho ka yini u vurisa sweswo leswaku, 'Ndzi kombi Tatana'? Mina na Tatana wa Mina hi Un'we."

³⁶⁰ Ndzi vule sweswo nkarhi wun'wana eka munhu un'wana. Wansati u teri, "Yima nyana, Nkul. Branham." A ku, "Wena na nsati wa wena mi un'we, na n'wina."

Ndzi ku, "Kungari hi ndlela yaleyo."

A ku, "A ndzi ku twanga kahle."

Ndzi ku, "Xana wa ndzi vona mina?"

A ku, "Ndza ku vona."

Ndzi ku, "Wa n'wi vona nsati wa mina?"

A ku, "Ee."

³⁶¹ Ndzi ku, "Kutani, i Va muxaka lowu hambaneke. U teri, 'Loko u vone Mina, u vonile Tatana.'" Swingaleswi sweswo a swi ringanelia eka sweswo.

³⁶² Kutani eka Mukwetsimi Yohana, kumbe Yohana wo Sungula 5:7 ku fika eka 8, n'wina hinkwenu lava swi tsalaka ehansi. Yohana wo Sungula 5:7 ku fika eka 8, ku vula Bibele. Xivulavuri, munhu loyi a fanaka loyi a tsaleke Nhlavutelo lowu Yesu a n'wi nyikeke wona, u teri, "Hikuva timbboni ti kona ti nga tinharhu eMatilweni: Tatana, Rito (Rito i N'wana) . . . Tatana, Rito, na Moya lowo Kwetsima, kutani leswi swi nharhu i xilo xin'we. Timbboni ti kona ti nga tinharhu emisaveni: mati, Ngati, na

Moya, nakona ta pfumelelana; kungari leswaku i tin'we, kambe ti pfumelelana eka un'we."

³⁶³ U ngaka u ngavi na Tatana ku nga va nga na N'wana. U ngaka u ngavi na Tatana kumbe N'wana handle ka kuva na Moya lowo Kwetsima. Hi swona. Kambe n'wina... Nakona mati, Ngati, na Moya, sweswo i swilo leswi lavekaka ku nghena eMirini wa Yena.

³⁶⁴ Loko ku tswala ka ntumbuluko ku humelela, xana hi wihi nchumu wo sungula lowu humelelaka loko wansati a tswala n'wana? Nchumu wo sungula, i mati. Nchumu wa vumbirhi, i ngati. Hi swona sweswo? Nchumu lowu landzelaka, i moya. N'wana a kuma ku hefemula ka yena, a sungula ku hefemula. Mati, ngati, na moya, sweswo hi leswi endlaka ku tswala ka ntumbuluko.

³⁶⁵ Nakambe, ku Tswala ka ximoya. Nkhuvulo wa mati hi Vito ra Yesu Kreste; ku lulamisiwa hi ripfumelo, ku pfumela eka Hosi Yesu Kreste. Mati! Hi xihi lexi landzelaka? Ngati; ku kwetsimisiwa, ku basisiwa, ku n'wi humesela ehandle.

³⁶⁶ Hi kona laha n'wina vanhu va Nazarene mi tsandzekaka kona; ntsena mi fambile mpfhuka wolowo nakambe a ma ha ya nga emahlweni. Xitirhisawa lexi kwetsimisiweke egandzelweni, xi lulamela ntirho, kambe xi ngari eku tirheni. "Ku katekile lava," minkateko, "lava nga na ndlala na torha ra leswo lulama, hikuva va ta xurha." Xitirhisawa xi kwetsimisiwile. Wolowo i ntiyiso.

³⁶⁷ Sweswo swi kotisa wanhwana. Rito *wanhwana* ri vula "wo tengen, wo kwetsima, loyi o ka a nga oswangiki, la kwetsimaka." Lava nthanan a vari na mafurha, nakona nthanan a va ngari na wona; nthanan a va tatiwile, kutani lavan'wani va tisalele ntsena eku kwetsimisiweni. "Xana mi amukerile Moya lowo Kwetsima siku mi pfumeleke," n'wina Mabaptist, Mapresbyterian?

"A hi si twa leswaku Moya lowo Kwetsima a wuri kona."

"Kutani, mi khuvuriwile hi ku khuvula kwihi xana?" Ahaa.

³⁶⁸ Endzhaku ka loko a va tlhandlekile mavoko, loko va ha ri kwalahaya, endzhaku kaloko va ponisiwile ni ku kwetsimisiwa, va tatiwile hi Moya lowo Kwetsima. Hi swona.

³⁶⁹ Mati, Ngati, Moya! Yesu u tile a ta hlantswa ni ku basisa, ni ku kwetsimisa Kereke, leswaku A nga ha ta ni ku hanya eka yona. Hi Ngati ya Yena N'winyi; U nyikele Ngati ya Yena N'winyi leyi tswariweke hi Xikwembu, leswaku A ta hi basisa eka ku tswariwa hi swa masangu, ni ku hi nyika lexi kwetsimaka, xitirhisawa xo tenga leswaku Yena hi Yexe a nga ha ta.

³⁷⁰ "Kungari kungani, kutani misava a yi nga ha Ndzi voni; kambe n'wina mi ta Ndzi vona hikuva Ndzi," riviti ra ximunhu, "ndzi tava na n'wina, ni kuva eka n'wina, ku fika emakumu ya ku hetiseka." Amen. "Ndlela hinkwayo, Ndzi tava na

n'wina ni kuva eka n'wina. Mintirho leyi Ndzi yi endlaka mi ta yi endla na n'wina. Masingita lama ya ta landzela lava pfumeleke." Xikwembu eKerekeni! Oho, mina! Vukwembu! "Hikuva timbhoni ti kona eMatilweni ti nga tinharhu: Tatana, Rito (N'wana), Moya lowo Kwetsima. Kutani i xilo Xin'we."

³⁷¹ Sweswi, mi nga ha ponisiwa ehandle ko kwetsimisiwa. Mi nga ha kwetsimisiwa handleni ka kuva na Moya lowo Kwetsima; hi swona, moya lowu kwetsimisiweke, ehandle ko tatiwa. Ku kwetsimisa mbilu ya wena, ku basisa mbilu ya wena, ehandle ka kuva yi tatiwa hi swin'wana. Sweswo hi leswi A swi vuleke, "Loko moya lowo biha wu hume ka munhu wu fambile, wu famba eka tindhawu leti omeke. Loko wu vuya, wu kuma yindlu ya wona yi ngari na nchumu, wu fika wu nghena. Xiyimo xa munhu ya loye xo hetelela xi hi kotala, ka nkombo, wu nyanyile ku tlula ro sungula."

³⁷² Sweswo hi leswi humeleleke eka n'wina Mapilgrim Holiness, Manazarene, na van'wana. Mi amukerile. Kutani loko Moya lowo Kwetsima wu ta, wu sungula ku vulavula hi tindzimi, ni ku nyika masingita na swihlamariso, mi swi virile "javulosi" ni ku sandza mintirho ya Xikwembu, mi yi vula "nchumu lowu thyakeke." Kutani xana ma ku vona laha kereke ya n'wina yi yeke kona? Humani eka yena! Awara yi fikile, Nhlavutelo wa Yesu Kreste wu dyondzisiwile, Xikwembu xi paluxiwile eka matimba ya minkombiso ya Xona ya Moya lowo Kwetsima. Amen. Siku ra ku kutsuriwa ri le kusuhi.

³⁷³ Sweswi, Vukwembu eka Yena, Timotiya wo Sungula 3:16.

...kunene xihundla xa vukhongeri hi lexikulu:
Xikwembu xi tivonakarisile enyameni,...xi voniwile
hi tintsumi,...xi pfumeriwile emisaveni, xi tlakusiwile
eku kwetsimени.

³⁷⁴ Oho, ntsena kuya emahlweni na kuya emahlweni na kuya emahlweni. Xana kambe hi le kwihi sweswi? Emakun'wini ka ndzimana ya vu 8.

³⁷⁵ Vusiku bya namuntha hi ya sungula hi ya—ya vu 9 ndzimana, *Xivono Xa Le Patmos*. Oho, ku na swilo swa kahle leswi hi nga hlaysikeriwela swona. Ma N'wi rhandza xana? [Nhlengelatano yi ku, "Amen."—Muhleri.]

Ndza N'wi rhandza, ndza N'wi rhandza
Hikuva U sungurile a ndzi rhandza
A xava ku ponisiwa ka mina
Emhandzini ya Xihambano.

³⁷⁶ Hakunene ma swi endla sweswo? Xana Xikwembu xi ti tivisile hi Xoxe eka n'wina, swi paluxiwile leswaku hi Yena N'wana wa Xikwembu, Yesu Kreste, Xikwembu lexi tivonakariseke enyameni, ku ta susa swidyoho? Xi le ku ti paluxeni xona N'winyi emasikwini lawa ya makumu etikerekeli ta Yena, Xi ri eku ti tiviseni.

³⁷⁷ Sweswi, swilo leswi ya ka emahlweni eKerekeni, langutani mi vona, emakumu ka Hungu leri, loko kuri ku Bibele a yi vuli swona swilo leswi leswaku swi ta humeleta, ntsena hi ku fana. Vonani loko va nga swi endlanga, eka Nguva ya Efesa, ni ya Pergamo, Tiatira, ku ya ehansi, nguva yin'wana na yin'wana.

³⁷⁸ Hi byeriwile hilaha Luther a nga ta endla hakona, ni hilaha Wesley a nga ta endla hakona. Ni hilaha dinomineximi leyti ya Pentekosta yi nga ta ya eka Laodekiya, yi ri eka xiyimo xo kufumela, kambe, exikarhi ka sweswo, Xi ta koka vanhu. Sweswo hi swona hakunene. Hi swona hakunene. Hi le makun'wini. Oho, ndzi tsake ngopfu! Nakona, oho, tani hi leswi ndzi ti voneke ndzi tsemekela ekule, ni ku vona vanghana va mina na swin'wana, ni ku vona misava na—na mpfilumpfilu leyti yi nga eka yona, kutani ehleketa leswaku ku Vuya ka Hosi ku tshunela ekusuhi. Hi le makun'wini ya nguva.

³⁷⁹ Timbilu ta vanhu ti le ku tsandzekeni hi ku chava. Hinkwako, un'wana na un'wana, swa huweleriwa eka xiya na moyo, nkarhi hinkwawo, "Ti lulamiseleni nhlaselwa le moyeni. Nghanisani *leswi*, nghanisani *sweswo*, kutani rhelelani endlwini ya le hansi." Xana mi ta tumberisa ku yini eka sweswo? Mi ngaka mi nga swi tumbeli sweswo. Hi swona, nchumu wolowo wu ta famba dzana na makume ntlhanu wa tifiti endzeni ka misava, kuringana dzana na makume ntlhanu wa timayili, hi xikwere. Hikokwalaho ka yini, mahelelo ya swona i... Loko wu ba lahawani, wu ta ninginisa Indianapolis kuya emisaveni. Hikokwalaho ka yini, ntsena wu ta pfurhetela kuva swiphemu-phemu, wu ba kwalahawani eLouisville, wa vona, xin'wana xa leswi. Swa tika ku vula leswi va nga na swona handle ka sweswo.

³⁸⁰ Nakona, langutani, a mi fanelanga ku swi endla. Ma swi tiva, Russia a ri fanelanga ku endla sweswo. Cuba ri nga swi endla sweswo. Xindhawani lexintsongo xin'wana na xin'wana, e—e xindhawani lexintsongo lexi nga ringanaka na Alcatraz ehandle halahaya, xi nga swi endla, ku funengeta misava hinkwayo. Nchumu wun'we ntsena lowu mi faneleke ku wu endla i ku n'wi forisa u koka xintambyani xin'we. A wu kali u lava vuthu. Ntsena wo lava loyi a nga bayizani ku swi endla, emavokwени ya javulosi. Sweswo hi swona hakunene. A nga swi endla, kutani nchumu hinkwawo wu herile. Hinkwaswo swi herile kwalaho.

³⁸¹ Kambe, oho, ndzi pfumeleleni ndzi mi nyika nchumu lowo kateka. Loko hi swi vona sweswo swi ri ekusuhi, loko hi swi vona sweswo leswaku swi nga humeleta ku nga si va mixo. Tsundzukani, Kereke yi ya ekaya sweswo swi nga si humeleta. Ku Tlhandluka ku sungula humeleta ku sungula.

³⁸² Sweswi, leswaku mi nga hundzukela ehenhla, tsundzukani, Yesu u teri, "Tani hilaha a swi ri hakona emasikwini ya Nowa, tani hilaha a swi ri hakona emasikwini ya Lot." Tsundzukani, loko mpfula yi nga si na, Nowa a ri endzeni ka ngalava. Wa

vona? Nowa a ri endzeni ka ngalava. A rhwariwile, eka leswi. Kutani sweswi, Nowa a ri muxaka wa Vayuda. Kambe Enoko u yile ekaya ehandle ko fa. Nakona loko Nowa a vonile Enoko loko a famba, u swi tivile leswaku a wuri nkarhi, a sungula engalaveni yaleyo. Sweswo hi swona. Xexo a kuri xikombiso xa Nowa, loko Enoko a ya ekaya. Nakona tani hiloko Kereke ya Vamatiko yi tekiwa yi famba, kutani U ta ti tivisa hi Yexe eka Israel. Wa vona? Hi swona sweswo.

³⁸³ Tsundzukani, emasikwini ya Lot, tani hilaha Yesu a vuleke ha kona, ku nga si va na kala na rin'we ra ndzilo leri ri nga ta ba misava, Ntsumi yaleyo yi te, "Ngwetla. Hatlisa. Huma lahawani, hikuva a ndzi nge endli nchumu loko u nga se huma." Ku nga si va na ndzilo lowu baka, Lot na ndyangu wa yena a va humile vava va fambile. Swingaleswi, ku Tlhandluka ku ta ta ku nga se nghena Mahlomulo.

³⁸⁴ Mahlomulo, vanhu votala va swi hlanganisela. Hi ta swi ololoxa, vhiki leri, loko Hosi yi swi rhandza, hi ku pfuniwa hi Hosi. Tsundzukani, mi languterile Nkarhi wu kulu wa Mahlomulo, lowu a wuri, loko mi nga swi xakahata sweswo eBibeleni, sweswo a kuri masiku ya ku Xaniseka ka Yakob, ma swi vona, loko a karhatekile. Sweswo a swi nga khumbhani ka helo na Vamatiko. Vamatiko a swi va khumbhi ka helo. Ku hava xifananiso xa sweswo eBibeleni. Kereke ya Vamatiko yi Tlandlukisiwile.

³⁸⁵ Nakona mi langutele leswaku "mati ya hundzuka ngati," na swin'wana swo kotisa sweswo. Sweswo swi vuyela ehenhla ka Israel nakambe, endzhaku lahaya na Muxe na Eliya, loko va vuya. Eliya, ra vumune, u vuya hi ximoya. A kuna na un'we eka lava a va file.

³⁸⁶ Kumbe,...Muxe u file; a va ku tivanga laha a nga lahliwa kona. A boheka ku pfuxiwa kun'wana exikarhi ka nkarhi lowu na lahaya, hikuva eNtshaveni ya Nkwetsimo, a ri kona kwalahaya, a vulavula na Yesu. Xana a ngari yena? [Nhlengeletano yi ku, "Amen."—Muhleri.] Wa vona?

³⁸⁷ Swingaleswi va ta vuyela endzhaku va ta dlayiwa, ni ku latiwa exitarateni xa ximoya lexi vuriweke "Sodoma," laha Hosi ya hina yi nga vambiwa kona, Yerusalem. Va tava va ri karhi va chumayilela Vayuda, ni ku ba misava, ni ku pfala matilo, ni swin'wana swo kotisa sweswo. Nakona ku hela ka ministri wa Vamatiko ku ta ya emahlweni ni ku tihlanganisa na sweswo, kutani Vamatiko va taya ekaya, nakona ministri walowo wu taya emahlweni. Ku tava na ku herisiwa ka swilo hinkwaswo. Xa mbirhi eka xa nharhu bya misava byi wile, na hinkwaswo. Loko mintsumbu ya vona leyi feke yi latiwile eswitarateni, masiku manharhu, langutani leswaku i swa muxaka muni.

³⁸⁸ Langutani swifaniso leswi ndzi swi kumeke lahaya ehansi eDzongeni wa Amerika, loko va dlayile muvuli wa rito wa

Mupentekostal lahaya, nsati wa yena, a pavalarile exitarateni, na yena na vana vambirhi lavantsongo. Xinhwanyetana, na xikhwidyana xa xona xi kukumukile ku kotisa *sweswo*. A va kalanga va va lahla hambi kuri ku va lahla. A hundza hi kwala tlhelio, va va phela hi marha tani hi sweswo, ku ringana masiku manharhu kumbe mune ya wona. Makwerhu Kopp u tekile xifaniso. Ndzi na swona ekaya, wa vona, hilaha va endlaka hakona.

³⁸⁹ Kutani va rhumele tinyiko, un'wana eka un'wana. Vonani hi lahaya sweswo swi xakahataka eBibeleni, ma yi vona kereke leyi nga ta endla sweswo. Hi swona sweswo, kona evokweni, na kuva yi tani hi nyoka sweswi, ntsena hi vuxisi hilaha swi nga kotekekaka, xikombiso xa swilo leswi.

³⁹⁰ Langutani vuprofeta lebyi ndzi nyikiweke hi Hosi hi '33, hilaha byi nga ta humelela hakona, "Va ta pfumelela vavasati ku vhotha. Eka ku vhotha, va ta hlawula munhu wo hoxeka." Swilo swa nkombo swi nyikiwile, nakona nthhanu wa swona swi humelerile. Lexi landzelaka i wansati lonkulu, kereke, matimba kumbe swin'wana, ma ta teka vulawuri bya United States leri, ku ri fuma. Kutani ndzi ri vone ntsena tani hi nkuma, ri pavalarile, laha ri fikeke emakumu. A kuri nkarhi wa makumu.

³⁹¹ Wu teri, "Va tava na muchini lowu nga ta chayela. A va ngavi na muchayeri eka wona." Va lo wu antswisa ntsena. Wu teri, khume n'we wa malembe . . .

³⁹² Moya lowo Kwetsima wu ndzi byerile. Hi leswiya ephepheni. Mi ngaka . . . Swi ngaka swi nga ariwi. Hi leswiya ephepheni, tani hilaha Moya lowo Kwetsima wu vuleke hakona.

³⁹³ Khume n'we wa malembe ku nga si akiwa Maginot Line, ndzi teri, "Majarimani . . . Amerika ntsena . . . Presidente Roosevelt u tava xikelema eka vona hinkwavo." Nakona sweswo hi swona. A ri xona.

³⁹⁴ Ku ngari ku vavisa matitwelo ya n'wina ya Xidemokrasi, kambe ndza—ndza mi byela. A hi Democrat kumbe Republican sweswi. I Yesu Kreste, N'wana wa Xikwembu, loyi hi vulavulaka hi yena. A ndzi wa Democrat kumbe Republican. Ndzi Mukreste. Kutani swingaleswi, va, hambi ri ngava rihi, kambe mi xiyisisa kwalahaya.

³⁹⁵ Nakona langutani lahawani, siku rin'wana, loko mi lava ku vona leswi ntawa wa va gwinahi wu nga xiswona. Va teka michini ni leyi va yi lunghisa, laha, nkarhi hinkwawo mi nga ta vhothela Nkul. Nixon, mi ta fanela ku vhothela nakulorhi loyi un'wana, hi nkarhi wun'we. Ed—. . . J. Edgar Hoover u hlomulele muchini. I vangani lava swi hlayeke? Hikokwalaho ka yini, hakunene, swi le maphepheni hinkwawo, mahungu, na le ka hinkwaswo. Xana ma ku vona laha hi nga kona?

³⁹⁶ A ka hari na nchumu wo tshembheka kumbe Kreste. Amen. Oho, Buku ya khale leyi nga katekisiwa! Hi Yona. Hi yona yi ri

Yin'we leyi ku byelaka leswaku u mani, laha u humaka kona, ni laha u yaka kona (Ina, nkulukumba.), i Buku leyi ya khale leyi katekisiweke, oho, sweswo swi ndzi endla ndzi N'wi rhandza. Xana a swi mi endli n'wina? [Nhlengeletano yi ku, "Amen."—Muhleri.]

Ripfumelo eka Tatana, ripfumelo eka N'wana,
 Ripfumelo eka Moya lowo Kwetsima, lava
 nharhu i Un'we;
 Mademona ma ta rhurhumela, ni vadyohi va
 pfuka;
 Ripfumelo eka Yehovha ri endla xin'wana ni
 xin'wana xi ninginika.

³⁹⁷ Amen. I siku ra kahle njhani leri nga mahlweni ka hina, vanghana! "Ku Hlavutela ka Yesu Kreste loku a ku nyikiweke hi Xikwembu eka tintsumi ta Yena, a va a tikombisa eka Yohana, leswaku ti nga ha tiveka eka Tinguva ta Kereke, swilo leswi nga hlayiseriwa hina."

³⁹⁸ Ingaku Hosi yi nga hi katekisa sweswi, tani hiloko ha ha yima hi milenge ya hina. Hambi kuri na loyi a chayaka piyano, hi nyike khodo yi ntsongo loko u nga swikota, *Teka Vito Ra Yesu U Famba Na Rona*.

³⁹⁹ Sweswi yingiselani. Lahaya, a swi kanakanisi, leswaku ku na valuveri laha exikarhi ka hina endzeni ka tabernakele mixo lowu. Ndzi mi lava leswaku mi qhavula mavoko ya vona. Va rhambeni, va famba na n'wina emakaya ya n'wina, na swin'wana swotala. Endlani leswaku un'wana na un'wana a titwa a amukelekile. Ndzi lava munhu un'wana na un'wana a va na ntiyiso wa ku endla sweswo.

⁴⁰⁰ Nakambe tsundzukani leswaku xikhongelo xi ta sungula hi awara ya nkombo ehenhla ka nhloko, vusiku bya namuntlha. Nakona hi hafu ku bile awara ya nkombo, ndzi tava ndzi vulavula hi *Xivono Xa Le Patmos*. Vusiku bya mundzuku, loko Hosi yi swi rhandza, ndzi tava ndzi vulavula hi nguva yo sungula ya kereke, Efesa, ya Nguva ya Kereke.

⁴⁰¹ Sweswi hi ya eku yimbeleleni ka ku *Teka Vito Ra Yesu U Famba Na Rona*, i risimu ro hi ntshuxa eka tabernakele ya hina leyintsongo. Nakona un'wana na un'wana a yimbeleli sweswi. Swi lulamile.

Teka Vito ra Yesu ri va na wena,
 N'wana wa nhlomulo ni wa khombo;
 Ri ta ku nyika ntsako ni ku chavelela,
 Famba na rona hinkwako laha u yaka kona.
 Vito ro hlawuleka, O ri tsokombela njhani!
 Ku tshembha ka misava ni ntsako wa Tilo;
 Vito ro hlawuleka, Vito ro hlawuleka, O ri
 tsokombela njhani!
 Ku tshembha ka misava ni ntsako wa Tilo.

⁴⁰² Sweswi hi nga si yimbelela ndzimana leyi landzelaka, ndzi lava Mamethodist, Mabaptist, Mapentekostal, Makhatholiki, Manazarene, Mapilgrim Holiness, kuva hinkwenu mi fikelela hinkwako, mi qhavulana na munhu un'wana na un'wana loyi a nga emahlweni ka n'wina, etlhelo kan'wina, endzhaku ka n'wina, mi ku, "Muendzeri wa Mukreste, munghana, ndzi tsakile kuva na wena laha mixo lowu. Ndzi tsakile kuva na xinakulobye na wena, ku rhendzeleka hi swilo swa Xikwembu. Ndza swi tiva leswaku hi vile ni nkarhi wa kahle. Ndzi langutela ku ku vona nakambe lahawani eka vusiku lebyi nakambe." Swin'wana swo kotisa sweswo, loko ma ha qhavulana mavoko na vanhu, emahlweni ka n'wina, endzhaku ka n'wina, ku rhendzeleka na n'wina.

eVitweni ra Yesu ha korhama,

Hi ta vonana vusiku bya namuntlha, Makwerhu Neville. Hi ta vonana vusiku bya namuntlha.

...milenge,

Hosi ya tihosi, eTilweni, hi ta N'wi ambexa harhi,

Loko rendzo ra hina ri tava ri hetisekile.

O Vito ro hlawuleka, O ri tsokombela njhani!

Ku tshembha ka misava ni ntsako wa Tilo;

Vito ro hlawuleka, O ri tsokombela njhani!

Ku tshembha ka misava ni ntsako wa Tilo.

Ku kondza hi hlangana! ku kondza hi hlangana!

Ku kondza hi hlangana emilengeni ya Yesu; (ku kondza hi hlangana,)

Ku kondza hi hlangana! ku kondza hi hlangana!

Xikwembu a xive na n'wina ku kondza hi hlangana nakambe!

Sweswi tani hiloko hi korhamisa tinhloko ta hina:

Ku kondza hi hlangana! ku kondza hi hlangana!



NHLAVUTEO WA YESU KRESTE TSO60-1204M
(The Revelation Of Jesus Christ)
TISERISI TA NHLAVUTEO WA YESU KRESTE

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto na mixo, N'wendzamhala 4, 1960 eBranham Tabernacle a Jeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

XITSONGA

©2017 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org